

1/2 page of.  
93 p/100  
n 5 1911

84  
2-66



179 NOV 2010  
ՀԿՅ

ՎԻՔԹՈՐ ՀԻԿՕՎ

Պ Ա Տ Կ Ե Ր Ա Ջ Ա Ր Դ

# ԻՆՍՏԻՏՈՒՆ ԵՐԵՎ

(ՎԵՊ՝ ՅԲԱՆՍ. ՄԵՆ ՅԵՂԱՓՈԽՈՒԹԵԱՆ ՇՐՋԱՆԷՆ)

ԱՌԱՋԻՆ ՀԱՏՈՐ

*A. D. Mardirossian*

“ԿԻԹԵՄՊԷՐԿ”  
ՄԱՏԵՆԱԾԱՐ  
Թ Ի Ի 7



Կ. ՊՈԼԻՍ  
Տպգր. ԿԻԹԵՄՊԷՐԿ  
1911



20 APR 2006

84  
2-66

ՎԻՔԹՈՐ ՀԻԻԿՕ

ԻՆՆՍՈՒՆ ԵՐԵՔ

(Վ.Է.Պ. ՅՐԱՆՍ. ՄԵԾ ՅԵՂԱՓՈԽՈՒԹԵԱՆ ՇՐՋԱՆԷՆ)

Ա. Մ Ա Ս

Ծ Ո Վ Ի Վ Ր Ա Յ



Թարգմ. Ս. Զ.

«ԿԻՎՈՒՊՈՒԿԻ  
ՄԱՏԵՆԱՇԱՐ»  
ԹԻԼ 7




Կ. ՊՈԼԻՍ  
Տպգր. ՆՇԱՆ. ՊԱՓԻԿԵԱՆ  
1911

12.06.2013

6501

3931-70

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
 ԳՐԱԴԱՐԱՆԻ ԳՐԱԳՐԱԿԱՆ  
 ԿԵՆՏՐՈՆ  
 ՀՍՍՌ-ԱՐՄ ՍՍՐ  
 Վ. Ա. Մյաչ. ՆԱ  
 Ա. ՍՕՍՆԻՔՅԱՆԻ ԱՆՎՈՆ



Պատկ. 1.— (Էջ 3).

## Ե Ր Կ Ո Ւ Խ Օ Ս Ք

### Հ Ր Ս Ս Ա Ր Ս Կ Ի Չ Ն Ե Ր Ր Ի Ն Կ Ո Ղ Մ Է

Անուանի հեղինակի մը հոշակաւոր մեկ գործն է, գոր պատիւ կ'ունենանք հերկայացնելոյ մեր Հասարակութեան:

**Վ Ի Ք Թ Օ Ր Հ Ի Ի Կ Յ**, Հեղինակը «ԻՆՆՍՈՒՆ ԵՐԵՔ», անուն պատմական հոշակաւոր այս վեպին, դեմք մըն է որ բովանդակ դար մը կը պատկերացնէ մեզի: Գրական այս Հսկայ Հանճարին ամեն մեկ երկը գրոյն-գործոյ մըն է ինքնին, եւ յիշատակարան մը՝ հոշակաւոր ստեղծագործութեան:


**Վ Ի Ք Թ Օ Ր Հ Ի Ի Կ Յ** հսկայ մըն է, որ մեր դարուն սեւին վրայ կեցած է եւ իր դիւրական գրիչով կերպարանախոյանք է ամեն բան, — բարուն, բանաստեղծութիւն, վեպ:

Իր պատմական վեպերուն մեջ նշանաւոր է «ԻՆՆՍՈՒՆ ԵՐԵՔ», -ը, որ Ֆրանսական Մեծ Յեղափոխութեան ամենեւնի յուզիչ մեկ դրուագը կը պատկերացնէ, զնորոյ սպարորութեան մը եւ հետաքրքրութեան մը սակ պատկերով ընթերցողը:

Հայ ժողովուրդին համար, որ նշանաւոր յեղափոխական ազգ մը եղած է, շատ հրահանգիչ դասեր կը պարունակեն Ֆրանսայի յեղափոխութեան պատմութիւնը վերջածոյ եւ անոր զանազան դրուագները պատկերացնող վեպեր, որոնց մեծագոյն մասը անմաստ մնացած են մեզի՝ երեսնամեայ բռնապետութեան շրջանին մեջ:

Կը յուսանիք թէ Ֆրանսայի յեղափոխութեան վրայ  
խօսող «ԻՆՆՍՈՒՆ ԵՐԵՔ», անուն վիպիկն հայերէն բողո-  
րոյիսն ընդ եւ սակունն բարգևանութիւնով հրատարակուելը՝  
որ մեծածախս գործ մը պիտի ըլլայ, եւ որուն ձեռնար-  
կած էնիք, պիտի գնահատուի ընթերցող հասարակութեան  
կողմէ, ինչ որ պիտի ֆաշաշերէ մեզ՝ հետզհետէ ուրիշ ընդ  
եւ հոշակաւոր վիպեր ծախարացնել մեր հասարակութեան,  
խիստ դիւրանասցելի պայմաններով:


«Կիսբեմպերի Մասկնաշար», - ի Բրաշար-Հրատարակիչ  
ԵՐՈՒԱՆԵՐ ՄՍՐԻԵԱՆ - ԳԱՐԲԷԼ ԶՈՎՉԱՆՆԷՍԵԱՆ



## ՎԻՔՅՕՐ ՀԻԻԿՕ


(Իր վերջին պատկերը)

Վիքթոր Հիլիօի բանաստեղծական գործը իրացնէ սիեզերական  
արարչագործութեան չափ սյրագան, բեղուն ու անկուն է: Անբողո  
քնուն ու անբողոք մարդկութիւնն է: Հոնկրոսի պէս դիպագնեցող,  
Պիկարի նման քնարերգակ: Եսթիտի պէս ողբերգակ, Թիոֆիլի նման  
հոյսերգակ: Ուժն ու շնորհը, գգուանքն ու բարկութիւնը, ծիծաղն ու  
հաւայը ունի: Ո՛չ ոք այնքան մաքուր, անուշ ու կիրք շնչեր գսած է  
կնոջական, զարկի եւ հայրենիքի սերը պատմութեան հարմար: Ի՞նչ բան  
խօսեցնել չէ տուած. բնութիւնն ու պատմութիւնը, խոսն ու յուսանքը,  
չեն ու ովկիանքը, խեղճնքն ու աստուածները: Միտք իր գաւաթով  
կը խմէր: Հիլիօ բանաստեղծութեան անբողոք սկիզբը կը ծնէր կուշտուկու,  
իւր ափին մէջէն: ՀԱՆՐԻ ՀՈՒՍԷ




1840

Faint, illegible text, likely bleed-through from the reverse side of the page.



Faint, illegible text, likely bleed-through from the reverse side of the page.



Պատկ. 2. — Ծովին վրայ (էջ 6).

# ԻՆՆՍՈՒՆ ԵՐԵՔ

---

Ա. ՄԱՍ

ԾՈՎԻ ՎՐԱՅ



ԱՌԱՋԻՆ ԳԻՐԳ

---

ՍՕՏՌԷԻ ԱՆՏԱՌԸ

1793 Մայիսի վերջերը, Բարիզի վաշտերէն մէկը, Սանդերի հրամանատարութեամբ զրկուած էր Պրըթաները և Ասդիէի մէջ գտնուող Սօտուէի ահաւոր անտառը կը խուզարկէր: Այդ վաշտին մէջ երեք հարիւրէ աւելի մարդ մնացած չէր, որովհետեւ դաժան պատերազմը շատ պակսեցուցած էր անոր թիւը: Այժմ այնպիսի ժամանակ էր, երբ Արկօնէն, Ժէմմարէն և Վալմիէն յետոյ, Բարիզի առաջին վաշտին մէջ, որ բաղկացած

էր վեց հարիւր կամսւորներէ՝ մնացած էին քսան և հինգ հոգի միայն, երկրորդ վաշտին մէջ՝ երեսուն երեք և երրորդին մէջ՝ յիսուներեօթ հոգի: Պատմական կռիւներու ժամանակաշրջանն էր այդ:

Բարիզէն դէպի Վանտէ զրկուած վաշտերէն իւրաքանչիւրը լաղկացած էր ինը հարիւր տասներկու հոգիէ՝ զինուած երեքական թնդանօթներով: Անոնց նախադատրաստումը և ուղարկումը կատարուած էր շտապով:


Ապրիլ 25-ին, երբ Կօնիէ Դատական նախարար էր և Պուլչօթ՝ Պատերազմական նախարար, Բարի-Սորձըր-դարանի (Bon-Conseil) մասնաճիւղը առաջարկած էր կամաւոր զօրք զրկել Վանտէ, և համայնքի անդամը՝ Լիւբէն կազմած էր տեղեկագիրը, այնպէս որ Մայիս մէկին Սանդէր կազմ և պատրաստ էր ձամբայ հանելու տասներկու հազար զինուոր և թնդանօճիգներու վաշտ մը, երեսուն թնդանօթներով: Այս վաշտերը, հակառակ անոր որ աճապարանքով պատրաստուած էին, այնքան լաւ կազմակերպուած էին որ մինչև անգամ այսօր իբրև օրինակ կարող են ծառայել: Անոնց կազմութեան եղանակովն է որ ռազմական գունդերը կը պատրաստուին: Այս վաշտերու մէջ փոխուած էր նոյնիսկ ենթաստիւններու և զինուորներու վաղեմի համեմատականութիւնը:

Ապրիլ 28-ին Բարիզի համայնքը Սանդէրի կամաւորներուն հետեւեալ հրամանը սուած էր. Չիլոնայ երբիք, չիւնայեղ երբիք: Մայիսի վերջերը Բարիզէն մեկնած տասներկու հազար զինուորներէն ութը հազարը մեռած էին արդէն:

Զինուորները Սօտուէի անտառին մէջ կը յառաջանային մեծ զոռչութեամբ, երբէք չէին տճապարիւր, անընդհատ կը նայէին աջ ու ձախ, ետ ու առաջ: Քլէբէր ըսած է թէ «զինուորը իր կռնակին վրայ ալ պէտք



Պատկ. 3.— Սօտուէի անտառը (էջ 7).



Պատկ 4.— Զինուորները Սասնի անտառին մեջ  
կը յարազանային մեծ զգոշուշրեանք... (Էջ 8).

է աչք ունենայ» : Երկար ատենէ ի վեր կը քալէին անոնք : Թէ հիմա ժամը քաւի՞ կարող էր ըլլալ կամ օրուան ո՞ր ժամանակն էր՝ դժուար էր որոշել, որովհետեւ միշտ տեսակ մը իրիկուն է որ կը պատէ այդ վայրենի մտցաւները և երբէք օրուան պայծառ լոյսը չթափանցեր այդ անտառին մէջ :

Տիրահոշակ էր Սօսոէի անտառը : Այդ թաւուտներու մէջն էր, որ 1792 Նոյեմբերին, քաղաքային պատերազմը սկսաւ իր ոճիրները : Այդ միջին խորերէն դուրս եկած էր Մուսքղօն, արիւնսարու կաղը : Այդ տեղ կատարուած էին քսամենկի սպանութիւններ : Անկէ աւելի ահաւոր վայր մը չէր կարող ըլլալ : Այդ էր պատճառը որ զինուորները կը մտնէին անոր մէջ մեծ զգուշութեամբ : Այդտեղ ամէն ինչ ծածկուած էր ծաղիկներով, օրօրուզ ճիւղերը չորս կողմ պատեր ձեւադնցած էին և այդ պատերէն կը սփռուէր տերեւներու սքանչելի թարմութիւն, իսկ արեգակի ճառագայթները տեղ տեղ պատուած էին այդ կանաչ մաշկութիւնը : Կապտագոյն շուշանը, ճահճային կակաչը, մարգերու նարգիսը, այս փոքրիկ ծաղիկը, որ գեղեցիկ եզանակի նշանն է, զարնանային քրքումը ժապաւի նաձեւ նկարներով կը զարդարէին գետինը, ինչպէս կանաչ լայնարձակ գորգ մը հիւսուած ամէն ձեւ մամուռներով, որոնց մէկ տեսակը կը նմանէր փոքրիկ թիթեռնիկի և ուրիշ մէկ տեսակը աստղի :

Չինուորները կը յառաջանային քայլ առ քայլ՝ մաշաւները կամացուկ բանալով, իսկ թռչունները կը ճուղկէին անոնց սուրներու վերեւէն :

Սօսոէ մէկն էր այն անտառներէն, ուրտեղ առաջ, խաղալ ժամանակները, կը կատարուէր Հուիլլբա — գիշերային թռչնորսութիւն : Այժմ թռչնորսին յաջորդած էր մարդորսը :

Անտառը ամբողջովին բազկացած էր ցարասի, ոփնի և կաղնի ծառերէ. գետինը հարթ հաւասար էր, մա-

մուռը և խտոր անլսելի կը դարձնէին անցորդներու քայլերուն շրջիւնը: Շաւիղներ չէին երեւար կամ, եթէ կ'երեւային, իսկոյն կ'անհետանային: Կային միայն փշաւօր դափնիներ, վայրի սալորենիներ, վայրի ձարխօտեր, եղնածառեր, որոնք ցանկապատեր կը կազմէին. բարձրահասակ մորենիները այնպէս բազմացած էին, որ անկարելի էր տասը քայլ հեռուն մարդ տեսնել:

Երբեմն ճիւղերու մէջէն թռչելով կ'անցնէր արագիւր: Ասիկա ցոյց կուտար որ ճափճը հեռու չէ:

Սակայն զինւորները, անձնատուր եղած պատահականութեան, կը յառաջանային: Երկիւղը պատած էր զանոնք. կարծես կը վախնային գտնել իրենց որոնածը: Երբեմն անոնք կը հանդիպէին բանակատեղէ մնացած հեաքերու, — այրուած գետնի, կոխուած խոտերու, իրաչաձեւ տնկուած ձողերու. այդտեղ ճաշ պատրաստուած էր, այդտեղ պատարագ մատուցուած էր, այդտեղ հիւանդներ խնամուած էին: Բայց անցորդներ այլևս չէին երեւար, անյայտացած էին. ո՛ր կը գտնուէին անոնք այժմ, — գուցէ շատ հեռու, գուցէ, ընդհակառակը, շատ մօտ, այդտեղ պահոււրտած, հրացանը բռունցքի մէջ սեղմած: Անտառը ամայի կ'երեւար և վաշտը կը կրկնապատկէր իր զգուշութիւնը: Միայնութիւն — հետեւաբար և անվստահութիւն: Ոչ ոք չէր երեւար. ատիկա աւելի կը հաստատէր այն կասկածը, թէ պահոււրտած մարդիկ կան: Չէ՞ որ այս անտառը, որու հետ այժմ անոնք գործ ունէին, տխուր հուշակ կը վայելէր:

Շատ հաւանական էր որ իրենց համար թակարդ լարուած էր: Երեսուն նոսաձիգ, յիսնապետի մը հրամանատարութեամբ, գունդէն անջատուած, առաջքէն կ'երթային շրջակայքը լրտեսելու համար:

Անոնց ընկերացած էր վաշտի վաճառուհին: Առհասարակ բանակի վաճառուհիները կ'ընկերանան առա-

Չապահ զինւորներուն և այդպէսով պատրաստ են ենթարկուիլ վտանգներու, միայն թէ բան մը տեսնեն: Հետաքրքրութիւնը կանանց մէջ քաջութեան տեսակ մը արտայայտութիւն է:


Յանկարծ այս առաջապահ փոքրիկ գունդի զինւորները տեսակ մը սարսուռ զգացին, ճիշտ այն սարսուռին պէս, զոր կ'զգան որսորդները, երբ կը մօտենան հետամուտ եղած գազանի որջին: Մացառի կեդրոնէն ձայն մը լսուեցաւ և կարծես թէ տերեւներ ալ սկսան շարժիլ: Զինւորները նշաններով իրարու հասկըցուցին իրենց ընելիքը: Խուզարկու զինւորները հետախուզութեան ժամանակ ինքնաբերաբար իրենք կը կատարեն ինչ որ հարկաւոր է, այնպէս որ սպանները պէտք չունին միջամտելու:

Դեռ վայրկեան մը անցած չէր, երբ շարժող կէտը արդէն շրջապատուած ու պաշարուած էր իր վրայ ուղղուած հրացաններու խիտ օղակին մէջ. չորս կողմէ արդէն պատրաստուած էին նշան առնելու մացառի ճիշտ մթամած կեդրոնին և զինւորները, մատները հրացանի ձգանի վրայ դրած, աչքերը կասկածելի կէտին վրայ յառած, պատրաստ էին գնդակահարել. կը մնար յիսնապետի հրամանը միայն:

Սակայն վաշտի վաճառուհին քաջութիւն ունեցեր էր առաջ անցնելու և նայելու մացառին մէջ. և ճիշտ այն վայրկեանին, երբ յիսնապետը պիտի գոռար «Կրա՛կ», կինը ազաղակեց՝ «Սպասէ՛», և դառնալով զինւորներուն՝ «Մի՛ արձակէք, եղբայրներ», ըսաւ և շտապով նետուեցաւ դէպի մացառը:

Զինւորները հետեւեցան անոր:

Սրբարեւ մացառին մէջ բան մը կար: Մացառի ամենախիտ մասին մէջ կը գտնուէր ծառերէ ազատ փոքրիկ տարածութիւն մը, որ բացուած էր ածխազործներու ձեռքով՝ ծառի արմատներէն ածուխ պատ-



Պատկ. 5.— Մի՛ արձակէք եղբայրներ... (Էջ 11).

բաժանելու համար. այդտեղ ճիւղերէ բաղկացած տեսակ մը խողովակի, կամ աւելի ճիւղտ, տերեւներէ հիւսուած սենեակի մը մէջ, ինչպէս կիսաբաց պահարանի մը մէջ, կին մը նստած էր մամուռի վրայ. անոր գիրկը մանկիկ մը ծիծ կ'ուտէր, իսկ ծունդերուն վրայ կը հանգչէին երկու քնացած մանուկներու զոյգ խարտեաչ գլուխներ:

Ահա այս էր թակարարը:

— Այստեղ ի՞նչ կ'ընէք, աղաղակեց վաճառուհին:

Կինը գլուխը բարձրացուց:

— Խելագար էք, ի՞նչ էք, շարունակեց վաճառուհին մոլեգնօրէն, որ այստեղ եկեր էք:

Ապա քիչ մը հանդարտելով՝

— Քիչ էր մնացեր որ ձեր գործը վերջանար...

ըստ:

Յետոյ երևոր դարձուց զինուորներուն և ըստ.

— Ոչի՛նչ, կին մըն է:

— Ներեցէ՛ք, մենք ալ կը տեսնենք որ կին մըն է, պատասխանեց նունաձիգ մը:

Վաճառուհին յարեց.

— Գալ, իյնալ այսպիսի անտառի մը մէջ, ուր ամէն վայրկեան կարող են սպաննել, այսպիսի յիմարութիւն կ'ըլլա՞յ:

Իսկ կինը ապուշ կտրած, շլմորած, քարացած կը նայէր իր շուրջը, կը տեսնէր այս նրացանները, այս սուրերը, այս սուխները, այս կատաղի դէմքերը. կարծես կ'երազէր:

Քնացած զոյգ մանուկները արթնցան:

— Անօթի եմ, պոռաց մէկը:

— Կը վախնամ, ըստ միւսը:

Իսկ երրորդ մանկիկը դեռ կը շարունակէր ծիծ ուտել:

Վաճառուհին դարձաւ դէպի այս վերջինը:

— Ա՛յ քեզ խելօք տղայ, ըստ:

Իսկ մօրը լեզուն սարսափէն կապուած էր:

Յիսնապետը, ատիկա նկատելով, դարձաւ դէպի կինը ու ըստ.

— Մի՛ վախնար, մենք կարմիր-Գդակի վաշտէն ենք:

Կինը գլխէն մինչև ոտքը ամբողջ մարմնով դողդրդաց: Դիտեց յիսնապետին դաժան դէմքը, թաւ յօնքերը, պիտերը և այդ զոյգ սև ածուխները, որոնք աչք կը կոչուին:

— Այս վաշտը առաջ կը կոչուէր կարմիր-Խաչի վաշտ, շարունակեց վաճառուհին:

— Ո՛վ ես դու, տիկին, հարցուց յիսնապետը:

Կինը տակաւին կը շարունակէր սարսափահար դիտել զայն:

Նիհար էր այդ թշուառը, երիտասարդ, բայց տժգոյն, ցնցոտիներու մէջ վաթթուած, գլուխը դրած էր Պրըդանըցի գեղջկուհիներու վեղարածեւ գլխարկը և բրդէ վերարկու մը բարակ պարանով վիզին ամրացուցած էր: Կանացի անտարբերութեամբ բաց թողած էր իր մերկ կուրծքը. անոր արիւնտ ոտքերը ս'չ գուլպայ կար, ոչ կօշիկ:

— Աղքատ կին է, ըստ յիսնապետը:

Իսկ վաճառուհին շարունակեց իր արտաքուստ զինուորի պէս խրոխտ նշուղ, բայց ներքուստ կանացի մեղմ ձայնով.

— Ի՞նչ է ձեր անունը:

Կինը անորոշ թոխովանքով մըմուաց.

— Միշէլ Ֆլեշար:

Վաճառուհին սկսաւ իր կոշտ ձեռքերով դգուել ծծկերին փոքրիկ գլուխը:

— Քանի՞ տարեկան է այս պզտիկը:

Մայրը չհասկցաւ հարցումը: Վաճառուհին աւելի ազդու ձայնով կրկնեց.

— Ասոր տարիքը կը հարցնեմ:

— Ա՛ա՛, մրմուաց կինը, 18 ամսու է:

— Արդէն մեծ երախայ է, այլևս հերիք է որ ծիծ ուտէ. ես զայն ծիծէն կը կտրեմ և այսուհետև ասորով կը կերակրենք զանոնք:

Մայրը կը սկսէր հետզհետէ հանդարտիլ. արթնցած երկու փոքրիկները, աւելի հետաքրքիր էին դարձեր քան թէ սարսափահար: Հիացած՝ անոնք կը դիտէին այժմ զինւորներու զեղեցիկ պճնազգեստները:

— Օ՛հ, հառաչեց մայրը, ասոնք շատ անօթի են, և քիչ մը յետոյ յարեց:

— Այլևս կաթ չմնաց ծիծերուս մէջ:

— Չանոնք կը կերակրեն խալոյն. քեզ ալ անոնց հետ, աղաղակեց յիսնապետը, բայց ատիկա դեռ բուրբը չէ, դուն սա ըսէ թէ քաղաքական համոզումներդ թո՛ւչ են:

Կինը պատասխանի փոխարէն աչքերը յիսնապետին վրայ դարձուց:

— Կր հասկնամ ըսածս:

— Թէև շատ փոքր հասակիս մէջ զիս վանք դրին, թոթովեց կինը, բայց ես վանական չեմ, ես ամուսնացած եմ: Վանքին մէջ կոյսերը ինծի ֆրանսերէն սովորեցուցին: Մեր գիւղը այրեցին և ես այնպէս շտապով փախայ, որ ժամանակ չունեցայ մինչև անգամ կօշիկներս հագնելու:

— Ես քեզի կը հարցնեմ թէ ի՞նչ քաղաքական համոզումներ ունիս:

— Չեմ հասկնար ձեր ըսածը:

— Ես կ'ուզեմ ըսել, պնդեց յիսնապետը, որ լրտեսուհիներ շատ կան. այդպիսի լրտեսուհիները՝ հրացանի կը բռնեն: Այժմ տեսնենք քեզ, խօսէ՛, դուն թափառական գնչու չե՞ս, սո՛րն է հայրենիքդ:

Կինը կ'ը շարունակէր աչքերովը չափել յիսնապետը, կարծես թէ ոչինչ չէր հասկնար:

— Ո՞րն է հայրենիքդ, կրկնեց յիսնապետը:

— Չեմ գիտեր, պատասխանեց կինը:

— Ի՞նչպէս, չե՞ս գիտեր թէ սո՛րն է քու երկիրդ:

— Ա՛՛ա՛, իմ երկիրը. այդպէս, ուրեմն ըսեմ:

— Լաւ, այդպէս, ուրեմն սո՛րն է քու երկիրդ:

— Իմ երկիրս, պատասխանեց կինը, Սիւքօնիարի ագարակն է, որ կը գտնուի Ազէի համայնքին մէջ:

Այժմ ապշելու կարգը յիսնապետին եկաւ. վայրկեան մը լուռ մտածելէ յետոյ՝ շարունակեց:

— Ի՞նչպէս ըսիր:

— Թէ Սիւքօնիարէն եմ:

— Բայց ատիկա հայրենիքի անուն չէ:

— Բայց ատիկա իմ երկիրս է:

Կինը այս պատասխանէն յետոյ վայրկեան մը մտածեց և նորէն շարունակեց:

— Հասկցայ, պարտն, դուք Ֆրանսայէն էք, ես Պրըթաներէն:

— Լաւ, միթէ միեւնոյնը չէ՞:

— Ո՛չ, միեւնոյն երկիրը չէ:

— Բայց չէ՞ որ միեւնոյն հայրենիքն է:

Կինը բաւականացաւ մրայն կրկնելով, թէ ինքը Սիւքօնիարցի է:

— Թող այդպէս ըլլայ, յարեց յիսնապետը, քու ընտանիքդ այնտեղէն է, այնպէս չէ՞:

— Այո՛:

— Ի՞նչ կ'ընէ:

— Իմ ընտանիքէս սո՛չ ոք մնացած է, բոլորը մեռած են:

Յիսնապետը, որ շատ կը սիրէր խօսիլ, շարունակեց հարցաքննութիւնը:

— Տե՛ս, սատանան ալ ծնողներ ունի կամ ունեցեր է. սո՛վ ես դուն, խօսէ՛:

Կինը շփոթած լսեց յիսնապետին յախուռն խօսքերը, որոնք աւելի կր նմանէին վայրենի գազաններու մանչիւններուն, քան թէ մարդկային բարբառին:

Վաճառուհին զգաց, որ պէտք էր միջամտել և սկսաւ փայտայել մանուկը, որ դեռ ծիծ կ'ուտէր, իսկ միւս երկուքին երեսները մեղմ ապտակով շոյեց:

— Այս ծծկերին անունը ի՞նչ է, հարցուց ան, կ'երեւայ որ աշխիկ է:

— Ժօրժէզ, պատասխանեց մայրը:

— Իսկ անդրանի՞կը, սա չարածճի պարտնը ի՞նչպէս կը կոչուի:

— Իրենէ-ժան:

— Իսկ կրտսերը, սա դիրուկ թուշով աղան:

— Կրօ-Ալէն, պատասխանեց մայրը:

— Այս փոքրիկները, շարունակեց վաճառուհին, սիրուն աղաք են. արդէն իսկ լաւ մարդերու երեւոյթ ունին:

Յիսնապետը դեռ կը շարունակէր հարցաքննել:

— Խօսէ՞ ուրեմն, տիկին, տուն ունի՞ս:

— Այո՛, տուն մը ունեի:

— Ո՞ւրտեղ:

— Աղէի մէջ:

— Ինչո՞ւ տանդ մէջ չ'մնայիր:

— Որովհետեւ այրեցին:

— Ո՞վ այրեց:

— Չեմ գիտեր, ճակատամարտ եղաւ:

— Ո՞ւրկէ կուգաս:

— Այնտեղէն:

— Ո՞ւր կ'երթաս:

— Չեմ գիտեր:

— Գանք իրողութեան, ո՞վ ես դուն:

— Չեմ գիտեր:

— Չե՞ս գիտեր թէ ո՞վ ես:

— Մենք փախչող մարդիկներ ենք:

— Դուն ս՞ր կուսակցութեան կը պատկանիս:

— Չեմ գիտեր:

— Կապոյտներո՞ւ կուսակցութեան, թէ ճերմակներու, դուն որը՞ հետ ես:

— Ես իմ սրդիներուս հետ եմ:

Կարճ լուսթիւն մը տիրեց:

— Իսկ ես, ընդհատեց վաճառուհին, ոչ սրդիներ ունեցեր եմ և ոչ ժամանակ:

Յիսնապետը վերսկսաւ.

— Բայց քու ծնողքդ, է՛հ տեսնե՞ք, տիկին, ճիշտ տեղեկութիւններ տուր քու ծնողքիդ մասին...: Ես, օրինակի համար, կը կոչուիմ Ռատուպ, ծննդավայրս Եէքը-Միտի փողոցն է, ուր կը բնակէին ծնողներս: Ինչպէս որ ես կը խօսիմ ծնողներուս մասին, այնպէս ալ դուն քու ծնողներուդ մասին խօսէ. ըսէ, ի՞նչ տեսակ մարդիկ էին քու ծնողներդ:

— Անոնց անունը Ֆլէշար էր, ահա բոլորը:

— Այդ այդպէս է. Ֆլէշարները իրենց տեղը միան, ինչպէս Ռատուպները իրենց տեղը, բայց չէ՞ որ մարդուէ պարապմունք մը պէտք է ունենայ. ուրեմն ի՞նչ էր քու ծնողներուդ պարապմունքը, անոնք ի՞նչ կ'ընէին, հիմակ ի՞նչ կ'ընեն քու Ֆլէշարները, ի՞նչ չար ու մարբաներով կը պարապին:

— Անոնք երկրագործներ էին: Իմ հայրս տկարացիք և աշխատանքի անընդունակ դարձեր էր այն օրէն, երբ իր տիրոջ հրամանով գաւազանի հարուած կերաւ. մենք դեռ շատ երայտապարտ ենք մեր տիրոջ բարեւորութեան, որովհետեւ հայրս ճաղար մը բռնած էր, իսկ ճաղար բռնելու պատիժը մահ է, բայց մեր տէրը շնորհեց հօրս կեանքը և ըսաւ թէ «Ասո՛ր միայն գաւազանի հարիւր հարուած տուէր»: Այն օրէն հայրս խեղանդամ դարձաւ:

3931.70



— Յեառո՞յ :

— Մեծ հայրս Հիւկընօ (բաշոքական) էր և Պ . երեցը զայն թիապարտութեան դատապարտած էր : Այն ժամանակ ես դեռ չատ փոքր էի :

— Յեառո՞յ :

— Իմ ամուսնին հայրը ալի մաքսանենդ էր , ուստի թագաւորը կախել տուաւ զայն :

— Իսկ քու ամուսինդ ինչո՞վ կը զբաղի :

— Այս օրերս անկիւս կը կուռէր :

— Որի՞ համար :

— Թագաւորին համար :

— Եւ յեառո՞յ :

— Յեառո՞յ , ի հարկէ իր տիրոջ համար :

— Յեառո՞յ :

— Յեառո՞յ անշուշտ Պ . երեցին համար :

— Ապուշ արարած քեզի , պտուղ նահաճիդ զինուոր մը :

Կինը սարսափէն ուժգին ցնցուեցաւ :

— Կը տեսնէ՞ք , աիկին , ըսաւ վաճառուհին , շնորհալիօրէն , մենք Բարիզցիներ ենք :

— Տէր Աստուած , Յիսուս Քրիստոս , պտուղ կինը և ձեռքերը իրարու միացուց :

— Մնասպաշտութիւններ պէտք չեն , ըսաւ յիսնապետը :

Վաճառուհին նստեցաւ կնոջ մօտը և ծունդերուն մէջ առաւ անդրանիկ որդին , որ գովամակութեան ոչ մէկ նշան ցոյց չէր տար : Մանուկները ինչպէս առանց պատճառի կը մօլեգնին , նայնպէս ալ առանց պատճառի կը հանգարաին : Անոնք տեսակ մը ներքին նախզգացում ունին , որ ուրիշներուն անմատչելի է :

— Խնդճ կին , այս երկրացի բարի կին , դուք սիրուն գաւակներ ունիք , ապիկա ճիշտ է , կարելի է անոնց տարիքը գուշակել : Մեծը չորս տարեկան է , եղբայրը՝ երեք տարեկան , իսկ այն չարածճին՝ որ այժմ

ծիծ կ'ուտէ , ինչ սարսափելի շատակեր է . փոքրիկ լաւ կրտս , այդ ինչ կ'ընես , մայրդ պիտի ուտես հառցնե՞ս : Կը տեսնէ՞ք , աիկին , երբէք պէտք չէ վախնաք . լաւ է որ ընդունուիք վաշտին մէջ , ճիշտ ինձի պէս : Իմ անունս Հուզարտ է , աւելի ճիշտ՝ սափկա անուն չէ , այլ ծիծաղելի մականունն մը : Բայց չնայելով ասոր , ես կ'ուզեմ որ զիս Հուզարտ կանչեն , քան թէ օրիորդ Քրիօրնօ , ինչպէս կը կանչէին իմ մայրս : Ես ըմպելիք կը ծախեմ բանակին մէջ , ե՛ս եմ , որ խմելիք կուտամ զինուորներուն , երբ անոնք զիրար կը գնդակահարեն , զիրար կը սպաննեն : Իմ սօքերս՝ ձերբնին հետ համեմատելով՝ գրեթէ նայն մեծաթիւնն ունին . ես ձեզ կուտամ իմ կօշիկներս : Օգտատար տասնին Բարիզ էի և Վեստերմանին խմելիք սուր . այդպէս ալ ամէն բան յաջող էր : Ես ականատես ելայ Լուի ՓՁ . ի , կամ ինչպէս կը կոչէին զայն , Լուի Քաթէր գլխատմանը , պատմեմ : Կ'ըսէին , որ Յունուար 13ին ան շաղանակներ խաչել կուտար ու իր ընտանիքին հետ միասին կ'ուրախանար : Երբ զայն բռնի պատկեցուցին գլխատուութեան տանտակի կամ , ինչպէս կ'ըսեն պապիսլի վրայ , ոչ զգեստ ունէր և ոչ կօշիկ . վրան մնացած էրս միայն շապիկը , բաճկանակը , գորշագոյն կերպոս անդրաւարտիկը , և գորշ մետաքսեայ գուլպաները : Այս բոլորը ես ինքս անձամբ տեսայ : Կառքը , պառն մէջ դրած ընդին զայն , կանաչ ներկուած էր : Կը տեսնէ՞ք , այսպէս ուրեմն , եկէ՛ք մեզ հետ : Մեր վաշտի մէջ շատ լաւ աղաքներ կան , դուք կ'ըլլաք ըմպելիքի վաճառուհի թիւ 2 : Ես ձեզ կը սովրեցնեմ , թէ ինչ պէտք է ընել . օ՛հ , շատ պարզ է այդ . կ'առնես սախոր մը և փոքրիկ զանգակ մը , կը մանես ժխորի մէջ , կ'անցնիս գնդակներու , կրակներու , թնդանոթներու հորուածներու , գոռու՛մ-գոշու՛մի մէջէն և կը կանչես . «Տղա՛ք , օ՞վ կ'ուզէ կոնձել» : Ահա քեզ բոլորը , ուրիշ դժուար

բուժիչն մը չկայ : Գալով ինձի, ես բոլորին ըմպելիք կուտամ . Աստուած վկայ, բոլորին, թէ սպիտակներուն և թէ կապոյտներուն, թէեւ ես կը պատկանիմ կապոյտներուն, մինչև անգամ թունդ կապոյտներէն եմ, սակայն ես բոլորին կուտամ խմելիք, որովհետև վիրաւորը անպատճառ կը ծարաւնայ և ամենքը կը մեռնին սուանց համոզմունքի խարութեան : Ս'հ, ինչ անմտութիւն է կուտիլը : Եկէք մեզ հետ, եթէ զիս սպաննեն, այն ժամանակ դուք իմ փոխանորդս կ'ըլլաք : Նայեցէք ինձի, ես թէպէտ քիչ մը խիստ դէմք ունիմ, բայց լաւ կ'ին եմ և միեւնոյն ժամանակ քաջ գինուոր : Երբեք մի վախնաք :

Երբ վաճառուհին վերջացուց իր խօսքը, կ'ինք մրմռաց .

— Մեր դրացուհիին անունը Մարի-Փանն էր, իսկ մեր աղախըն՝ Մարի-Քլօս :

Սակայն յիսնապետ Ռատուպ կը յանդիմանէր 'նրունս ձիգը :

— Լռէ՛, կըսէր, դուն տիկիսը վախցուցիր : Գիտցիր որ տիկիներու 'ներկայութեան անվայել է հայհոյել :

— Հապա ի՞նչ, ընդդիմախօսեց 'նունս ձիգը, խելքը գլուխը պատուաւոր մարդը մը թէ՛ կարող է կատաղութենէ չխելագարուիլ, երբ կը տեսնէ այս շինական անմրտ արարածները, որոնց կեսրայրը խելանդամ դարձեր է տիրոջ հրամանով, մեծ հայրը տաժանակիր աշխատանքներու է դատապարտուած երեցին ձեռքով և հայրը կախուեր է թագաւորին վճիռով, իսկ անոնք այսօր կը կուտին, կ'ապստամբին և իրենց կաշին կը վտանգեն . . . և որի՞ համար, — այդ միեւնոյն իշխանի, այդ միեւնոյն երէցին և այդ միեւնոյն թագաւորին համար :

— Լուսթի՛ւն, հրամայեց յիսնապետը, դառնալով դէպի զինուորներու շարքերը :

— Ես կը լռեմ, պարոն յիսնապետ, յարեց 'նունս ձիգը, բայց ես չեմ կրնար իմ բարկութիւնս զսպել, երբ կը տեսնեմ ասանկ գռեհիկ կ'ին մը, որ պատրաստ է իր կեանքը զոհել այդպիսի յիմար արարածներու համար :

— Նունս ձի՛գ, ըսաւ յիսնապետը, հերիք է. թո՛ղ քու ճարտասանութիւնդ, յիչէ որ մենք այժմ Բիքի քիւպին մէջ չենք :

— Տիկին, շարունակեց յիսնապետը դառնալով դէպի կ'ինը, քու ամուսինդ ի՞նչ կ'ընէ, ի՞նչ եղաւ :

— Ոչինչ եղած է, քանի որ սպաննած են զայն :

— Ո՞ւր :

— Յանկապատի մօտ :

— Ե՞րբ :

— Երեք օր եղաւ :

— Ո՞վ սպաննեց :

— Չեմ գիտեր :

— Ի՞նչպէս, չես գիտե՞ր թէ ո՞վ սպաննեց քու ամուսինդ :

— Ո՛չ :

— Սպաննողը կապոյտներէն է թէ սպիտակներէն :

— Սպաննողը հրացանի գնդակն է :

— Եւ երեք օր է որ սպաններ են :

— Այո՛ :

— Ո՞ր կողմէ :

— Ամուսինս մեռաւ Էրնէի կողմերը, ահա այսչափ :

— Յետո՛յ, ամուսնիդ մահէն ետք դուն ի՞նչ կ'ընես :

— Ես կը տանիմ իմ փոքրիկներս :

— Ո՞ւր կը տանիս :

— Առջեւս ձգած կը տանիմ :

— Ո՞ւր կը պառկիս :

— Գեանի վրայ :

— Ի՞նչ կ'ուտես :

— Ոչինչ :

Յիսնապետը դէմքը ծամածուեց իսկական զինուորականի նման, քիթը և պեխերը իրարու մօտեցնելով .

— Ուրեմն բան մը չէ՞ք կերած :

— Ոչինչ, այսինքն անպէտ բաներ, ինչպէս մօրենիի անցած տարուրնէ մնացած պտուղները, մարդերու հատիկները և մինչեւ անգամ պուտերու ծիլերը :

— Այո՛, միևնուայն է. ոչինչ չէ՞ք կերած :

Անդրանիկը, որ լսաւ երևոյթիւն կը հասկնար խօսակցութիւնը, շշնջաց .

— Անօթի եմ :

Յիսնապետը գրգռնէն հանեց զինուորի հայր կտոր մը և տուաւ մօրը : Վերջինը հացը երկու կտոր բրաւ և որդիներուն բաժնեց : Փոքրիկները չկտան ազանաբար ուտել :

— Խեղճ կիւն, իրեն համար ոչինչ չպահեց :

— Որովհետեւ կուշտ է, պատասխանեց զինուոր մը :

— Ա՛յ, որովհետեւ մայր է, ըսաւ յիսնապետը :

Մանուկները ընդհատեցին անոնց խօսակցութիւնը :

— Ծարաւ եմ, ըսաւ մէկը :

— Ես ալ ծարաւ եմ, կրկնեց միւսը :

— Այո անիծուած անտառին մէջ աղբիւր չկա՞յ, ըսաւ յիսնապետը :

Վաճառուհին առաւ պզկնձէ քարը, որ փոքրիկ զանգակին նեւ միասին կախուած էր գօտիէն, փակով մէջքին տարացուցած սափորի ծորակը դարձուց. քանի մը չափիլ ջուր կախեցուց քարի մէջ և մօտեցուց մանուկներու շրթունքին :

Անդրանիկը խմեց և դէմքը ծամածուեց :

Կրտսերը խմեց և թքաւ :

— Սակայն լաւ ջուր է, ըսաւ վաճառուհին :

— Բայց սա մեր գործածած ջուրէն է, հարգուց յիսնապետը :

— Այո և ամէնէն աղէկն է, միայն թէ անոնք գիւղացիներ են :

Այս ըսելով, վաճառուհին քարը սրբեց :

— Այդպէս ուրեմն, տիկին, շարունակեց յիսնապետը, դուն կը փախչիս ազատելու համար :

— Այդպէս պէտք է ընել :

— Եւ կը փախչիս դաշտերու մէջէն, այդպէս ուղղակի, առանց երբեք ետիդ նայելու :

— Այո՛, նախ կը վազեմ, ապա կը քարեմ և յետոյ կ'իջնամ :

— Խեղճ աղջիկ, ընդհատեց վաճառուհին, ի՞նչ թշուառ համայնքի կը պատկանի :

— Մարդիկ կը կուտին, թոթովեց կիւնը, հրացաններով կը պաշարեն զիս, իսկ ես չեմ գիտեր թէ անոնք ինձմէ ի՞նչ կ'ուզեն, միայն այսքան իմացայ, որ ամուսինս սպաննեցին :

— Ինչ գազանութիւն, ինչ անասնութիւն է պատերազմը, պուաց յիսնապետը և բարկութենէն հրացանին կոթը զեանին զարկաւ :

— Անցած զիշեր մօնք պառկեցանք եւնուսի մէջ :

— Դուք չո՞րսդ :

— Այո՛, մենք չորսս :

— Քնացա՞ք :

— Այո՛, քնացանք :

— Այն ժամանակ ոտքի վրայ կանգնած քնացաք :

Այս խօսքերէն յետոյ յիսնապետը դարձաւ դէպի զինուորը :

— Տղա՛ք, տեսէք այս վայրենիները ինչ կ'ըսեն. նին փտտած ծառի խոռոչ մը, որու մէջ մէկ մարդ հազիւ կարող է տեղաւորուիլ, ինչպէս սուրը իր պատկանին մէջ, այս խոռոչը անոնք կ'անուանեն եւնուս... Եւ դեռ չեն ուզեր ճանչնալ Բարիզը :

— Օ՛հ, պառկիլ ծառի խոռոչի մէջ, աւելցուց վաճառուհին, և երեք որդիներու հետ միասին:

— Եւ երբ այս մանուկները այդ ծառի բունին մէջ կը շաղակրատէին ու ճամբորդները այդտեղէն անցած ատեն ոչինչ չէին տեսներ, բայց կը լսէին, որ ծառը կը կանչէր. «Մայրիկ, մայրիկ». կ'երեւակայեմ թէ ինչքան ծիծաղելի պիտի ըլլար այդ բանը անոնց համար:

— Բարեբաղդաբար ամառ է, հառաչեց կինը:

Կը նայէր գետինը, գլխիկոր, իր ճակատագրին հլու արտայայտութեամբ, իսկ աչքերը՝ այդ սարսափներու ազդեցութեան տակ՝ ապուշ կտրած էին:

Ձինուորները լուռ ու մունջ շրջապատած էին այդ մարմնացած թշուառութիւնը:

Այրի՛, երեք որդիկներով, փախուստ, բոլորովին անօգնական, միայնութիւն, պատերազմի դրդիւն, որ լեցուցած էր աշխարհը, սոված, ծարաւ, խոտը — միակ ուտելիք, բաց երկինքը — կտուրի տեղ:

Յիսնապետը մօտեցաւ կնոջը և իր նայուածքը ուղեց ծծկեր մանուկի վրայ, որ իսկոյն թողուց ծիծը, գլուխը մեղմիկ դարձուց և իր կապոյտ աչքերը ուղեց այդ ցից ցից սնկուած չէկ մազերուն ու անոնցմով պատած բրդոտ դէմքին, որ իր վրայ ծռած, իրեն կը նայէր, և սկսաւ ծիծաղիլ:

Երբ յիսնապետը շտկուեցաւ, արտասուքի խոշոր կաթիլ մը սահելով անոր այտերէն, կախուեցաւ անոր պիսի ծայրէն, մարգարիտի պէս:

— Տղա՛ք, ըսաւ զինուորներուն դառնալով, այս բոլորը տեսնելէ յետոյ ես կ'եզրակացնեմ, որ մեր վաշտը հայր պիտի դառնայ. որդեգրենք այս երեք մանուկները. այսպէս լաւ կ'ըլլայ, այնպէս չէ՛:

— Կեցցէ՛ հանրապետութիւնը, գոռային նոնաձիգները:

— Ուրեմն վճռուեցաւ, ըսաւ յիսնապետը և ձեռքերը երկնցուց մօրը և անոր որդիներուն վրայ՝ ըսելով, անա «Կարմիր գտակ» վաշտի որդիները:

Վաճառուհին ուրախութենէն վեր վեր ցատկեց և աղալակեց. «Երեք գլուխ գտակի մը մէջ»: Յետոյ սկսաւ բարձրաձայն հեկեկալ և խելագարի նման գրկելով թշուառ այրին, աւելցուց. «Այս փոքրիկ աղջիկը ինչ չարածճի դէմք ունի»:

— Կեցցէ՛ հանրապետութիւնը, կրկնեցին զինուորները:

Եւ յիսնապետը դարձաւ դէպի մայրը.

— Եկէ՛ք, տիկին քաղաքացի:

## ԵՐԿՐՈՐԴ ԳԻՐԲ

### “ԿԷԼՅՈՐ,, Մարտանաւը

Ա.

#### ԱՆԳԼԻԱ ԵՒ ՅՐԱՆՍԱ ԻՐԱՐՈՒ ԴԷՍ

1793ի գարնան մէջ, երբ Յրանսայի բոլոր սահմանազուխները ենթարկուած էին յարձակման, երբ Փիրօնանաններու անկումը յուզած ու գրաւած էր բոլոր մտքերը, այդ ըստէն ահա թէ ինչ կ'անցնէր կը դառնար Մանչի Աբշիպիզագոսին մէջ:

Յունիս իր իրիկունը, ձէրսէյ կղզիի մօտ, փոքրիկ ամայի ծովախորշին մէջ, որ կը կոչուի Պօնիւի, արեգակին մայրամուտէն մօտաւորապէս ժամ մը առաջ, նաւ մը՝ առագաստները բացած՝ կը մեկնէր մառախոյապատ օդով մը: Մառախոյը թէեւ վտանգաւոր է նաւարկութեան համար, բայց կ'օգնէ փախուստին: Այս նաւը, որ կեցած էր կղզիին արեւելեան ծայրը և կը հսկէր, պահպան զինուորի մը պէս: Թէեւ կը պատկանէր անգլիական նաւատորմին, բայց նաւատորմները Փրանսացիներ էին: Լա Թուր տ'Օվէրնի իշխանը, Պուլոններու ընտանիքէն, այն ժամանակ անգլիական այս փոքրիկ տորմիզի հրամանատարն էր և այս մարտանաւը անոր հրամանովը կը մեկնէր յատկապէս մառ-

նաւոր ու շատ կարեւոր գործի համար: Անունը կրէր յօր էր, ինչպէս արձանագրած էին Թրինիդի-Հաուզի նաւաւայուցակին մէջ: Արտաքուստ բեռնատար նաւի տեսք ունէր, բայց խկապէս մարտանաւ էր: Թէեւ ծանր և խաղաղ գնացք ունէր, ինչպէս առ հասարակ բոլոր աւաւարական նաւերը, բայց սակէ պէտք չէր խարուիլ, որովհետեւ զայն շինած ատեն երկու նպատակ ունէին — խորամանկութիւն և սլո: Խաբել, եթէ կարելի է, և կուսիլ, եթէ հարկաւոր է: Այսօր անոր միջնայարկը, բեռներու տեղ, զետեղած էին մեծ գնդաշափեր ունեցող նաւային թնդանօթներ, որպէսզի մարտանաւը կազմ և պատրաստ ըլլայ այն գործին, որուն համար նշանակուած էր: Այս թնդանօթները երեքտակ չլթաներով ամուր կապուած էին, բերանները դարձուած գէզի նաւի շտեմարանի գոցուած մուտքը: Դիտմամբ այդպէս եղած էր, որովհետեւ ծովի վրայ փոթորիկ կը սպասուէր կամ, աւելի ճիշտ, որպէսզի մարտանաւը բոլորովին խաղաղ նաւի տեսք ունենար: Եւ արդարեւ՝ այդ դրութեան մէջ դուրսէն սչինչ չէր կարելի նշմարել: Թնդանօթի ծակերը բոլորովին գոցուած էին: Գոցուած էր նաև մարտանաւին շտեմարանի բերանը, որ առ հասարակ սպառազինուած կ'ըլլայ: Մարտանաւը, կարծես, դիմակ հագած էր: Այս թնդանօթները՝ հաստատուած շառաւիղաւոր անիւներու վրայ, շինուած էին արայրէ և կը պատկանէին ինչ ձեւին, որ կը կոչուի շառաւիղաւոր անիւներու ձեւ: Մարտանաւերու մէջ սովորաբար սպառազինուած կ'ըլլայ նաւաւաւորը, իսկ այս նաւը՝ շինուած յատկապէս թշնամին յանկարծակի բերելու և դարան մտնելու համար՝ նաւակամօրջի վրայ սչինչ չունէր, այլ, ինչպէս վերը բացատրեցինք, իր միջնայարկի մէջ թնդանօթներու ամբողջ մարտից մը կը պարունակէր: Պինդ ու ամբակազմ և, ըստ երեւոյթին, թէեւ քիչ մը ծանրաշարժ,

բայց շատ լաւ գնացք ունէր . իր հաստատուն կազմով ամբողջ անգլիական նաւատորմիդի մէջ իր նմանը չու-  
նէր , և չնայելով որ մեծ կայմի փոխարէն ունէր պի-  
կարիկն նաւերու յատուկ փոքրիկ կայմ , բայց և այնպէս  
պատերազմի մէջ ամբողջ փրկկար մը կ'արժէր : Անոր  
ղեկը շինուած էր շատ հանճարեղ և հազուադիւտ ձե-  
ւով . անոր կորագիծ կողերը , սրոնց նմանը չէր կարելի  
գտնել Սաութեմթընի նաւարանին մէջ , արժամ էին  
յիսուսն անգլիական ոսկի :

Նաւի զինուորական մարմինը կազմուած էր ամ-  
բողջովին ֆրանսացիներէ և յի լափոխութեան պատճա-  
ռով հայրենիքէ գաղթած սպաններէ և դասալիք զին-  
ուորներէ : Բոլորը զատուած , ընտրուած էին , բոլորը ,  
առանց բացառութեան , պատուական նաւատարի , յաջ  
զինուոր և թագաւորի թունդ կուսակից . բոլորը զրա-  
հանաւի , սուրի և թագաւորի անձնուէր , մոյեռանգ  
թիփեր :

Նաւաստիներու հետ միասին նաւ դրած էին կէս  
վաշտ ծովային հետեւակազօրք , սրոնք կարող էին օգ-  
տակար ըլլալ ցամաք ելած ժամանակ :

Կրիշմօրի նաւապետն էր Սէն-Լուի շքանշանի ասպետ  
Կոմս Պուա-Պէրթըլօ . ֆրանսական հին նաւազօրքի  
ամենայայտնի սպաններէն մէկը : Անոր փոխանորդն էր  
ասպետ Լա Վիէօվիլը , որ հրամանատար եղած էր  
ֆրանսական թիկնապահ զինուորներու այն դասակին ,  
ուր Հօշը յիսնասպետ էր : Իսկ ձէրսէյ կղզիի ամենալաւ  
ծովագնացը՝ Ֆիլիք Կաքուալ , Կրիշմօրի մէջ կը ծառա-  
յէր իբրև ճարտիկ ղեկավար :

Դժուար չէր գուշակել , որ այս նաւը արտաքոյ  
կարգի գործ մը պիտի տեսներ : Եւ արդարեւ՝ անով  
կ'ուղեւորուէր մարդ մը , որ , ինչպէս կ'երեւէր , պատ-  
րաստ էր բախդախնդիր խաղ մը խաղալու : Այս մարդը  
ծերունի մըն էր , ուղղաձիգ և ամբակազմ , դէմքի

խիստ արտայայտութեամբ , այնպէս որ դժուար էր սրո-  
շել անոր տարիքը , որովհետեւ անոր դէմքը ծերուկի և  
երիտասարդի տպաւորութիւն կը թողուր միաժամանակ :  
Այն մարդերէն էր , սրոնք իրենց ճակատին վրայ սով-  
տակ մազեր , իսկ նայուածքի մէջ կայծակ ունին : Գա-  
ռասուն տարեկան մարդու առայգ դէմք ունէր , բայց  
իր պատկառելի արտաքինով ութսուն տարեկան ծե-  
րունի էր :

Այն բոլորէն , երբ ան կը մտնէր նաւ , անոր ծովա-  
յին վերարկուն բացուեցաւ և տակէն երեւացին լաջն  
անդրավարակը , զոր տեղացիները «պրակուպրա» կ'ան-  
ուանեն բարձր , մինչեւ սրունքները քաշուած կօշիկ-  
ներն և այծի կաշիէ պատրաստուած բաճկոնակ մը ,  
որուն դուրսի երեսը բանուած էր մետաքսեայ ժապա-  
ւէններով , իսկ անտարը՝ պատած էր կոշտ ու կոպիտ  
մազով : Պրըթօն գիւղացիի իսկական զգեստ : Այս հին  
ձեւի բաճկոնները միանգամայն երկու նպատակի կը ծա-  
ռայէին , իբրև տօն օրերու և իբրև հասարակ օրերու  
զգեստներ նայելով թէ որ երեսը կը գործածուի , մե-  
տաքսապատ թէ մազոտ երեսը . առաջինը տօնական  
զգեստ էր կիրակի օրերու , իսկ երկրորդը՝ անասունի  
հասարակ մորթը՝ գիւղացիի լուր օրուան հանդերձ :  
Նմանութիւնը կատարեալ դարձնելու համար աւելցնենք  
որ ծերունիին հագած գեղջկական զգեստի ծունգերը և  
կարերը արդէն մաշած էին . կ'երեւար որ երկար տեսն  
հագնուած էր : Իսկ ծովային վերարկուն , կարուած կոշտ  
կտորէ , աւելի կը նմանէր ձկնօրսի ցնցոտիներու : Գլու-  
խը դրած էր այն ժամանակները գործածուող կոոր գըլ-  
խարկը՝ բարձրաձեւ և լաջնեզր : Այս գլխարկը կը դնեն  
գիւղացիները՝ եզրերը ցած թողած , իսկ զինուորական-  
ները , ընդհակառակը , կը բարձրացնեն եզրները լամ-  
բակին ամբացուած օղակով : Ծերունիի դրած գլխարկին  
եզրները ցած թողուած էին առանց օղակի և առանց  
լամբակի :

ձէրսէյ կղզիի կառավարիչը՝ Լորա Պալքարա և իշխանն ար լա Թուր ա՛Օվէրներ անձամբ առաջնորդեցին ծերունին դէպի նաւը և հոն տեղաւորեցին զայն, իսկ իշխաններու գաղտնի գործակալը՝ կամս ա՛Սրզուայի ՚ին թիկնապահը՝ ժէլամպը, անձամբ պատրաստել սոււած էր անոր նաւախցիկը ու թէեւ վերին աստիճանի ազնուական, բայց յարգանքն և հոգատարութիւնն այնտեղ հասցուցած էր որ ծերունին պայտասկը առած՝ անոր ետեւէն մտեր էր նաւը և ետ դարձած ժամանակ՝ խոնարհութիւն մը բերեր էր։ Բաժնուած ատեն լորա Պալքարա անոր ըսեր էր. «Յաջողութիւն, զօրաւոր», իսկ իշխանն ար լա Թուր ա՛Օվէրներ՝ «Յաւաստութիւն, սիրելի հօրեղբօրսդ»։

Նաւաստիները իսկոյն սկսեր էին «գիւղացի» անուանով որոշել այդ ծերունի ճամբարը և այդպէս ալ կը կոչէին զայն ծովի մարդերու յատուկ կարծ խօսակցութիւններու մէջ. ու թէեւ ասկէ աւելի ոչինչ չգիտէին, բայց անոնք կ'ըզային որ այս գիւղացին հասարակ գիւղացի չէր, այնպէս, ինչպէս որ այս մարտանուն ալ հասարակ ապրանքանու չէր։

Թեթեւ հով կը փչէր։ Կրկնօր հեռացաւ Պոնտիքէն, անցաւ Պուլէ-Պէլ տաջեւէն և քանի որ ծովեզրէն չատ հեռացած չէր, գեռ կ'երևար. յետոյ կամաց կամաց աղօտացաւ հեղհեռէ աճող գիշերային խաւարին մէջ և վերջապէս բոլորովին անյայտացաւ։

Իսկ ժէլամպըր, նաւէն դէպի իր բնակարանը՝ Սէնդէլիէ վերադառնալէ ժամ մը յետոյ, Սաութէմթընի յատուկ թղթատարով, Եօրքի դուքսի կեդրանական բնակավայրը, կամս ա՛Սրզուային ըկեց նամակ մը, բաղկացած չորս տողէ. «Տէր իմ, անիկա արդէն մեկնեցաւ. յաջողութեան մասին կասկած չկայ. ութ օր չանցած, ապստամբութեան հրդեհը կը բռնկի ամբողջ ծովեզրի վրայ Կրանովիլէն մինչև Սէն-Մալօ»։

Ատիկ չորս օր առաջ Մարնի ներկայացուցիչ Բրիէօր, որ կառավարութեան կողմէ գրկուած էր ծովեզրի բանակավայրը՝ Շէրպուրկ և որ ներկայ բոպէին մէջ կը գտնուէր Կրանովիլ, նոյնպէս ստացեր էր իր գաղտնի գործակալէն նամակ մը՝ գրուած առաջինին սձով. «Պարսն քաղաքացի և ներկայացուցիչ։ Կրկնօր նաւը իր ծածկուած թնդանօթային մարակոցով, յունիսի մէկին, մակընթացութեան ժամանակ, պիտի մեկնի և Քրանստական հոյր պիտի փոխադրէ մարդ մը, որ հետեւեալ նշաններն ունի. — բարձրահասակ, ծեր, մազերը սպիտակ, զգեստները գիւղացիի, իսկ ձեռները ազնուականի. միւս մանրամասնութիւնները կը հաղորդեմ վաղը։ Ամսոյ կրկուքին ան Քրանսական ցամաքը պիտի ելլէ։ Մարտանաւերը պատրաստ պահեցէ՛ք, բռնեցէ՛ք նաւը և գլխատեցէ՛ք այդ մարդը»։

Բ.

### ՃԱՄԲՈՐԳԸ ԵՒ ՆԱԻՐ՝ ԳԻՇԵՐՈՎ

Մարտանաւը Թրանսա մեկնելու համար պէտք է իր ճամբան բռնէր դէպի հարաւ, ուղղակի դէպի Սէն-Քաթերին, բայց ընդհակառակն իր գլուխը դարձուցեր էր դէպի հիւսիս, ապա ուղլութիւնը փոխեր էր դէպի արեւմուտք և թափով մտեր էր Սէրք և ձէրսի կղզիներու մէջտեղը, ուր ծովը նեղնալով կը կազմէ բազկաձև անցք մը, որ յայտնի էր «Փախուստի ճամբայ» (Passage de la Déroute) անունով։ Այդ ժամանակ ծովանցքի այս երկու ափերն ալ ոչ մէկ փարոս չէր լուսաւորեր։

Արեւը շատոնց մարը մտած էր : Թէեւ ամառնային գիշերները սովորաբար լոյս կ'ըլլան , բայց այն գիշեր բացառաբար մութ էր , չնայելով որ լուսին կար . լայն ու խիտ . աւելի աշնանային , քան թէ ամառնային աւպերը իրենց հոծ խաւերով պատած էին երկինքը , այնպէս որ լուսինը միայն այն բոպէին պիտի երեւար . երբ հորիզոնի եզերքին խոնարհէր մարը մտնելու : Ամպերու քանի մը խաւեր կախուած էին մինչեւ ծովի մակերեւոյթը և իրենց մառախուղով պատած էին դայն :


Այսպիսի մթին գիշեր մը շատ նպաստաւոր էր նաւորդներուն :

Նաւաղեկի կտուավարիչ Կաքուալ որոշած էր ձէրսի կղզին ձախ կողմը , իսկ Կէրնըսէ կղզին աջ կողմը թողլով և համարձակ շարժումով մը անցնելով Հանուայի և Տուվրի մէջտեղէն մտնել Սէն-Մալոյի ծովախորշերէն մէկը : Այս ճամբան քիչ մը աւելի երկար էր , քան թէ Մէնքիէինը , բայց անոր փոխարէն աւելի ազահով էր , որովհետեւ Ֆրանսական մարտանաւերը իրենց ստացած հրամանի համաձայն՝ միշտ կը պտտէին այս ափերը և կը հակէին մասնաւորապէս ծովափի այն մասի վրայ , որ կ'երկարի Սէնդ-Էլիէէն մինչեւ Կրանվիլ :

Եթէ յաջող հով փչէր , եթէ անակնկալ պատճառ մը չխանգարէր , Կաքուալ յոյս ունէր որ , առաջաստները բացած միւս օրը առտուն կանուխ , Ֆրանսական եզերքը հանդիպիլ :

Ամէն բան յաջող կ'երթար : Մարտանաւը արդէն անցած էր Կրօ-Նէ հրուանդանը : Ժամը ինն էր , երբ օդը , ինչպէս կ'ըսեն ծովի մարդիկ , դէմքը աւրեց և ծովի քամին սկսաւ փչիլ : Բայց քամին նպաստաւոր էր և ծովը ալեկոծուած , առանց սակայն մոլեգնած ըլլալու : Երբեմն ալիքները , զարնուելով նաւախելքին , իրենց փրփուրով կը թրջէին դայն :





Պատկ. 6.— Գիշարացիներ... (Էջ 33).

«Գիւղացին», զոր լորտ Պալքարա զօրավար անուանած էր, խոկ իշխանն ար լաթուր Տօվէրնեը՝ «իմ սիրելի հօրեղբորսդիս», նաւաստիի հաստատուն սունեք ունէր և այդ պահուն տեսակ մը հանդարտ վեհութեամբ կը պտտէր նաւակամուրջին վրայ, կարծես երբեք չէր գգար որ նաւը ուժգին կ'օրօրուէր: Երբեմն միայն իր բաճկոնաւի գրպանէն կը հանէր շօքօլայի կտորներ, և կ'ուտէր. չնայելով անոր սպիտակ մազերուն՝ անոր բոլոր ակունները աւողջ էին:

Ոչ ոքի հետ չէր խօսէր ան, միայն երբեմն վայրկեհաբար ցած ձայնով կարճ հարցումներ կ'ընէր նաւաւապետին, որ մտիկ կ'ընէր մասնաւոր յարզանքով. կարծես այդ մարդը նաւի մէջ աւելի մեծ հրամանատար ըլլար քան ինքը նաւապետը:

Կրէյմօր իր ճարպիկ ղեկավարի շտրկիւ մտախուզի մէջ աննշմարելի կերպով կ'անցնէր ձէրսի կղզիի հիւսիսային զառիվեր ափի առջևէն, որքան հնարաւոր էր ծովեզրին մօտիկ, որպէսզի խուսափէ Բիէր ար Լիւկ կոչուած անաւոր խութէն, որ ձէրսէյի և Սէքի մէջտեղը, ծովանցքի կեղբոնը, ջրի տակ գցուած է: Կաքավալ սաքի վրայ, ղեկի մօտ կանգնած, իրարու ետեւ որոշելով Կրէվ ար Լիւկ, Կրօնէ, Բիէմօն խութերը, ընդծովեայ սպառաժներու այս շղթաներու մէջէն կ'ուղղէր մարտանաւը: Այստեղ անիկա կը գործէր կարծես քիչ մը խօրխափելով, սակայն այնպիսի ճշգրտեամբ և այնպիսի վտահութեամբ, որ կարծես թէ իր սեպհական տունը կը գտնուէր և թէ ամբողջ ովկիանոսը անոր ծանօթ էր: Նաւը իր առաջամասին մէջ ճրագներ չունէր, որովհետեւ այնպիսի ծովերու մէջ, ուր չփրանսական մարտանաւերը կը հսկէին, ճրագը կարող էր մասնեկ զանոնք, այստեղ, ընդհակառակը, մեծ բաղդաւորութիւն էր մտախուզը: Այժմ նաւը հասած էր Կրանտ Էղար: Բինաքլ ծովաժայռի շրջագիծը հազիւ կը

ծրագրուէր թանձր մառախուղի մէջէն : Այստեղ նաւի մէջէն լսեցին , որ Սէնդ-Ուէնի զանգակատան ժամացոյցը ժամը տասը զարկաւ : Ատիկա կ'ապացուցանէր որ չովը ետեւէն կը փչէր , քանի որ ժամացոյցի ձայնը այդպէս որոշ կերպով կը հասնէր նաւին : Ամէն բան կը շարունակէր այսպէս յաջող կերպով առաջ երթալ և որքան նաւը աւելի կը մօտենար Կօրպիէրին , այնքան ծովը աւելի կ'ալեկոծուէր :

Ժամը տասը քիչ մը անցած էր , երբ կամս Պուապէրդըլօն և ասպետ ար լա Վիէօվիլը դիւզացիի զգեստ հագած մարդը կրկին առաջնորդեցին իր նաւախցիկը , որ նաւապետի սեպհական սենեակն էր : Նոյն բօպէին , երբ անիկա նաւախօսեցը կը մտնէր , դարձաւ դէպի իր ուղեկիցները և ցած ձայնով ըսաւ .

— Պարոններ . դուք գիտէք կարենոր գաղտնիքը . իմ անուսս միայն ձեզի յայտնի է . մինչև վերջնական բօպէն անպայման լուսթիւն :

— Այդ գաղտնիքը մենք մեզ հետ գերեզման կը փանինք , պատասխանեց Պուապէրդըլօն :

— Իսկ ես , եթէ մինչև անգամ մեծնելու ըլլամ , ոչ ոքի չեմ ըսեր :

Ատիկա ըսելէ ետք մտաւ իր խցիկը :


Պ

## ԱԶՆՈՒԱԿԱՆՆ ԵՒ ՇԻՆԱԿԱՆԸ ԻՐԱՐ ԽԱՌՆՈՒԱԾ

Նաւի հրամանատարը և իր փոխանորդը նաւակա մուրջին վրայ հանդիպեցան իրարու և միասին սկսան պատիլ ու խօսիլ : Յայտնի էր որ իրենց խօսակցու-



Պատկ 7.— Պարոններ, դաք գիտեք կարևոր  
գաղտնիքը... (էջ 34):



Printed and Published by  
J. B. [illegible]

Թեան առարկան նոյն ճամբորդն էր, և ա՛ն մտաուռ բապէս անոնց խօսքերը, որոնք հօլէն ցրուած կը մարէին մութ տարածութեան մէջ :

— Շուտով կը տեսնենք, թէ աս ի՛նչ տեսակ առաջնորդ պիտի ըլլայ, ըսաւ ցած ձայնով Պուապէրդըլօն Վիէօվիլի ականջին :

— Ինչ տեսակ ալ որ ըլլայ, պատասխանեց Վիէօվիլ, ամէն պարագայի մէջ իշխան մըն է :

— Դրեթէ իշխան :

— Ֆրանսայի մէջ ան սոսկ ազնուական է, իսկ Պրըթաների մէջ իսկական իշխան :

— Այո՛, այնպէս, ինչպէս Լա Դրէմուալները, Ռօհանները, որոնց դաշնակիցն է ան :

— Ֆրանսայի մէջ՝ թագաւորի կառքերուն մէջ, ընդհատեց Պուապէրդըլօ, անիկա մարքիզ է այնպէս, ինչպէս ես կ'օմս եմ, ինչպէս դուն տապետ :

— Այժմ անոնք շա՛տ հեռու են, այդ կառքերը, ըսաւ Վիէօվիլ, մենք պալատական կառքերէն իջանք ցելի սայլակները :

Վայրկեան մը լռութիւն տիրեց :

— Ելբայր, մեզ կը պակսի իսկական ֆրանսացի իշխան մը, ընդհատեց Պուապէրդըլօ, հիմա մենք պատրաստ ենք ընդունիլ Պրըդօն իշխան մը :

— Ճիշտ այդպէս, երբ չկայ տարբիկը, ո՛չ, աւելի ճիշդ, երբ չկայ արծիւ, այն ժամանակ ազուան ալ արծիւ է :

— Բայց ես աւելի կը սիրէի անոր մէջ անգլ մը տեսնել, ըսաւ Պուապէրդըլօ :

— Թող այդպէս ըլլայ, բայց ան դատճառ կտուցով և ճիրաններով :

— Տեսնե՛նք, տեսնենք :

— Այո՛, չարունակեց Վիէօվիլ, վերջապէս հասած է ժամանակը՝ որ առաջնորդ մը ըլլայ : Ես ալ Դէնդէ-

նիաքի պէս կ'ըսեմ՝ «նարկաւոր եւ ստաջնորդ մը եւ վա-  
 ոճող»։ Տեսէք, պարոն հրամանատար, բոլոր նտարաւոր  
 և անհնար առաջնորդները, գրեթէ առանց բացառու-  
 թեան, ինծի ծանօթ են, ես լաւ կը ճանչնամ զանոնք,  
 ինչպէս երէկուանները, այսօրուանները, այնպէս ալ  
 վաղուանները։ Ասոնցմէ ոչ մէկը չունի սաղմական  
 մարդու գլուխ, ինչ որ հարկաւոր է ներկայ րոպէին։

Այս անիծուած Վանդէի մէջ կը սրահանջուի այն-  
 պիտի զօրավար մը, որ միեւնոյն ժամանակ ճարտիկ  
 դատախազ ըլլայ, որ կարողանայ թշնամին ձանձրացնել,  
 անոր դէմ անվերջ մաքառել տմէն բանի համար. ջրա-  
 զաց ըլլայ, մացառ կամ փոս, մինչև անգամ քարի մը  
 կտոր, անվերջ կռիւներով յագնեցնէ զայն, օգուտ քաղէ  
 ամէն հանգամանքէ. հսկէ ամենուրեք, կանգ չառնէ  
 ամէն զոհարեթիւններու առաջ և անձամբ օրինակ  
 ապ ուրիշներու, չունենալով երեք ոչ աչքին մէջ  
 քուն և ոչ սրտին մէջ գուժ։ Ներկայ րոպէին Վանտէի  
 մէջ, գիւղացիներէ բազկացած այս զօրքը մէջ, սրքան  
 հերոսներ կան, բայց ս'ըր են զօրավարները։ Տ'էլպէն  
 ոչինչ չարժեք, Լէքիւրը հլւանդ է, Պօնչանը շատ կը  
 խնայէ. ան բարի սիրտ ունի, ներկայ րոպէին ատիկա  
 հաւասար է անասնութեան. Լա Ռօշէ ժաքըլէն հիա-  
 նալի է, բայց կարող է լաւ տեղակալ ըլլայ և ոչ զօ-  
 րավար։ Զիւց լաւ սպայ կը դառնար՝ եթէ պատերազմը  
 հարթ դաշտավայրի մէջ ըլլար, բայց ան այժմ անպէտ  
 է, Քաթէլինօն անմիտ սայլապան մըն է, Սթօֆլէ խո-  
 բամանկ է, միայն իբրև որսորդ զինուոր, Պէրար անըն-  
 դունակիչ մէկն է, Պուլէնվիլիէ՝ ծաղրածու, Ծէրրէտ  
 սարսափելի մարդ մը. իսկ սափրիչ Կասթօնի մասին  
 չարժէք մինչև անգամ խօսիլ։ Աստուած վկայ. ալ  
 մենք ինչո՞ւ կը կռուինք յեղափոխութեան դէմ և ինչ  
 տարբերութիւն մեր և հանրապետականներու մէջ, երբ  
 ալ սափրիչները ազնուականներու գլխին հրամանատար  
 կը կարգենք։

— Պատճառը այն է, որ այս շուն յեղափոխու-  
 թիւնը մեզ ալ կը հրապուրէ, մե՛զ։

— Յեղափոխութիւն, ատիկա Ֆրանսայի վէրքն է։

— Այո՛, երրորդ դասակարգի վէրքը, պատաս-  
 խանեց Պուսպէրդըլօն, ու միայն Անգլիան կարող է  
 այս վէրքը կտրել ու նետել։

— Եւ անպատճառ Անգլիան պիտի ընէ ադ, մի՛  
 կասկածիք, նաւասպետ։

— Բայց սպասել այժմ, օ՛հ, ատիկա դժուար է։

— Արդարեւ ռամիկ շինականները արդէն ամէն  
 տեղ գրաւած են, և ինչո՞վ այժմ կը զանազանուի այս  
 միապետութիւնը. ուր ընդհանուր հրամանատար նշա-  
 նակուած է Սթօֆլէն՝ իշխան Մօլէվրիէի որսի վերակա-  
 ցուն. այն հանրապետութեանէն, ուր Պաշը՝ դուքս Քաս-  
 դրիի դռնապանի որդին, նախարար եղած է։ Ի՛նչ զու-  
 գադիպութիւն Վանտէի այս պատերազմի մէջ, — մէկ  
 կողմէ հրամանատար է՝ գարեջուր շինող Սանդէր, միւս  
 կողմէ՝ սափրիչ Կասթօն։

— Սիրելի Վիէօվիլ, ես Կասթօնը այնքան գէշ չեմ  
 գտներ. անիկա շատ լաւ կատարեց իր գործը, երբ  
 Կէմէնէի հրամանատարն էր. երեք հարիւր կապոյտնե-  
 րուն իրենց փոսը իրենց սեփական ձեռքով փորել տալէ  
 յետոյ՝ մինչև վերջին մարդը գեղեցիկ կերպով հրա-  
 ցանի բռնել տուաւ։

— Հիանալի բան ըրեր է, ես ալ այդպէս կ'ընէի  
 եթէ անոր տեղը ըլլայի։

— Աստուած վկայ, ես ալ անտարակոյս այդպէս  
 կ'ընէի։

— Այդ այդպէս է. պատերազմական մեծ գործու-  
 ղութիւններու համար հարկաւոր է մարդ, հարկաւոր է  
 իսկական ազնուական, այսպիսի հանգամանքներու մէջ  
 հարկաւոր են իսկական ասպետ մարդիկ և ոչ սափ-  
 րիչներ։

— Սակայն այդ երրորդ դասակարգի մէջ, յարեց Պուլապէրզըլօ, կան իսկական յարգանքի արժանի ժարդիկ. օրինակի համար, սա ժամագործ Փօլին: Անիկա առաջ ֆլանտրական գունդին մէջ յիանապետ էր, իսկ այժմ՝ Վանտէցիներու գլուխն անցած՝ իր խումբով կը հսկէ ծովեզերքի վրայ: Որդի մը ունէր՝ որ հանրապետական էր: Մինչ ինքը՝ հայրը կը պատկանէր սոյխտակներու, որդին կը ծառայէր կապոյաններու մէջ, յետոյ անոնք կը հանդիպին իրարու, կը պատերազմին, հայրը որդին գերի կը բռնէ և գնդակահար կ'ընէ:

— Շատ լաւ ըրեր է, ըսաւ Վիէօվիլ:

— Ահա քեզի արքայական կուսակցութեան մէջ Բրուտոս մը, յարեց Պուլապէրզըլօ:

— Բայց սա արգելք չէ, որ այդ մարդը այսօր գանուի այնպիսի մարդերու հրամանատարութեան տակ, որպէս են զանազան Բօքըրօնները, ժան-ժանները, Մուլէնները, Պօքարները, Պուժիւները, Շուպերը. անտանիքի է սա:

— Բայց միւս կողմն ալ նոյնչափ զայրացած է, որչափ մենք, սիրելի ասպետ. մեր մէջ կը վիտտան սաւմիկները, իսկ անոնց մէջ, ընդհակառակը՝ ազնուականները. այդ անվարտի հանրապետականները կարծես շատ գոհ են իրենց դրութենէն, երբ այսօր կը գանուին կոմս Գանքլոյի, դերակոմս Միրանտայի, դերակոմս Պօհարնէի, կոմս տը Վալանսի, մարքիզ Բիւսդինի և դուքս Պիրօնի հրամանատարութեան տակ:

— Ինչ տարօրինակ խառնակութիւն:

— Իսկ դուքս տը Շաբլերը:

— Ո՞րը, Ֆիլիբ ա'էկալիդէի որդին, ա՛, այդ Ֆիլիբը, արդեօք ե՞րբ թագաւոր պիտի դառնայ:

— Երբէ՛ք:

— Անիկա աչքը անկեր է դահին և յոյս ունի իր ոճիրներու օգնութեամբ գահ բարձրանալ:



Պատկ. 8.— Հայրը որդիէն գերի կը բռնէ և գնդակահար կ'ընէ... (էջ 38).

— Բայց իր մոլութիւններու օգնութեամբ ան պիտի գահավիժի :

Վայրկենական լուսթիւն տիրեց, ապա Պուսպէր-դըլօ շարունակեց .

— Սակայն այդ ծիլիբը կ'ուզէր հաշտուիլ թագաւորի հետ և ատոր համար եկած էր զայն տեսնելու . այն ժամանակ ես Վէրսայլ էի՝ երբ թուքին անոր ետեւէն :

— Ո՞ւրտեղ, այն մեծ սանդուղի գլո՞ւխը :

— Այո՛, այնտեղ :

— Եւ շատ լաւ ըրեր են :

— Մենք զայն կը կոչէինք Պուրպօն — ցեխտար :

— Ա՞ն, այդ ճաղա՞տը, այդ բշտիկներով ծածկուած դէ՞մքը, այդ արքայասպանը, փո՞ւ :

— Ես անոր հետ ծովի վրայ էի Ուսսանի մէջ :

— Սուրբ Հոգի նաւին վրա՞յ :

— Այո՛ :

— Եթէ ան ծովակալ Օրվիլիէի տուած նշանին համաձայն քամիի ուղղութիւնը բռնէր, այն ժամանակ անգլիացիներու անցնիլը անպատճառ կ'արգելէր :

— Անշուշտ :

— Իրա՞ւ է որ անիկա պահուըտեցաւ նաւին մէջ :

— Ո՛չ, բայց գրեթէ այդպէս բան մըն էր :

Այս խօսքին վրայ Վիէօվիլ քրքիջ մը արձակեց :

— Բայց կան յիմարներ, շարունակեց Պուսպէր-դըլօ, օրինակի համար սա Պուլէնվիլիէն, որու մասին դուք այժմ կը խօսիք . ես զայն շատ մօտիկէն տեսած եմ և լաւ կը ճանչնամ : Սկիզբէն գիւղացիները տէգբըով սպառազինուած էին, այդ ապուշը չէ՞ր, որու գըլխին փչեց գիւղացիներէն իսկական տէգաւոր զինուորներ պատրաստել և զանոնք վարժեցնել տէգբուր գանազան դժուար և բարդ գործողութիւններու մէջ . անիկա կ'երեւակայէր այդ վայրենիները կանոնաւոր զին-

ուորներ դարձնել, անոնց կը սովորեցնէր թէ՛ ի՛նչպէս պէտք է ճնշել գունդերու քառակներու անկիւնները, թէ ի՛նչպէս պէտք է կազմել դատարկ կեղրոնով վաշտեր. ծուռ մուռ լեզուով անոնց հրամաններ կուտար, ինչ զինուորական բառերով. օրինակի համար զինուորական դասակի յիսնասպետը փոխանակ նոր լեզուով կոչելու կը կոչէր այնպիսի անունով մը՝ որ գործածական էր Լուրի ԺԴ-ի ժամանակ միայն: Անիկա կ'աշխատէր այդ գող և աւաղակ գիւղացիներէն անպատճառ կանոնաւոր գունդեր պատրաստել և արդէն կարգի բերած էր քանի մը դասակներ, որոնց յիսնասպետները ամէն իրիկուն կարգով կը շարուէին և հրաման կամ հակահրաման կ'ընդունէին աւագ յիսնասպետէն, որ շատ ցած ձայնով կը հաղորդէր իր օգնականին, ան ալ՝ երրորդին, երրորդը՝ չորրորդին և այսպէս ականջէ ականջ հրամանը կը հասնէր մինչեւ վերջին սպային: Սպայ մը, որ իր յիսնասպետի հրամանը ընդունելու ժամանակ գլուխը չէր բացած, անիկա պաշտօնանկ ըրաւ: Երեւակայեցէք, թէ գործը ո՛ւր տեղ հասած էր: Այս անմտաբար կարող չէր հասկնալ, որ գիւղացիները կ'ուզեն գիւղացիի պէս ալ զինուոր մնալ, թէ անտառի մարդը կարելի չէ զօրանոցի մարդ դարձնել: Այո՛, ևս կը ճանչնամ այդ Պուլէնովիլիէն:

Սկսան հանդարտ քալել, իւրաքանչիւրը իր մտածումներուն մէջ խորասուզուած, ընդհատուած խօսակցութիւնը շուտով վերակտաւ սակայն:

- Բայց դուն սա ըսէ, ճիշտ է որ Տանքիէրը սպաննուած է:
- Այո՛, հրամանատար:
- Քօնդէի առաջ:
- Բամարի բանակատեղին, թնդանօթի ուռմբով:
- Կոմս Տանքիէր, ահա մերիններէն մէկը որ անոնց կողմը անցած է:
- Աստուած հոգին լուսաւորէ, ըսաւ Վիէօվիլ:

- Իսկ թագաւորի քոյրերը հիմա ո՛ւրտեղ են:
- Թրիէսթէ:
- Տակաւին հո՞ն են:
- Այո՛:
- Օ՛հ, այս հանրապետութիւնը, բացազանչեց Վիէօվիլ ցած ձայնով, ինչքան աւերում ջնջին բանի մը համար. երբ կը մտածես թէ ինչի՛ համար երեւաց այս յեղափոխութիւնը, ամօթ է ըսել... քանի մը միլիոններու համար:

- Եւ այսպիսի ջնջին պատճառներով այսքան լարուելի իրարու դէմ:
- Մեր գործը ամէն կողմէ գէշ կ'երթայ:
- Այո՛, այդպէս է, Լա Ռուարի մեռած է. Տիւ Տրէնէ ապուշին մէկն է. իսկ թէ կալիկոպոսները, իբրեւ ժողովրդի առաջնորդներ, ի՛նչքան անպէտ մարդիկ են, ահա քեզ օրինակներ. Քուսի՛ Լա Ռօշի կալիկոպոսը, Պօրուալ-Սէնդ-Օլէրը՝ Բուաթիէի կալիկոպոսը, Մէրսին՝ Լիւսօնի կալիկոպոսը, տիկին Էշասըրի սիրականը:
- Այսինքն տիկին Սէրվանդօի, որովհետեւ Պ. հրամանատար, դուք կ'երեւի գիտէք, որ Էշասըրի տեղի անուն է:
- Եւ Ակրայի այս կեղծ կալիկոպոսը, որ չեմ գիտեր դեռ ո՞րտեղի թեմակայն է:
- Տօլի թեմակալը, անոր անունը Կիյօ տը Ֆօլվիլ է, բայց քաջ մարդ է և լաւ կուուելի գիտէ:
- Քահանաներ՝ երբ զինուորներ են հարկաւոր, կալիկոպոսներ՝ որոնք կալիկոպոսի նշոյլ չեն, զօրավարներ՝ որոնք զօրավարի չեն նմանիր:
- Այստեղ Լա Վիէօվիլ ընդմիջեց խօսակցութիւնը:
- Պարոն հրամանատար, հարցուց, ձեր խցիկին մէջ Մօնիթօր թերթը ունի՞ք:
- Այո՛:
- Այս բոպէիս Բարիզի մէջ ի՛նչ ներկայացուցմներ կան:

— Ասեղ եւ Բօղեմ ու Քարայրը :

— Ես կը փափաքէի տեսնել :

— Կը տեսնէք, ամիս մը յետոյ արդէն Բարիզ կ'ըլլանք :

Այստեղ Պուլապէրզըլօ կանգ առաւ և վայրկեան մը մտածելէ յետոյ յարեց .

— Գուցէ աւելի ուշ, այդպէս ըսաւ պարսն Ուխնտնէմը միօրտ Հուարն :

— Բայց այն ժամանակ ես յոյս ունիմ, որ գործերը յաջող ընթացք կը բռնեն :

— Անտարակոյս, այս ամէնը լաւ կ'ըլլայ միայն այն պայմանով՝ որ Պրըթաննի պատերազմը լաւ առաջ տարուի :

Լա Վիէօվիլ այս խօսքին վրայ գլուխը ցնցեց և դառնալով իր խօսակցին .

— Պարսն հրամանատար, ըսաւ, մենք ծովային հետեւակազօրքը ցամաք պիտի հանենք :

— Այո՛, եթէ ծովափը մեր կողմը ըլլայ, և ոչ, եթէ ծովափը թշնամի ըլլայ մեզ : Պատերազմի մէջ վայրկեաններ կ'ըլլան երբ արձակ համարձակ պէտք է դռները կտորել, իսկ երբեմն ընդհակառակը՝ աննշմամարելի կերպով պէտք է սահիլ : Քաղաքական պատերազմի ատեն գրպանի մէջ միշտ պէտք է կեղծ բանալի մը ունենալ. ինչ որ հնարաւոր է մենք այդ կ'ընենք. ինչիւրը այստեղ մեր գլխաւորն է :

— Պարսն Լա Վիէօվիլ, յարեց Պուլապէրզըլօ մտածկոտ, ի՞նչ է ձեր կարծիքը ասպետ Տիէօզիլի մասին :

— Ո՛ր Տիէօզին, երիտասարդը :

— Այո՛ :

— Այսինքն թէ ի՞նչպիսի հրամանատար է :

— Այո՛ :

— Ոչինչ, տափարակի վրայ շարուած բանակի համար լաւ սպայ է ան, բայց մացառները կը պահանջեն գիւղացի :

— Այն ժամանակ ձեր կարծիքով զօր. Սթօֆլէ և զօր. Քաթէլինօ լաւ մարդիկ են :

Վիէօվիլ վայրկեան մը մտածեց և ըսաւ .

— Հարկաւոր է իշխան մը, իսկական ֆրանսական իշխան, զուտ արքայական արիւնէ ծնած իշխան, մէկ խօսքով՝ ճշմարիտ իշխան :

— Բայց ինչու մի՛շտ անպատճառ իշխան. չէ՞ որ իշխաններ կան, որ...

— Այո՛, կան երկչոտներ, ատիկա գիտեմ, բայց ռամիկ մարդու եզի ապուշ աչքերուն վրայ ազդեցութիւն ընելու համար հարկաւոր է անպատճառ իշխան մը :

— Բայց, սիրելի սպետ, իշխանները չեն սիրեր այդպիսի տեղեր երթալ :

— Այն ժամանակ մենք կը գործենք առանց անոնց :

Պուլապէրզըլօն մեքենայական շարժում մը ըրաւ, ձեռքերով ամուր շփեց ճակատը, կարծես այնտեղէն միտք մը ուղեր վանել, յետոյ շարունակեց .

— Փորձենք վերջապէս մեզ ուղեկցող զօրավարը :

— Մեծ ազնուական մըն է :

— Բայց դուք կը կարծէ՛ք որ ան միայնակ բաւական է :

— Միայն թէ յարմարաւոր մարդ ըլլար ըսաւ Պուլապէրզըլօ :

Կոմսը և ասպետը փոխադարձաբար իրարու երեսնայեցան :

— Այո՛, Պ. Պուլապէրզըլօ, դուք շիտակ ըսիք, ներկայ բոլէին ճիշտ այդպէս կատալի մարդ պէտք է : Այս պատերազմին մէջ կարելի չէ խնայել, արիւնահեղ ժամանակ է այժմ. արքայասպանները գլխատեցին Լուի ՓՉ. ն, ատոր փոխարէն մենք այդ արքայասպաններու չորս անդամները մարմիններէն պիտի բաժնենք : Այո՛, այս բոլէին յարմարը՝ այս զօրավարն է : Ահա քեզ օրինակ. Անժուի և Վերին Բուլթույի մէջ զօրավարները

վեհանձն կը ձեւանան, կ'աշխատին այնպէս ցոյց տալ, որ իբր թէ վեհ հոգի ունին. հետեւանք — ոչինչ: Բայց տեսէք, Մարէի և Ռէցի մէջ զօրավարները գլխաւ չեն գիտեր և ամէն բան լաւ կ'երթայ, որովհետեւ այնտեղ եթէ Շարէդ կատաղի չըլլար, չէր կրնար վազբացած Բառէի հետ գլուխ գալ: Վազբի դէմը վազբ պէտք է:

Պուսպէրդըլօ ժամանակ չունեցաւ Վիէօվիլի պատասխանելու, որովհետեւ նոյն ակնթարթին յուսահատական ճիշ մը ընդհատեց խօսակցութիւնը Վիէօվիլի բերնին մէջ. ճիշի հետ միաժամանակ լսուեցաւ աղմուկ մը, որու նման ոչ ոք դեռ լսած չէր և որ, ինչպէս և այս ճիշը՝ կուգար նաւի մէջէն:

Նաւապետը և իր տեղապահը նետուեցան դէպի նաւի միջնայարկը, բայց չկրցան ներս մտնել: Բոլոր թնդանօթածիգ զինուորները սարսափած՝ դուրս կը փախէին:


Սոսկալի բան մը պատահած էր:

Գ.


## TORMENTUM BELLII

Նաւուն մէջ գտնուող մարտկոցէն՝ քսան և չորս ֆունտանոց ուժգան թնդանօթներէն մէկը արձակուած էր: Ծովի վրայ սա գուցէ ամենալտանգաւոր արկածն է, իսկ պատերազմական նաւի մը համար մասնաւորապէս, բաց ծովի վրայ արագ գնացքի ժամանակ, ասկէ աւելի սարսափելի վտանգ չկայ:

Իր կապերը կտրած թնդանօթը յանկարձ, Աստուած գիտէ, ի՛նչ տեսակ տարօրինակ գազանի կը փոխուի:




Պատկ. 9.— Քասի եւ շորս Գորնսուսիոց ռերաձիգ  
քնդակօրհեղեղի մեկը... (էջ 44).




Մեքենայ մըն է, որ բուպէապէս հրէշի կը փոխակերպուի. իր ամբողջ զանգուածով կը գլորուի անիւներու վրայ՝ գնդախաչի յատուկ գնդակներու նման. նաւուն կողերուն օրօրումը անոր մէկ կողմը կը ծռէ, իսկ երկայնքի դրդումը միւս կողմը: Թնդանօթը կերթայ, կուգայ, կը դադրի, կարծես շուարած կը մտածէ, յետոյ նորէն կը վերսկսի իր արագ վազքը, նետի նման կ'անցնի նաւին մէկ ծայրէն մինչեւ միւսը, արագ շրջաններ կը կատարէ, կը սահուրտի, կը յարձակի, կը կատարի, կը բազխի, կ'աւերէ, կ'սպաննէ, կ'ոչնչացնէ: Բարան մըն է, որ իր տաքցած ճակատով պատեր կը քանդէ, և ի նկատի ունեցէք, որ այս բարանը երկաթէ շինուած է, իսկ պատը փայտէ: Բնութեան տարերքը, իր չզլմաներէն ազատուած, ուր ան յաւիտեան ստրուկ էր, այժմ վրէժ կը լուծէ. կարծես չարութիւնը, որ կը գտնուի անշունչ առարկայ անուանուած բաներուն մէջ, այժմ յանկարծ կը պայթի և դուրս կը ժայթքէ: Ասիկա կը նշանակէ՝ որ ան այլևս կորսնցուցած է համբերութիւնը և կը պատրաստուի մուսյ կ'տարօրինակ վրէժխնդրութեան մը: Անշունչ առարկայի բարկութիւն, ասկէ աւելի անողոքելի չարիք կայ արդեօք: Այս կատուած զանգուածը՝ յովազի ոտախն, բայց փիլի ծանրութիւն ունի. մուկի նման դիւրաշարժ է, բայց տապարէն աւելի ամուր է և յամառ. արիքներու նման յանկարծակի կը բարձրանայ և կը գոռայ, կայծակի նման կը հարուածէ, բայց համր է և խուլ, ինչպէս գերեզմանը: Այս տասը հազար ֆունտանոց զանգուածը կը ցատկրատէ, ինչպէս փոքրիկ գնդակ մը երախայի ձեռքին մէջ. իր յախուռն շրջանները կատարած ատեն՝ յանկարծակի մէկ կողմ կը ծռի, ուղիղ անկիւններ գծելով: Ի՞նչպէս յազթեղ անոր: Փոթորիկը կը դադրի, մըրիկը կ'անցնի, ծովը կը հանդարտի, կոտրուած կայմը նորէն կը շինուի, ջուրի հոսանքը կը դադրի, հրդեհը կը մարի:

Բայց ի՞նչպէս վարուիլ այս արոյրէ հսկայ զանգուածին հետ, ի՞նչպէս դիմադրել անոր: Կարելի է զսպել կատաղած շունը, կարելի է ընկճել ցուլը, դիւթել օձը, սարսափեցնել վագրը կամ գորովել առիւծը, բայց այս կապերէն արձակուած թնդանօթին, այս հրէշլին դէմը ի՞նչ կարելի է ընել, սպաննել, — սպաննել, սակայն անիկա արդէն մեռած է, բայց միանգամայն կ'ապրի, կ'ապրի այն աղետաբեր կեանքով, զոր անհունութիւնը շնորհած է անոր: Տախտակամածը սակէն կ'օրօրէ զայն, ծովի ալիքները կը շարժեն նաւը և տախտակամածը, իսկ հողմը կը շարժէ ծովի ալիքները. այս կործանիչ հրէշը խաղալիք մըն է նաւի ալիքներուն և քամիին ձեռքը. ահա թէ ս'ըրտեղէն կը ներշնչուի անոր այդ սարսափելի կեանքը: Ի՞նչպէս վարուիլ այս փոխադարձ սարսափելի օրօրումներուն հետ, ի՞նչպէս սանձահարել ալեկոծութեան այս ահաւոր մեքենան, ի՞նչպէս նախատեսել այս երթեւեկը, այս շրջանները, այս ընդհատուած դադարումները, այս հարուածները. ի՞նչպէս նախագուշակել անոր այս սոսկալի գալարումները: Նաւին կողերուն ուղղուած այս հարուածներէն ամէն մէկը կարող է խորտակել զայն. թնդանօթը արձակուած՝ կենդանի զանգուած մըն է, որ շուտ-շուտ կանգ կ'առնէ, կարծես թէ որոշ նպատակ մը ունի, բայց միեւնոյն ժամանակ վայրկեան առ վայրկեան կը փոխէ իր ուղղութիւնը: Ի՞նչպէս դադրեցնել զայն՝ երբ այդ դադարը կրնար կորստաբեր դառնալ, երբ, հետեւաբար, պէտք էր խուսափիլ անկէ: Ահաւոր թնդանօթը կ'օրօրուի, կը յառաջանայ, ետ ետ կուգայ, աջ ու ձախ անխնայ կը հարուածէ, կը փախչի, կ'անցնի, կը մոլորեցնէ զինքը զսպել փորձողները, կը փչրէ ամէն հանգրիպած արգելք և մարդիկները ճանճի նման կը ճզմէ: Նաւի տախտակամածին շարժութիւնն է այս սարսափելի գրութեան պատճառը. ի՞նչպէս կռուիլ թեք մա-



Faint, illegible text at the bottom of the page, possibly bleed-through from the reverse side or a very light stamp.



Պատկ. 10.— Բոլորը գրադած ծովային  
աշխատուչիշևիկերով . . . (էջ 47).

կարգակի կամայականութիւններու դէմ, որպիսին է այս տախտակամածը: Կարելի է ըսել, նաւը իր ծոցին մէջ չզլթայած կը պահէ կայծակը, որ կ'աշխատի ազատ աշխարհ դուրս գալ՝ և այդ ձայները՝ որոտումն են՝ ընկերացած երկրաշարժի ցնցումներու հետ:

Վայրկեանի մը մէջ ամբողջ նաւազօրքը ստքի ելած էր: Մեղաւորը այստեղ այդ թնդանօթի պեսն էր, որ զանցառու եղած էր և ամուր չէր սեղմեր անոր շղթայակապի պտուտակը և իրենց տեղը չէր ամրացներ անոր չորս անիւները՝ այնպէս որ անոնց շրջանակները կը շարժէին. այդ շարժումներէն կտրուած էր պարանը և իր սայլակին վրայ ամրացած թնդանօթը արձակուած էր այլեւս կապանքներէն: Այդ ժամանակ ղեռ գործածութեան մէջ չէին մտած ամրապինդ պարանները, որոնք կ'արգելին թնդանօթները իրենց տեղէն ելլելէ: Երբ խոչոր ալիք մը ուժգին հարուածեց նաւակողը, թայլ կապուած թնդանօթը տեղէն խախտեցաւ, խորտակեց շղթան և սկսաւ իր սարսափելի աւերումները նաւին միջնայարկին մէջ:

Երեւակայեցէք կաթիլ մը ջուր՝ ապակիի երեսին վրայ սահած ատեն, այս տարօրինակ սահումը պարզ ըմբռնելու համար:

Այն վայրկեանին, երբ շղթայէ կապը կտրուեցաւ, թնդանօթածիւղները կը գտնուէին մարտկոցներուն մէջ, ոմանք խումբ խումբ հաւաքուած, ուրիշները՝ ցրուած, բայց բոլորը զբաղած ծովային աշխատութիւններով, նման այն ծովային զինուորներուն, որոնք պատերազմը նախատեսելով՝ անպահամար կը պատրաստուին: Կապերը կտրած թնդանօթը նաւին երկայնութեամբ օրօրուեցաւ՝ դէպի առաջ նետուելով, նաւաստիներու այս խումբերուն մէջէն իրեն համար ճամբայ բացաւ, առաջին հարուածով չորսը փչրեց, յետոյ յանկարծ դադարելով և կողբուն օրօրուելու ուղղութեամբ ձգուելով՝ հինգերորդ-

դժբախտ մը մէջտեղէն կտրեց, յետոյ նաւին ձախակողմը զետեղուած մարտկոցի մէկ թնդանօթին զարնուելով՝ խորտակեց զայն: Այդ ժամանակն էր որ լուսեցաւ այդ աղիտղորմ ճիշը: Բոլորը իսկոյն աճապարեցին դէպի սանդուխները վեր բարձրանալ և վայրկեանէ մը ամբողջ մարտկոցին մէջ ո՛չ ոք չմնաց:

Ահագին թնդանօթը մնացած էր միայնակ և ինքն իր կամքին թողուած, և ոչ թէ միայն իր տէրը, այլ և նաւին տէրը դարձած էր, այնպէս որ կ'ընէր՝ ինչ որ կ'ուզէր: Նաւազօրքը, որ պատերազմի կրակին մէջ կը ծիծաղէր, այժմ կը դողար: Անկարելի էր արտայայտել այդ սոսկումը:

Նաւապետ Պուլապէրդըլօ և իր տեղակալ Լա Վիէօվիլ, թէեւ շատ անվեհեր հողիւի տէր մարդիկ, սակայն սանդուղի վերեւ կանգնած, անչարժ, ամբողջ, մոլորուած, կը նայէին նաւակամուրջի մօտէն դէպի ներսը: Մարդ մը արմուկով անոնց մէջէն ճամբայ բացաւ և վար իջաւ:


Ատիկա իրենց ճամբորդն էր, գիւղացին, որու մասին քիչ մը առաջ անոնք կը խօսէին:

Սանդուղէն վար իջնելէ՝ յետոյ անիկա կանգ առաւ:


Ե.

## YIS ET VIR

Թնդանօթը նաւին միջնայարկին մէջ կ'երթար կուգար, կարծես Աբօքալիբսիսի կենդանի կառքը ըլլար: Նաւին լապտերը, որ իր դողդոջուն լոյսը սփռած էր մարտկոցի առաջակողմի գերանի տակը, իր լոյսի և



Պատկ. 11.— Թեղանօրը նաշին միջնայարկին մեջ  
կ'երբար կոշտար . . . (էջ 48).



343. [Illegible text]

[Illegible text]

խաւարի մէջ տասնանուոյ երեքուամեքուն տակ ամփոփած էր այս խելացնոր տեսարանը: Իր սարսափելի արագութեան մէջ թնդանօթը բոլորովին կորսնցուցած էր իր ձեւը. երբեմն, յոյս տեղ դուրս գալուն պէս, կ'երեւար իրրեւ սեւ զանգուած մը, իսկ երբեմն մ'թուլթեան մէջ ազօտ ս զիտակ նշույլներ կ'արձակէր:

Ինչ կը շարունակէր իր սարսափելի աւերումը. արդէն խորտակած էր չորս ուրիշ թնդանօթներ, իսկ նաւին կողերուն վրայ երկու ճեղքեր բացած էր: Այս ճեղքերը բարեբախտաբար վեր կը գտնուէին ալիքներու մակերեւոյթէն, բայց եթէ յանկարծ մորիկ մը պատահէր, ջուրը անպատճառ ներս կը խուժէր: Անիկա խելագար յարձակումներով կը ծեծէր նաւին կողերը, որոնց գերանները՝ իրենց զարմանալի ամբուլթեան շնորհիւ կը դիմանային, որովհետեւ կորածեւ փայտը գիմացկանութիւն ունի, բայց այս արտասովոր մեծութեամբ լախորդ ամէն տեղ կը հասնէր և կը ծեծէր միանգամայն ամէն կողմէ:

Եթէ կապարի հատիկը ձգէին չիշի մէջ և ցնցէին ամբողջ ուժով, այդպէս արագ, այդպէս խելացնոր շարժումներ չէր կատարէր: Նաւաղողի գերանները ծանր ծանր կը ճռնչէին, իսկ թնդանօթի չորս անիւները խօլական շրջաններ կը կատարէին այդ հինգ դիակներու վրայէն, զանոնք կը կտրտէին, կը քայքայէին, կը մանրէին: Հինգ դիակները, քսան կտորի վերածուած, կը գլորուէին մարտիոցի բացուած քներուն մէջ: Անկեդդան գլուխները կարծես թէ օգնութիւն կը կանչէին. արեան առուակները նաւի կողերուն օրօրման ուղղութեամբ կը հոսէին տախտակամածի վրայ. նաւին ներքեւի մասերը քանի մը տեղերէ վնասուած, կ'սկսէին բացուիլ. հրէշային ազմուկ մը լեցուցած էր ամբողջ մարտանաւը:

Նաւաղետը վայրկեան մը չփոժած, նորէն ուշաբերեցաւ և հրամայեց սանդուղի գլխէն տախտակամածին

վրայ նեւեղ ամէն ինչ, որ կրնար զսպել և խեղդել թնդանօթի անսանձ արշաւանքը: Կը ձգէին անկողինները, նաւային առկախ մահճակալները, փոխ-առագաստները, գլանածեւ ոլորուած պարաններու կոյտերը, նաւատաններու պարկերը, կը ձգէին կեղծ թղթադրամներու հակերը, որոնք մարտանաւին մէջ ամբողջ բեռ մը կը կազմէին: Այս պիտի ստորնաքաշ կեղծիքը անգլիացիները ազնիւ միջոց կը համարէին պատերազմի մէջ:

Բայց ի՞նչ կրնային ընել այս քուրջի կտորները:

Ոչ ոք չէր համարձակեր վար իջնել, որպէսզի գանոնք պէտք եղածին պէս զետեղէ թնդանօթի դիմացը: Բանի մը վայրկեան յետոյ բոլոր այդ առարկաները բուրդի պէս գզուեցան:

Ճիշդ այդ վայրկեանին ծովն ալ իր կողմէն կ'օգնէր այս դժբախտութեանը՝ զայն կատարեալ դարձնելու համար: Փոթորիկը այս պահուն բարիք մը կրնար ըլլալ նաւին համար: Գուցէ գլխիվայր ընէր թնդանօթը, և եթէ վայրկեան մը անոր անիւները վեր ցցուէին՝ այն ժամանակ անիկա արդէն ընկճուած կ'ըլլար:

Աւերումները երթալով աւելի մեծ չափեր կ'ստանային: Կայմերը, որոնք հաստատուած էին տախտակներով պատած նաւին սլանափայտին մէջ, և մեծ ու կլոր սիւներու ձեւով կ'անցնէին նաւին յարկերուն մէջէն ու վեր կը բարձրանային, այժմ կամ խախտած էին տեղերնէն, կամ մինչեւ անգամ փշրուած: Թնդանօթի աճաւոր հարուածներու տակ նաւին առաջակողմը արդէն ճեղքեր բացուած էին. մինչեւ անգամ մեծ կայմը կտորած էր. թնդանօթային մարտկոցը սկսած էր տեղէն խախտիլ և երեսուն թնդանօթէն տասը պատերազմի համար արդէն անպէտ էին դարձած. նաւի կողերուն ճեղքերը երթալով կը շատնային և ջուրը կը սկսէր ներս լեցուիլ:

Ծերունի ճամբորդը իջած էր արդէն նաւին միջնաշարիը. այնտեղ, սանդուղին տակ կայնած, երկաթէ մարդու մը տպաւորութիւնը կ'ընէր, խիստ նայուածքներ կը ձգէր կատարուած այս աւերումներուն վրայ, անշարժ մնացած էր ան, կարծես անհնարին ըլլար քայլ մը առնել դէպի մարտկոցը:

Իր շղթաներէն արձակուած թնդանօթի ամէն մէկ շրջանը կը սլաքատար նաւին մօտալուտ խորտակումը. քանի մը վայրկեան և ահա նաւաբեկութիւնը անխուսափելի կը դառնար:

Կը մնար երկուքէն մէկը, կամ աղէտի առաջը խեղճ առնել, կամ թէ կորզել: Պէտք էր ասոնցմէ մէկը ընտրել անպատճառ, բայց ո՞րը:

Աղէտին առաջը առնել. բայց ո՞վ էր աղէտին պատճառը — այդ հրէշային թնդանօթը:

Կարելի՞ է միթէ դադրեցնել մոլեգլին խելագարը:

Կարելի՞ է սանձահարել կայծակը:

Կարելի՞ է յաղթահարել որստու՞մը:

Պուտպէրդըլօ դարձաւ Վիէօվիլին.

— Դուք կը հաւատա՞ք Աստուծոյ:

— Այո՛, գուցէ ոչ, կը հաւատամ երբեմն:

— Ե՞րբ, փոթորիկի՞ ժամանակ:

— Այո՛, այսպիսի վայրկեաններու մէջ:

— Եւ ճշմարիտ է, յարեց Պուտպէրդըլօ, Աստուած միայն կրնայ մեզ այս դրութենէն ազատել:

Ամենքը լուռ էին, միայն թնդանօթը սոսկալի շառաչուններով կը շարունակէր իր աւերը, իսկ դուրսէն ալիքները կը ծեծէին նաւին կողերը. ներսի թնդանօթներու հարուածներուն՝ ծովը դուրսէն կը պատասխանէր իր կոհակներու բազխումովը: Երկու մուրճեր, մէկը դուրսէն, միւսը ներսէն կը ծեծէին փոխաբերաբար:

Այս անմերձանալի կրկէսին մէջ, ուր թնդանօթը ազատ համարձակ ոստումներ կը կատարէր, յանկարծ

մարդ մը երեւաց՝ երկաթեայ ձողը ձեռքը բռնած : Այս սարսափելի աղէտին հեղինակն էր ան, թնդանօթի պետը, այն զանցառու մեղաւորը, այս դժբախտութեան պատճառը, այն հրանօթի տէրը : Այսպիսի անբախտութիւն բերելէ յետոյ այժմ ան կ'ուզէր ուզել իր սխալը : Մէկ ձեռքին մէջ բռնած էր հաստ երկաթէ ձողը, ծայրին լծակ մը ամրացուցած, իսկ միւսին մէջ հանդուցաւոր պարան մը :

Սանդուղի գլխէն կեղրօնը ցատկեց :

Այդ ժամանակ երեւան եկաւ կատաղի տեսարան մը, տիտանական պայքար մը, թնդանօթին և թնդանօթաձիգի մէջ կռիւ մը, պատերազմ բնութեան տարերքի և իմացական էակի, մենամարտ անշունչ առարկայի և մարդու մէջ :

Մարդը, ձողը մէկ ձեռքին և պարանը միւսին մէջ սեղմած՝ կանգնած էր անկիւնը, կռնակը երկաթէ գերանին սոււած, իր երկար սրունքներով, որոնք, կարծես երկու պողպատէ սիւներ ըլլային, գետնի վրայ ամրացած՝ իբրև յատակի մէջէն բուսած. ինքը՝ կապտագոյն, հանդարտ, տիրազէմ՝ կ'ոպասէր :


Կ'սպասէր որ թնդանօթը գայ իր մօտէն անցնելու :

Թնդանօթաձիգը կը ձանչնար իր թնդանօթը և կը սպասէր որ թնդանօթն ալ փոխադարձաբար զինքը ձանչնայ, որովհետեւ երկար ժամանակ անոր հետ միասին էր սպրած : Ո՛րչափ անգամ ան իր ձեռները մրտցուցած էր անոր ահաւոր բերնին մէջ : Թնդանօթը անոր համար ընտելացած հրէջ էր : Թնդանօթաձիգը սկսաւ խօսիլ իր հաւատարիմ թնդանօթին, ինչպէս իր շան հետ :

— Օ՛ն, կ'ըսէր անոր :

Գուցէ կը սիրէր զայն և կ'սպասէր որ իրօք ան կը լսէ իր ձայնը և կուգայ :

Բայց դէպի անոր գալը... ադ կը նշանակէր անոր վրայ գալ : Այն ժամանակ անոր մուկը արդէն մարած



Պատկ. 12. — Մարդը ձողը մեկ ձեռքին և... (էջ 52)

«ԻՆՆՍՈՒՆ ԵՐԵՐ»

1 7, րոշ

էր, որովհետեւ կարող էր ան այդ բոպէին ջարդ ու փշուր ըլլալէ ազատիլ. անա այս էր ինչիւրի: Բոյորը՝ անարեկ, սարսափահար, շունչը կուրծքի մէջ սեզմած, կը դիտէին: Միակ ազատ շնչողը գուցէ ծերունի ճամբորդն ըլլար. որ միայնակ կանգնած էր նաւին միջնա-յարկը, իբրեւ չարագուշակ վկայ այդ երկու մենամարտիկներու: Անշարժ կանգնած էր ծերունին, թէև թրնդանօթը ամէն վայրկեան կարող էր փշուր փշուր բնել զայն:

Իսկ ալիքները, անոնց տակը օրօրուելով, կուրօրէն կ'ուզէին այդ կռիւր:

Այն անաւոր բոպէին, երբ թնդանօթածիզը՝ երես առ երես եկած թնդանօթի գէմը՝ կուռի իր հրաւիրէր զայն, ծախու ալիքներուն օրօրումէն թնդանօթը դիպուածաբար՝ բոպէ մը անշարժ մնաց, կարծես ապուշ կարած:

Իսկ մարդը կը կրկնէր. « օ՛ն, եկուր »: Կարծես թնդանօթը կը լսէր անոր ձայնը:

Յանկարծ թնդանօթը իր տիրոջ վրայ ցատկեց, բայց տէրը հարուածէն խուսափեցաւ:

Պայքարը սկսաւ, աներեւակայելի պայքար: Դիւրարեկ մարմինը կը փորձէր զսպել անխոցելի զանգուածը: Մտեղէն կազմուածքը կը յարձակէր արօյրէ գազանին վրայ, մէկ կողմէ՝ ոյժ, միւս կողմէ՝ հոգի:

Այս բոյորը կը կատարուէր մտայլ լուսաւորութեան մը մէջ և կարծես հրաշքի մը անորոշ յայտնութիւն ըլլար:

Տարօրինակ բան՝ հոգի... Կարծես թէ այդ թնդանօթն ալ հոգի ունէր, բայց վրէժի, կատաղութեան հոգի: Այդ կոյր մարմինը կարծես աչքեր ունէր, այդ հրէշը կարծես ուշի ուշով կը հետեւէր մարդուն: Կարելի էր հաւատալ, կարելի էր մինչեւ անգամ բսել, որ այդ զանգուածը ունէր խորամանկութիւն, որովհետեւ մար-

դու նման յարմար բույժները կ'ընտրէր: Չգիտեմ երկաթեայ լիճնի հսկայական միջատ էր, բայց դեռի նման ալ կամակոր էր: Այս վիթխարի մարտիւր երբեմն կը ցցուէր դէպի մարտկոցի ցած առաստաղը, յետոյ նորէն կ'իջնար իր չորս անիւներուն վրայ, ինչպէս վազը իր չորս թաթերուն վրայ, և նորէն կը վազէր դէպի մարդը: Իսկ մարդը՝ դիւրաթեք, արագաչարժ, ճարպիկ օձի նման կը գալարուէր կայծակի նման արագ կատարուող այս շարժումներուն շուրջը: Ան կը խուսափէր հանդիպիլ անոնց, բայց հարուածները, որոնցմէ ան կ'ազատէր, կ'իջնային նաւին վրայ և կը շարունակէին իրենց աւերումները:

Կտրուած շղթային մէկ ծայրը կապուած մնացած էր թնդանօթին վրայ: Այս կտորը, յայտնի չէ թէ լիճնի կերպով սլորուած էր թնդանօթի ներքեւի մասին ամբացուած պտուտակին վրայ: Եւ այսպէս շղթային մէկ ծայրը ամբացած թնդանօթի անիւին մէջ, իսկ միւսը արձակուած, թնդանօթին շուրջը մոլեգնած շրջաններ կը կատարէր և աւելի կը կատաղեցնէր անոր ցնցումները: Պտուտակը ամուր բռնած, կարծես իր ձեռքերուն մէջ սեղմած էր այս շղթան, որ իր կողմէն կը հարուածէր իբրև մտրակ, երբ թնդանօթը կը զարնէր իբրև բաբան: Շղթան սարսափելի փոթորիկի մը մէջ կը գալարուէր թնդանօթին շուրջը. երկաթէ մտրակ մըն էր՝ սեղմուած արոյրէ բռունցքի մէջ. այսպէս կռիւը աւելի դաժան դարձուցած էր ան:

Մարդը սակայն կը շարունակէր կռուիլ: Երբեմն այնքան առաջ կ'երթար, որ կը փորձէր յարձակիլ թնդանօթին վրայ: Նաւին վրայ սողոսկելով՝ կը յառաջանար երկաթէ ձողը և պարանը ձեռքը: Թնդանօթը, կարծես կը հասկնար այդ և երբ կը տեսնէր թէ իրեն համար թակարդ է պատրաստուած, կը փախչէր: Մարդը կ'առաջանէ անոր ետեւէն կ'իջնար:

Այս դրուժիւնը երկար չէր կարող տեսիլ. կարծես թնդանօթը ինքնիրեն կ'ըսէր. է՛հ, սկսինք, պէտք է վերջ տալ ասոր: Իրօք, իսկոյն դադրեցաւ: Կ'երեւար որ վճռական բույժն կը մօտենար: Թնդանօթը, որ արդարեւ անսպասելի կերպով կանգնեցաւ, կարծես իբրև այդպէս անսպասելի կերպով կանգնեցաւ, կարծես իբրև իսկական կենդանի էակ մը, նախամտածում մը ունենար. և արդարեւ յանկարծակի յարձակեցաւ թնդանօթաձիգին վրայ, որ մէկ կողմ կենալով անոր ճամբայ տուաւ անցնելու և ծիծաղելով ետեւէն կանչեց, « ապա, նորէն »: Թնդանօթը իր կատարուժիւնը թակեց նաւին ճախակողմը զետեղուած ուրիշ թնդանօթի մը վրայ և փշրեց զայն: Յետոյ պարսաքարի նման արագ և անշեղ յարձակեցաւ մարդուն վրայ. բայց մարդը շտապով փախաւ. անոր տեղ խորտակուեցան երեք թնդանօթներ: Այն ժամանակ թնդանօթը կռուցած և այլևս չգիտնալով թէ ի՛նչ կ'ընէ, կռնակը մարդուն դարձուց և ետեւի կողմէն սկսաւ գլորուիլ. քանդեց նաւին առաջամասի գերանը և զարնուելով ցռուկի կողքերուն, ձեղքեց զանոնք: Մարդը տպաստանած էր սանդուղի կողքին տակ, այս տեսարանին վկայ ձեռնակէն քանի մը քայլ հեռու, իր ձեռքին մէջ պատրաստ բռնած երկաթէ ձողը: Թնդանօթը, կարծես զայն տեսաւ և առանց նեղութիւն քաշելու, յետընթաց զնացքով կացնի նման անշեղ նետուեցաւ մարդուն վրայ: Մարդը, սեղմուած նաւի եզերքին, կորած էր: Նաւապետները միաձայն ճիշ մը արձակեցին:

Բայց ձեռունի ճամբորդը, մինչև այդ բույժին անչարժ, վրան յարձակեցաւ և թնդանօթէն անհամեմատ աւելի արագ շարժումով բռնեց կեղծ թղթաբամներու կապոցը, և չնայելով որ կրնար կտոր կտոր ըլլալ, մօտեցաւ թնդանօթին և ձգեց այդ կապոցը անոր անիւներուն տակ: Այս կորստաբեր, բայց վճռողական գործողութիւնը այնպիսի ճշտութեամբ և այնպիսի ճարտա-

բուժեամբ կատարուած էր, որ անոր նմանը ոչ մէկ մարդ չէր ըրած երբէք, ինչքան ալ եփուած բլլար զինուորական այն բոլոր վարժութիւններու մէջ, որոնք նկարագրուած են Տիւրօսէլի « Ծովային Թնդանօթներու վարժութիւններ » վերնագրով գրքին մէջ:

Կապոցը երկաթուղիի արգելակի ազդեցութիւնը ունեցաւ:

Երբեմն խճաքար մը բաւական է դէպի գառիվայր գլորուող հսկայ կօճղը կանգնեցնելու: Երբեմն սոսկ ճիւղ մը կը դադրեցնէ ձեան ամբողջ հիւսը: Թնդանօթը սայթաքեցաւ, թնդանօթածիլոն ալ իր կողմէն հասնելով բռնեց այդ առեւի զանգուածը և իր երկաթէ ձողը անցուց անոր ետեւի անիւներէն մէկուն շառաւիղներուն մէջ: Թնդանօթը կանգ առաւ, բայց դեռ կը կռուէր: Մարդը իր ձողի ծայրին ամրացուցած լծակի շարժումով մը զայն տարաւ բերաւ, և ծանրամարմին զանգուածը ահագին դժբաղքով, իր կախուած տեղէն վար իյնող զանգակի մը պէս գետին տապալեցաւ: Իսկ մարդը՝ քրտնաթաթախ՝ յուսահատաբար յարձակեցաւ թնդանօթին վրայ և պարանի լարուած հանգոյցները անցուց այդ տապալուած հրէշին վիզը:

Վերջապէս մարդը յաղթեց. մըջիւնը յաղթահարած էր փիղին, թզուկը սանձահարած էր հսկան: Զինուորները և նաւատիրները ծափահարեցին. բոլորը միասին նետուեցան դէպի պարաններն ու շղթաները և սկրնթարթի մը մէջ թնդանօթը կապեցին:

Թնդանօթածիլը, երախտագիտական զգացումով դարձաւ դէպի ձերունի ճամբորդը և բոաւ անոր.

— Պարո՛ն, դուք փրկեցիք իմ կեանքս:

Ծերունին դարձեալ բռնած էր իր նախկին անշարժ դիրքը. չպատասխանեց:

Ձ.

### Կ Շ Ի Ռ Ք Ի Ե Ր Կ Ո Ւ Ն Ժ Ա Ր Ը

Մարդը յաղթանակած էր. յաղթանակած էր մի և նոյն ժամանակ թնդանօթը: Անմիջական նաւարկութեան առաջըր առնուած էր, բայց մարտանաւը չէր կարելի երբէք ազատուած համարել: Նաւին մէջ կատարուած աւերումները անդարմանելի էին: Միայն նաւակալին մէջ հինգ ճեղքուածներ կային, որոնցմէ մէկը, ցոռկին մօտ, շատ մեծ էր: Երեսուն թնդանօթներէն քսանը՝ անգործածելի ըլլալով ինկած էին իրենց շրջանակներուն մէջ. իսկ թնդանօթը, իր աւերումներէն յօգնուած և այժմ շղթայուած, ինքն ալ անպէտ դարձած էր: Անոր ներքեւի պտուտակը փճացած էր, հետեւաբար այլ եւս անկարելի էր նշան առնել: Մարտկոցին մէջ մնացած էին ինը թնդանօթ միայն: Նաւայատակը ջուր կը լեցուէր, անհրաժեշտ էր իսկոյն միջոցներ ձեռք առնել փրատուած մասերու դէմ. հարկաւոր էր ջրհանները դործածել:

Նաւին մըջնայարկը այժմ, երբ կարելի էր անվախ նայիլ, սարսափելի պատկեր մը կը ներկայացնէր. անիկա աւելի քարուքանդ եղած էր, քան թէ կատուած փիղի մը վանդակը:

Մարտանաւին աննկատելի անցնիլը՝ որչափ որ կարեւոր պայման ըլլար անոր յաջողութեան համար, սակայն աւելի ստիպողական պէտք մը մտացնել կուտար առաջինը. ատիկա նաւի անմիջական փրկութեան խնդիրն էր. նաւին կողերուն վրայ հոս ու հոն կախեցին


լապտերներ՝ նաւակամուրջը լուսաւորելու համար, թէև ատիկա երբէք ցանկալի չէր:

Սակայն երբ նաւին ներսը կը կատարուէր այս օրհասական կռիւը, երբ ամբողջ նաւազօրքը, լուռ արձանացած կեանքի և մահուան մէջ կը տարուբերուէր, ոչ ոք չէր գիտեր թէ ի՛նչ կը կատարուէր դուրսը: Մառախուղը խտացած էր, եղանակը փոխուած, իսկ քամին ուզած կամայականութիւնները կը հանէր նաւի գլխին: Շրտակ ճամբան թողած՝ նաւը կը գտնուէր ձէրսիի և կէրնսէի առաջը, — աւելի հարաւ որչափ հարկաւոր չէր. ծովը ալեկոծուած էր այդ տեղ. փրփրադէզ ալիքները բարձրանալով համբոյրներ կուտային մարտանաւին բացուած վէրքերուն. ահաւոր էին այդ համբոյրները: Ծովը սպառնալից կը ցնցէր նաւը. հովիկը հողմի էր փոխուած. փոթորիկը կը պատրաստուէր, գուցէ և մերթիջորս քայլ հեռու ոչինչ կարելի չէր տեսնել:

Նաւաստիները փութանակի նաւամէջի աւերումները թեթեւ կերպով կարգի կը դնէին, ջուրի ծակերը կը փակէին և անփնաս մնացած ինը թնդանօթները մարտակոցներու վրայ կը շարէին:

Այդ ժամանակ ծերունի ճամբորդը նաւակամուրջին վրայ բարձրացած էր և թիկունքը մեծ կայմին տուած. անիկա նաւին մէջ կատարուած բաներով չէր հետաքրքրուեր: Ասպետ Լա Վիէօլիլ ծովային հետեւակազօրքը պատերազմական կարգով շարած էր մեծ կայմին երկու կողմը, և նաւասպայի սուլոցին վրայ՝ բոլոր նաւաստիները, որոնք զբաղած էին նաւը կարգի դնելու, թողուցին ամէն բան և կարգով շարուեցան ստագաստակալի մօտ:

Կոմս Պուսպերդըլօ մօտեցաւ ճամբորդին: Անոր ետեւէն կ'երթար մարդ մը, դէմքը շփոթած, շնչասպառ, պատառատուն զգեստներով, բայց գահ արտայայտութեամբ:



Պատկ. 13. — Այժմ հրապարակի բռնեցի՛ք սրբիկս... (Էջ 59)

Ատրկա թնդանօթածիզն էր, որ այնքան ճարպիկ  
կերպով գիտէր զսպել հրէշները. ան որ սանձահարած  
էր թնդանօթը:

Կոմսը զինուորական պատիւ տուաւ զեղջիկական  
զգեսաներ հագած ծերունիին և ըսաւ անոր.

— Ահա այն մարդը, պարոն զօրավար, թնդանօ-  
թածիզը աչքերը գետին ուղղած, հրաման ընդունելու  
սպասողական դուռթեան մէջ, անշարժ կանգնած էր:

— Զօրավար, յարեց կոմս Պուսպէրդըլօ, նկատի  
ունենալով այն ամենը, ինչ որ այս մարդը կատարեց,  
ի՛նչ կը կարծէք, արժանի չէ՞ իր պետերուն ուշադրու-  
թեան:

— Ես այդպէս կը կարծեմ, ըսաւ ծերունիին:

— Բարեհաճեցէք ուրեմն հրամայել:

— Հրամայելը ձեզի կը պատկանի, որովհետեւ դուք  
էք նաւապետը:

— Բայց չէ՞ որ դուք ալ զօրավարն էք:

Ծերունիին նայուածք մը ձգեց թնդանօթածիզին  
վրայ:

— Մօտեցի՛ր, հրամայեց անոր:

Թնդանօթածիզը քայլ մը առաւ:

Ծերունիին դարձաւ դէպի նաւապետ Պուսպէրդըլօ,  
հանեց անոր վիզէն Սէն-Լուի խաչի շքանշանը և կա-  
պեց թնդանօթածիզին հաստ պարանոցէն:

— Հուռա՛, գոչեցին նաւապետները. ծովային զին-  
ուորները իրենց ուսին վրայ բարձրացուցին զէնքերը:

Իսկ ծերունի ճամբորդը՝ մատով ցոյց տալով ուրա-  
խութենէն չփոթած թնդանօթածիզը, յարեց.

— Այժմ՝ հրացանի բռնեցէք սրբիկս:

Զօրքերու խանդավառութիւնը սպշուրթեան փոխ-  
ուեցաւ:

Այդ գերեզմանական խոր լուռութեան մէջ ծերունիին  
ձայնը բարձրացուց.

— Զանցառութիւն մը այս նաւը վտանգեց. այս բոսթէիս գուցէ, ան արդէն կորած է: Ծովի վրայ ըլլալը և թշնամիին առաջըը գտնուելը միեւնոյնն է, որովհետեւ երբ նաւը բաց ծովու վրայ է, ատ արդէն բանակ մըն է որ կը պատերազմի: Փոթորկը կը ծածկուի, բայց երբէք չանհետանար. — ծովը՝ թշնամիէն լարուած ամբողջ թակարդ մըն է: Մահուան պատիժ այն զանցառումարդուն, որ թշնամիին ներկայութեան սխալներ կը կատարէ. որովհետեւ այդ բոսթէին կատարուած սխալը ապագային այլեւս անուղղելի է: Քաջութիւնը կ'արժէ վարձատրել, իսկ զանցառութիւնը հարկաւոր է պատժել:

Ծերունին կը խօսէր ծանր, առանց անպարկուտ, պարզ առողջանութեամբ, այնպիսի անողոքելի շեշտով մը, որ կարծես կացինի հարուածներ կ'ուղղէր կազնի ծառին վրայ:

Ծերունին նայեցաւ զինուորներուն և հրամայեց.  
« Օ՛ն ուրեմն, կատարեցէք »:

Թշուառը, որուն կրկնօցին վրայ կը փալկուէր Սէն-Լուի խաչի շքանշանը, գլուխը ծռեց:

Կոմս Պուսպէրդըլօ նշան մը ըրաւ. երկու նաւատիրներ իջան նաւին միջնայարկը և ետ դարձան իրենց հետ բերելով մեռելապատանը՝ անկողնի մը մէջ դրած: Անոնց հետ վեր կ'ելլէր նաւին քահանան, որ մեկնելու բոսթէն մինչեւ այժմ զինուորներու նաւաբաժնին մէջ առանձնացած կ'ազօթէր: Յրսնապետ մը շարքէն դուրս հանեց տասներկու զինուոր, զորս վեց վեց՝ երկու կարգ շարեց: Թ'նգանօթածիզը անմուռնչ յառաջացաւ և կանգնեցաւ այդ երկու շարքերու մէջտեղը. քահանան, խաչը ձեռքը, մօտեցաւ և կանգնեցաւ անոր մօտ:  
« Յառաջ », հրամայեց յիսնապետը և զօրախմբակը քայլերը ուղղեց նաւին դէպի առաջամասը: Երկու նաւատար, պատանքի անկողինը վերցուցած, կը հետեւէին անոնց:

Մարտանաւին մէջ կը տիրէր խորին լռութիւն. հետուէն փոթորիկը կը մ'անչէր:

Քանի մը վայրկեան յետոյ խաւարի մէջէն լսուեցաւ հրացանի դրդոցը. լոյս մը ցոլաց և իսկոյն ամէն ինչ լռեց, լսուեցաւ ալիքներու ճողփիւն մը, կարծես դիակ մը ձգեցին ծովը:

Ծերունի ճամբորդը, ձեռքերը օրտին խաչածեւած և կոնակը մեծ կայմին տուած՝ դեռ կը շարունակէր մնալ կանգնած. կը մտածէր:

Պուսպէրթըլօ դարձաւ դէպի Լա Վիօվիլ և կամաց մը շշնջաց անոր ականջին, ցուցամասը դէպի ձերունին երկնցնելով.

— Վանտէի համար գլուխ մը կայ:

է.

### ԱՌԱԳԱՍՏԸ ԾՈՎԻ ՎՐԱՅ

### ԽԱՂ ՄԸՆ Է ԲԱԽՏԻՆ ԶԵՌՔԸ

Բայց ի՞նչ պիտի ըլլար մարտանաւին վիճակը:

Ամպերը, որոնք ամբողջ դէշերը պատած էին ակիքները, այժմ այնքան վար իջած էին, որ այլ ևս հորիզոն չէր մնացած. կարծես ամբողջ ծովը հսկայաւ կան վերարհուի մը մէջ ծրարուած ըլլար: Մառախուղը սարսափելի է: անոր ներկայութիւնը միշտ կորստաբեր է մինչեւ անգամ ամբակազմ նաւի համար: Բաւական չէր մառախուղը, ակեղծութիւն ալ կ'սկսէր:

Նաւատիրները անգործ նստած չէին: Ժամանակը օգտակար կերպով գործածելով, անոնք զգալի չափով

Թեթեցուցած էին նաւը, ծով նետելով Թնդանօթի ջարդուած իրերէն այն ամէնը, ինչ որ կարելի էր վերցնել և ձգել,—ջարդուած Թնդանօթները, սրնոց խորտակուած կառքերը, ջարդուած կամ թէ բեւեռները քանդուած նաւակողերը, կոտորած փայտի կամ երկաթի կոտորները: Նաև՝ Թնդանօթի պատուհանները բացած էին և դիակները, ջարդ ու փշուր եղած անդամներու հետ միասին, հաստ կտաւի մէջ փաթթած, տախտակներու վրայէն սահեցնելով, ծովը կը ձգէին:

† Իսկ ծովը այնպէս եղած էր, որ անոր վրայ մնալ այլևս անհնարին էր, ոչ թէ անոր համար որ փոթորիկը վերահաս վտանգ կ'սպառնար — ընդհակառակը հորիզոնին ետեւը մոռնող մրրիկը զգալի կերպով կը պակսէր և ցամաքէն փչող քամին դէպի հիւսիս կը հեռանար—այլ անոր համար, որ ալիքները կը շարունակէին առաջուան պէս մոռնել և բարձրանալ: Ատիկա ծովի համար շատ շարագուշակ նշան է, հիւսնդ մարտանաւը այնքան տոկունութիւն չունէր դիմադրելու ալիքներու անել ցնցումներուն, մեծ ալիքները կարող էին անոր գործը վերջացնել:

Կաքուալ մտածկոտ կանգնած էր զեկին առջեւ:

Հրամանատարները ծովի վրայ սովորութիւն ունին գէշ բոպէներուն ուրախ դէմք ցոյց տալ և Վիէօվիլ, որ դիտէր ամէն տեսակ աղէտներու մէջ միշտ ուրախ մնալ, մտաեցաւ զեկավարին:

— Այդպէս սերմն, զեկավար, մրրիկը կատակներ կ'ընէ, կ'ուզէ անգամ մը փռնքտալ, բայց չի կրնար. մենք դուրս կ'ելլենք, լաւ քամի կ'ըլլայ և մեզի համար ալ ատիկա պէտք է:

— Եթէ քամի ըլլայ, ալիքները նորէն կը բարձրանան, պատասխանեց զեկավարը, որ, ճշմարիտ նաւազի մը պէս, ոչ կը ծիծաղէր և ոչ կը տխրէր:

Պատասխանը մխիթարական չէր. նաւ մը, որու մէջ ջուր կը թափուի, այեկոծութեան ժամանակ իսկոյն

կը լեցուի ջրով: Կաքուալ ատիկա կը գուշակէր և շեշտած էր այդ կէտը, իր յօնքերը թեթեւ մը պոստելով: Գուցէ Վիէօվիլ շատ կ'աճապարէր զուարճաբանել և մինչեւ անգամ թեթեւաբանել այդպէս շուտ, երբ Թնդանօթի աղէտը դեռ նոր վերջացած էր: Կան դրժբախտութիւններ, որոնց ծանրութիւնը կ'զգացուի միայն բաց ծովի վրայ: Ծով—ատիկա գաղտնիք մըն է. անոր խորքերը անմատչելի և անհասկնալի են. պէտք է զգոյշ ըլլալ:

Լա Վիէօվիլ՝ զեկավարին պատասխանին վրայ զգաց որ պէտք էր կատակը թողուլ:

— Այժմ ո՛ւր կը գտնուինք, զեկավար, հարցուց:

— Մենք կը գտնուինք Աստուծոյ ձեռքին մէջ:

Ղեկավար, անիկա նաւատէրն է, ան պէտք է միշտ ազատ ըլլայ շարժելու և երբեմն ալ խօսելու. բայց այս տեսակ մարդիկ առ հասարակ սակաւախօս են: Վիէօվիլ անճարացած հեռացաւ: Անիկա հարցում մը ըրած էր զեկավարին, այդ հարցումին այժմ հորիզոնը կը պատասխանէր:

Մառախուղը, որ գրկախառնուած էր ալիքներու հետ, պատուուեցաւ. ծովը յանկարծ բացուեցաւ: Արշալոյսի աղօտ լուսաւորութեան տակ կ'երեւար ալիքներու անսահման շարք մը, որ փրփրալից ելեւէջներով կ'օրօրուէր:

Ահա՛ թէ ինչ կը տեսնուէր.—

Երկինքը պատած էր ամպերու ծածկոցով մը, բայց այդ ծածկոցը այլևս չէր գպչեր՝ ծովին: Արեւելքի կողմը հորիզոնը կը փայլէր սպիտակ նշոյլներու մէջ. ատիկա արեւածագն էր. իսկ արեւմուտքը տժգունած էր զեղին շողերով. լուսինը մայրը կը մանէր: Այսպէս, երկու կողմէ, արեւելքէն և արեւմուտքէն, հորիզոնին վրայ այս երկու տժգոյն և սպիտակախառն լուսաւորութիւնները, ինչպէս երկու ժապաւէններ, իրարու

գէմ փռուած, իրենց մէջ կը սեղմէին այս մուսլ ծովը, և այս երկինքը:

Այս երկու լուսաւոր տարածութիւններու վրայ կ'ուրուագծուէին ուղիւ և անշարժ կանգնած սեւ սիւլուէղներ:

Արեւմուտքի կողմը, լուսնի շողերով ողողուած, որոշակի կը նշմարուէին երեք ժայռեր, կելտական արձաններու նման բարձր կանգնած:

Արեւելքի կողմը, առաւօտեան դողդոջուն շողերու տակ, հորիզօնին վրայ ցցուած էին ութ առագաստներ, մէկ կարգով շարուած և իրարմէ որոշ տարածութեամբ հեռու, սպառնական դրութեան մը մէջ:

Այդ երեք ազատամքերը խուժ մը կը ձեւացնէին, իսկ այդ ութ առագաստները նաւատորմ մը կը կազմէին:

Մարտանաւը պաշարուած էր. ետեւը՝ Մէսկիէ, այդ վատահամբաւ ազատաժը, առաջը՝ ֆրանսական յաճանաւորը. արեւմուտքը՝ անդունդ, արեւելքը՝ արիւնհանգուցիւն, նաւաբեկութիւն և պատերազմ կ'սպառնային անոր: Ի՞նչ ընել. դիմել դէպի խուժը, երբ նաւին մարմինը ծածկուած էր, անոր սպառնալիցութիւնը խորտակուած էր, մեծ կայմը իր հիմէն ցնցուած էր. դիմել դէպի սպտերա՞ղմ, երբ մարտկոցին մէջի երեսուն թնդանօթէն քսան և մէկը արդէն անպէտ էին դարձած և ամենայաւ թնդանօթաձիգներն այլեւս չկային:

Արշալոյսը դեռ նոր սկսած էր բացուել, այնպէս որ գիշերուան մութը դեռ բոլորովին փարատած չէր: Այս մութը, որ աւելի շատ ամպերէն էր մնացած, քան թէ գիշերէն, կարող էր դեռ բաւական երկար շարունակել, երբ ամպերը՝ բարձր կանգնած, լճանք և խոր՝ կապարի նման ամրագնդուած էին վերը:

Իսկ նաւը, որ յոգնած ու ջարդուած՝ այլեւս չէր հնազանդեր իր դեկին, աւելի առաջ կը գլորէր անգիտակցօրէն, քան թէ գիտակցաբար կը նաւարկէր և

ալիքներու հարուածներուն տակ՝ թողած էր որ անոնք իրեն հետ ուզածը ընեն:

Մէսկիէի այդ ալետարեր խուժը այն ժամանակ աւելի վտանգաւոր դիրք ունէր, քան թէ այժմ, երբ ծովը իր անկերը փմամբ՝ փշրած է այս անդունդին վրայ հաստապաւած բերդին բազմաթիւ աշտարակները: Ուսթերու արտաքին երեսը կը փոխուէ. զուր տեղ չէ որ կոհակը և դանակը միեւնոյն անունն ունին (lame) ֆրանսերէնի մէջ: Ճահիճը անգամ սղօղի նման կը քերէ: Այն ժամանակ Մէսկիէի խուժին դպչելը կը նշանակէր կորստեան մատնուիլ:

Գայով յաճանաւորուն՝ ատիկա Քանկալի նաւատորմն էր, որ յետոյ հռակաւոր դարձաւ, երբ նաւապետ Տիւչէն՝ զոր Լէկինիօն կը կոչէր «Տիւչէն ալքար», նշարակուեցաւ անոր հրամանատար:

Վիճակը դժուարին էր: Երբ ներքո զբաղած էին չլթաներէն արձակուած թնդանօթով, նաւը անգիտակցաբար շեղած էր իր ճամբան և յառաջացած էր աւելի դէպի Կրանովիլ, քան դէպի Սէն-Մայօ: Մինչև անգամ եթէ այժմ կարելի ըլլար առագաստները բանալ և նաւարկել, նորէն անհար էր փրկութիւնը, որովհետեւ Մէսկիէի խուժերը կը փակէին անոր ճամբան դէպի ձէրսի վերադառնալու, իսկ յաճանաւորը կ'արգելէին ֆրանսական ափին մօտենալ:

Փոթորիկը բոլորովին դադարած էր, թէև ալեկոծութիւն կար, ինչպէս բոլոր էր զեկավարը: Ծովը սաստիկ քամիի տակ գալարուելով և ալիքներով մաս մաս պատուած վայրենի կերպարանք ստացած էր:

Ծովը կը լռէ, միանգամէն չի յայտնա իր ինչ որ կը ցանկայ. անոր այդ անաւոր անդունդներուն մէջ ամէն քան կայ պատրաստ, մինչև անգամ խարէութիւն: Կարելի է ըսել, որ ծովը իր վարուելու առանձին եղանակը ունի, — կը յառաջանայ, բայց տեղի տալու ատեն

կ'առաջարկէ, բայց խելոյն կը մերժէ. մորիկ կը պատ-  
րաստէ, բայց խելոյն կը թողու. իր անդունդներուն  
անունով սպառնալիք կը կարգայ, բայց չի գործադրեր.  
հիւսիսային հողմովը կը սարսափեցնէ, բայց հարաւա-  
յիններովը կը հարուածէ: Կլեյմօր մարտանաւը ամբողջ  
գլխերը պարուրուած էր մառախուղին մէջ և կը սոսկար  
մօտալուա փոթորիկէն, բայց ծովը զայն հիասթափեց,  
թէ և կատաղի եղանակով. ան ծրագրած էր փոթորիկ,  
բայց գործադրելու բողբին թողած էր փոթորիկը և  
ընտրած խուժը: Միեւնոյնն էր. ատիկա ալ նաւարե-  
կութիւն էր, միայն ուրիշ ձեւով:

Քաւական չէր ժայռերէն սպասուող կորուստը, պա-  
տերազմն ալ իր կողմէն կը պատրաստուէր ոչնչացնելու  
մնացածը: Մէկ թշնամին հերիք չէր, միւսն ալ կուգար  
չարիքը կատարեալ դարձնելու: Լա Վիէօլիլ քրքիջ մը  
արձակեց և գոչեց.


— Այս կողմէն այեկոծութիւն, այն կողմէն պա-  
տերազմ. երկու կողմէն ալ մեր ճակատագիրը վրձ-  
ուուած է:

Ը.


9 — 380

Մարտանաւը բոլորովին խանդարուած էր:

Այդ սիւնուած աժգոյն լոյսերը, այդ մոռայլ ամ-  
պերը, հորիզոնի այդ շարժուն խառնակութիւնը, ալիք-  
ներու այդ խորհրդաւոր շառաչումը, — այս բոլորին  
մէջ տեսակ մը մոռայլ լուսութիւն կար: Ամբողջ լնու-  
թիւնը լուռ էր, միայն հովը իր դաժան շունչովը կ'ոռ-



Պատկ. 14. — Այս կտրվեւն աղեկոծուչիւն, այն... (կշ 66)



նար: Կորստաբեր՝ աղէտը կը բարձրանար ծովին անդունդներէն վեհափառ ծանրութեամբ մը: Ատիկա աւելի տեսիլքի մը նմանութիւն ունէր, քան թէ յարձակումի: Անշարժ էին ժայռերը, անշարժ էին նաւերը՝ թաղուած հսկայական լուսթեան մը մէջ: Միթէ այստեղ, այս լուսթեան մէջ, իրականութիւն կա՞յ. գուցէ երազ մըն է, որ կը կատարուի ծովի վրայ, բայց այսպիսի երեւակայական տեսիլքներուն կարելի է հանդիպիլ միայն առասպելներու մէջ, և մարտանաւին համար, այս առասպելներու համաձայն, խուժը դեւ էր դարձած, իսկ նաւատորմը՝ ուրուական և ինքը՝ շրջապատուած անոնցմով:

Կոմս Պուտպէրզըլլօ կիսաձայն հրամաններ տուաւ Լա Վիէօվիլին, որ իջաւ վար, մարտիցը, իսկ նաւապետը վերջուց հեռադիտակը, եկաւ կանգնեցաւ նաւին յեանակողմը, ղեկավարին քով:

Ղեկավար Կաքուսայ ամէն ջանք ի դորժ կը դնէր նաւը ալիքներուն վրայ կանգուն պահելու, երբ ան, միանգամայն քամիէն և ալեկոծութենէն բռնուած, առանց այլեւայլութեան կարող էր ընկզմիլ:

— Ղեկավար, հարցուց նաւապետը, այժմ ո՞ւր կը գտնուինք:

— Մէնկիէի ապառաժներուն վրայ:

— Ապառաժներուն ո՞ր կողմը:

— Գէշ կողմը:

— Ի՞նչպէս է ծովին յատակը:

— Սուր սուր ցցուած ապառաժներով լեցուն է:

— Կարելի՞ է խարխախ ձգել:

— Կարելի է ամէն բոպէ մաճուան սպասել:

Նաւապետը իր հեռադիտակը ուղղեց դէպի արեւմուտք և քննեց Մէնկիէ խուժը, յետոյ դարձուց դէպի արեւելք և զննեց երեւցող նաւերը:

մա Բնկ զեկաւարք այց միջացին զեւ կը շարունակէր  
կարծես ինքն իրեն խօսիչ. « Ատիկա կը կոչուի Ահեկիէ.  
այս ժայռերուն վրայ հանգիստ միտանէ ծովային ժայռ-  
տան աբուրը. երբ կը կեռչի զէպի Հօլանտա, և նոյն-  
պէս իր սեւ վերարկուն մէջ փետրաւ սրուած մեծ տար-  
մահաւը » :  
Նաւապետը կը շարունակէր սակայն ճեւղացիներ և  
համրել նաւերը : Արգարեւ անոնց ինչը ութ էր.  
անոնք կարգով շարուած էին և Չտքէն գուրս ցցած  
էին իրենց սազիկները ցուրկները. հեղբունին մէջ կը  
բարձրանար եռայարկ նաւին յաւիժ նասակը :

- Կը ճանչնա՞ք այս նաւերը, հարցուց նաւապետը զէպի ղեկավարը դառնալով :
- Այո՛, պատասխանեց վկայները :
- Ի՞նչ նաւեր են անոնք :
- Նաւատորմ է :
- Փրանսական նաւատորմը :
- Այո՛, այդ ստորանալականը :
- Մի՞թէ բոլոր յոժանաւերը այժմ՝ այստեղ կը  
զանուին :

— Այ բոլորը :  
Արգարեւ, ապրիլ 2-ին Վալագէ հաղորդած էր Քօն-  
վանսիօնին, որ ութը ֆրէկազ և վեց մարտանաւեր կը  
հսկէին Մանչի վրայ. նաւապետը յիշեց ատիկա :

— Այո՛, ճիշդ է, այստեղ միայն ութը նաւ կայ,  
մինչդեռ ամբողջ նաւատորմը բազկանցած է տասնևվեց  
նաւերէ :  
« Մնացածը, յարեց Կաթուալ, կը չըջագային և  
կը հսկեն ամբողջ ծովեզրի վրայ » :  
Նաւապետը կը շարունակէր զննել իր գիտակով և  
կը մրմնայր. « Եռայարկ նաւ մը, երկու անոնքին կարգէ ու իսկ  
հինգ երկրորդ կարգի ֆրէկազ » : « Գլ ընտը մ գլ ընտը »

յո՞վաւե՞ր ինքն ալ զանոնք կը ննջի, մը մնջեց ղեկա-  
վարը :

« Պատուական նաւեր են, փամանակ մը ևս այդ  
նաւերուն հրամանատարը եղած եմ :  
Ճմն — Իսկ ևս ըստ կարուալ, ևս զանոնք չառ մօ-  
տէն տեսած եմ, այնպէս որ իրարու ճեւ ճեմ չփոխեր :  
Իմ միտքս պահած եմ անոնց բոլոր նշանները : »

Նաւապետը ղեկավարին տուաւ իր եռագիտակը և  
ըստ. — Նայեցէք, ղեկավար, կարո՞վ էք որոշել այն  
նաւը, որ այնքան բարձր կողեր ունի :  
— Այո՛, պարոն հրամանատար, անրկա կը կոչուի  
Քօլ-s'Օր :  
« Ինչպէ՞ս փոխեր են անոնց անունները, կրկնեց  
նաւապետը, առաջ ապիտակ կը կոչուէր էնչա՞ք Պրուիջեւե  
Քոլորովին նոր նաւ մըն է հարիւր քսանեւ ութի թիւզա-  
նօթներով զինուած : »

Այստեղ նաւապետը իր գրպանէն հանեց տետրակ  
մը և մատարով անսր մէջ գրեց 128 թիւը :  
« Երկրորդա՞ր, զ՞նչ է ձախակազմը կանոնած ատա-  
ջին նաւը : »

— Ատիկա կը կոչուի էֆսիտիսնսնի (փորձուած) :  
— Առաջին կարգի ֆրէկազ, յիսուն երկու թիւն-  
դանօթով. երեք ամիս է որ Պրէսիթի մէջ կ'սպտա-  
զինէին զայն :  
Նաւապետը իր անտրակին մէջ նշանակեց 52 թիւը :  
« Հանդա՞ ճոխակազմանս երկրորդ անուր, 9 շարու  
նակեց հարկեր նաւապետը այդ ցոյցս զամբասամ  
մասով Լանթրիասեաց դո՞ղա՞ճ — Գլ ընտը ցլ իոյալսէ՞ճ »

— Առաջին կարգի մարտանաւ, քառասուն հաս  
պաններով ֆունդազնոց լաւ թիւեր, սրճակազ թիւզանօթ-  
ներով. պատերազմական տարեգրութիւններու մէջ փա-  
ռնուր պատմութիւն մը ունի : բառոյս, սմբասմ —  
« Ենչուո՞ք պատի՞ր յանտրակին մէջ միւս թիւերուն  
տակը գրեց 52 և 40 թիւանշանները : այլ ուսմ —

— Այժմ նայեցէք աջ կողմը, ըսաւ նաւապետը՝ գրեւը վերջացնելէն յետոյ :

— Ասոնք բոլորը, պարոն հրամանատար, երկրորդ կարգի ֆրէկատներ են, թիւով հինգ հատ :

— Ինչպէս կը կոչուի ասոնցմէ առաջինը, մեծ նաւին մօտ կանգնածը :

— Լա Ռեզօշիւ :

— Երեսուն երկու թնդանօթ, տասնեւութ ֆունտանոց սոււժերով. իսկ երկրորդը :

— Լա Ռիշլեօն :

— Միւսնոյն ուժով. յետո՛յ :

— Ադի (անաստուած) :

— Չարմանալի անուն, մանաւանդ նաւի մը համար, որ բաց ծով կուգայ. յետո՛յ :

— Քալիքսո :

— Յետո՛յ :

— Լա Բրընկալ :

— Հինգ ֆրէկատ, ամէն մէկը երեսուն երկու թընդանօթներով, ըսաւ նաւապետը և տետրակին մէջ միւս թիւերուն տակ գրեց 160 թուանշանը :

— Ղեկավար, ըսաւ անիկա, այդ նաւը լաւ կը ճանչնա՞ք :

— Իսկ դուք, պարոն հրամանատար, հարցուց Կաքուալ, դուք ալ լաւ կը կը ճանչնա՞ք, կ'երեւի թէ կը յիշէք. յիշելը լաւ է, բայց ճանչնալը աւելի լաւ է :

Նաւապետը աչքերը յառած էր տետրակին վրայ և շշնջալով կը համբէր. — Հարիւր քսան և ութը, յիսուն երկու, քառասուն, հարիւր վաթսուն :

Այդ վայրկեանին լա Վիէօվիլ դէպի նաւակամուրջը կը բարձրանար :

— Ասպետ, պոռաց անոր նաւապետը, մեր դէմը երեք հարիւր ութսուն հատ թնդանօթ ուղղուած է :

— Շատ լաւ, պատասխանեց Լա Վիէօվիլ :

— Դուք ամէն բան ուշի ուշով զննեցիք, պարոն Լա Վիէօվիլ, ըսաւ անոր հրամանատարը, իսկապէս պատերազմի պիտանի ս՛րբան թնդանօթ մնացած է :

— Ինը :

— Շատ լաւ պատասխանեց իր կարգին Պուապէրզըլօ. յետոյ ղեկավարին ձեռքէն ետ առնելով հեռագրիտակը՝ սկսաւ ղիտել հորիզոնը :

Ութը մարտանաւերը, լուռ ու մուսլ, կարծես անշարժ կանգնած էին, բայց և այնպէս հեռզհետէ կը մեծնային, անոնք կը մօտենային անզգալի կերպով :

Լա Վիէօվիլ զինուորական պատիւ մը տալով դարձաւ դէպի նաւապետը :

— Պարոն հրամանատար, ըսաւ, ահա տեղեկագիրը, իմ կողմէ ես կը հրաժարէի յոյս դնել այս Կլեյնօ մարտանաւին վրայ. շատ դժուար է այսպէս յանկարծակի նաւարկել մէկ նաւով, որ չուզեր ոչ ճանչնալ ձեզ և ոչ սիրել : Անգլիական նաւը միշտ դաւաճանած է Յրանսացիներուն. օրինակ՝ այդ անիժուած թնդանօթը, ահա ըսածիս փայլուն ապացոյց : Ես զընենցի ամբողջ նաւը, լաւ խարխիւններ ունի, որոնք շինուած են ոչ թէ անամէջ երկաթէ, այլ երկաթեայ ձուղերէ, որոնք մուրճով լաւ մը դարբնուած և իրար միացած են. անոնց օղակները ամրապինդ են, պարանները՝ պատուական, հեշտութեամբ կ'արձակուին և պէտք եղած երկարութիւնն ալ ունին, այսինքն հարիւր քսան գրկաչափ : Ռազմամթերքն ալ, էհ, կը բաւէ : Ամէն թնդանօթի հարիւր եօթանասուն հարուած կը մնայ :

— Պատճառը այն է որ միայն ինը թնդանօթ կը մնայ, մրմուռաց նաւապետը, և իր հեռագրիտակը նորէն ուղղեց դէպի հեռու հորիզոնը :

Նաւատորմը կը շարունակէր առաջուան նման դանդաղ յառաջանալ :



Թ.

### Մ Է Կ Ը Գ Լ ՈՒ Խ Ը Կ ' Ա Ջ Ա Տ Է

Ճամբորդը կը շարունակէր անշարժ կենալ նաւա- կամուրջին վրայ և կը դիտէր ամէն բան :

Պուապէրզըլօ մօտեցաւ անոր :

— Պարոն, ըսաւ, բոլոր պատրաստութիւնները տեսնուած են : Ահա մենք այժմ բեւեռուած ենք մեր գերեզմանին . արդէն բռնուած ենք, ազատելու հնար չկայ . մենք կա՛մ նաւատորմին և կամ խուժերուն գե- րին պիտի դառնանք . կը մնայ միայն ընտրել երկու- քէն մէկը, կա՛մ անձնատուր ըլլալ նաւատորմին, կամ թէ խուժերուն ու խորտակուելով ծովի յատակը եր- թալ : Ինչպէս ալ ըլլայ, մեզ կը մնայ միջոց մը միայն .

— մեռնիլ : Պատերազմը նաւաբեկութենէն լաւ է . ես աւելի կը սիրէի գնդակահար ըլլալ, քան թէ հեղուելի : Երբ մեր մահը վճռուած իրականութիւն է, ես կրակը ջուրէն կը նախապատուէի : Մեռնիլը, — ատիկա մեր իս- կական ճակատագիրն է, բայց ոչ ձերը : Դուք իշխան- ներու ընտրեալն էք, դուք մեծ կոչում մը ունիք, — ղեկավարել Վանտէի պատերազմը : Ձեր կորուստը՝ դու- ցէ կը նշանակէ միապետութեան կորուստը : Ուրեմն պէտք է որ դուք ապրիք : Եթէ մեր պատիւը այժմ կը պահանջէ, որ մենք անվեհեր այստեղ մնանք, ձերը ընդհակառակը, կը պահանջէ որ դուք դուրս ելլէք այստեղէն : Ուրեմն, պարոն զօրավար, դուք պէտք է իսկոյն թողուք նաւը : Ես ձեր տրամագրութեան տակ կը դնեմ մակոյկ մը և թիավար մը : Պէտք է շրջան մը կատարել և ցամաքը ելլել . ատիկա կարելի է, որով-

հետեւ դեռ չէ լուսցած, ալիքները բարձր են և ծովը մուսլ . դուք անպատճառ կ'ազատիք : Կան պարագա- ներ, ուր փախուստը հաւասար է յաղթութեան :

Ծերունին, ի նշան համաձայնութեան, իր խտտա- ղէմ գլուխը վեհութեամբ շարժեց :

Կոմս Պուապէրզըլօ ձայնը բարձրացնելով կանչեց .  
— Ձինուորնե՛ր, նաւատիրնե՛ր :

Նաւին վրայ բոլոր շարժումները յանկարծ դադրե- ցան և ամէն կողմէ դէմքերը դէպի նաւապետը դար- ձան :

— Այս պարոնը, որ մեր մէջը կը գտնուի, շարու- նակեց նաւապետը, թագաւորին ներկայացուցիչն է : Ձայն մեզի վստահացած են, մենք ալ պարտաւոր ենք պահպանել . ֆրանսական գահին համար անիկա անհրա- ժեշտ է : Այժմ, երբ կը պակսի հարազատ իշխան մը Վանտէի գլուխը անցնելու համար, այժմ ան է, որ պիտի փոխարինէ անոր, գոնէ այդպէս է մեր ակնկա- լութիւնը : Իբրեւ պատերազմիկ սպայ՝ ան շատ բարձր է կանգնած . պէտք էր որ ան մեզ հետ միասին ֆրան- սական ցամաքը ելլէր, բայց այժմ հարկաւոր է, որ առանց մեզի դուրս ելլէ : Եթէ ան միայն իր գլուխը ազատէ, կը նշանակէ որ ամէն ինչ ազատուած է :

— Այո՛, այո՛, պոռաց միաձայն ամբողջ ծովա- ղօրքը :

Նաւապետը շարունակեց .

— Անոր ալ, ինչպէս մեզ, լուրջ վտանգներ կը սպառնան . դիւրին չէ մինչեւ ծովեզրը հասնիլ : Մա- կոյկը այնքան մեծ պիտի ըլլայ, որ կարողանայ ընդ- դիմանալ խոշոր ալիքներուն, բայց միեւնոյն ժամանակ և այնքան փոքր, որ աննկատելի մնայ յածանաւերէն . պէտք է ցամաք ելլել այնպիսի ծովափ մը, այնպիսի տեղ մը, որ ապահով ըլլայ : Ես կը կարծեմ որ Ծուժէրի կողմէ աւելի լաւ է, քան թէ Գուտանտէ : Այժմ հար-

հանձնը է ամբողջապէս նաւանորդ մը, որ կարողանար շնորհ  
 թիազարել և լաւ գողալ, նաւանորդ մը, որ տեղացի  
 ըլլար և լաւ ճանչնար ծովին անցքերը: Մին աչն քան  
 լոյս չէ. թակոյղը կարող է քորճէդէն անողէն հեռանալ,  
 որ թշնամին չնշմարէ: Ելեանց չուտով կ'աւար հարը և  
 թեղանոթի ծուխը աւելի վառ կը ծածկէ դայն: Մակոյղը  
 փոքր է. ընդծովեայ ծայերը անոր վտանգ մը չեն  
 սպառնար: Արիւր չեն շտուրթեամբ կարող է պրծիլ այն  
 թակարդէն, ուր յովազը չորս թաթերով կը բռնուի:  
 Մակոյղը պիտի յառաջանայ միայն թիակներու օգնութեամբ  
 թեամբ: Թշնամի նաւերը չեն կրնար դայն նշմարել:  
 Առկէ դատ մենք ալ մեր հողմէ կ'զբաղեցնենք թշնամի  
 մին, որինչեւ որ մակոյղը բոլորովին հեռանայ: Երբ  
 պէտ չէ: արիւմա գանաւ միշտ գալուստնապէ. յմարտապ  
 ցի մալ Այո, այո, այո, գողաց ծովազօրքը: Է աչե  
 դո Է Պէաք չէ բոպէ մը անգամ կորսնցնել, յորեք  
 նաւասիտը, ձեզքէ բոլ արթութիւն ունի այն գործը  
 կատարելու: մա յայս վիշտագմապս արիւր ցեղերու  
 մա Սթուրթեան մէջ նաւանորդը չարքերէն առաջ ան  
 ցաւ և բաւալ:

Սթուրթեան մէջ նաւանորդը չարքերէն առաջ ան  
 ցաւ և բաւալ:  
 Երբ մը ցաւին մա իկի Է իյն սղորդ վրնի բնաս  
 Է ճաւասապս չնի մէնա դո իկանալ զի յապա  
 ախոն կրոցիս սլաւակն բաւոր, սլա, սլա —

Երբ մը ցաւին մա իկի Է իյն սղորդ վրնի բնաս  
 Է ճաւասապս չնի մէնա դո իկանալ զի յապա  
 ախոն կրոցիս սլաւակն բաւոր, սլա, սլա —


Երբ մը ցաւին մա իկի Է իյն սղորդ վրնի բնաս  
 Է ճաւասապս չնի մէնա դո իկանալ զի յապա  
 ախոն կրոցիս սլաւակն բաւոր, սլա, սլա —

**ԿԱՐԵԼԻ Է ԱԶԱՏԻԼ**

Երբ մը ցաւին մա իկի Է իյն սղորդ վրնի բնաս  
 Է ճաւասապս չնի մէնա դո իկանալ զի յապա  
 ախոն կրոցիս սլաւակն բաւոր, սլա, սլա —



Պատ՛. 15.— Մրոշկուն մեք հաշտար մը չարքիբեկ  
առայ սնցառ եւ ըստռ.— Ե'ս... (էք 76)



ձերուսի ճամբարը՝ ետեւ մասին մէջ, իսկ « արիւթիւն ունեցող » նաւաստին՝ առջևի մասին մէջ: Առաջարկեալ շատ միտին էր, նաւաստին կ'արդարացներ նաւապետին ըսած խօսքերը. ան իր հովու բազումներով կը թիալարէր մակոյկը դէպի Մէնկիէի ազատամեները, և ուրիշ ուղղութիւն բռնել անհնարին էր: Մակոյկին մէջ կը գտնուէր քիչ մը պաշար, — չորցած հացի տոպրակ մը, եզի ապխտած լեզու և փոքրիկ տակառ մը ջուր:

Այն վայրկեանին, երբ մակոյկը բաց ծովը ելած էր, Վիէօլիլ որ կը սիրէր վտանգի անդունդին առաջը կանգնած կատակներ ընել, քօրիւղի ղեկին գերանին վրայ կեցած՝ մակոյկին հրածեշտի ողջոյններ կուտար և հեզներով կ'ըսէր.

— Այնչ, փախչելու համար լաւ մակոյկ է, բայց խեղդուելու համար աւելի լաւ, անմահ է:

— Պարո՛ն, պոռաց ղեկավարը, կատակները մէկ կողմ թողուցէք:

Մակոյկը արագութեամբ կոր չրջան մը կատարեց, այնպէս որ տարածութիւնը անոր և մարտանաւին մէջ բաւականին մեծ էր: Հողմը և այիքները կ'օգնէին թիալարին և փոքրիկ նաւակը արշալոյսի կիսաբաց շողերուն մէջէն լողալով, ծածկուած այիքներու մեծ մեծ ծայրերուն տակ, արագութեամբ խոյս կուտար:

Ճովին վրայ կը տիրէր անորոշ ստատոգրութեան մտայն նախազգացումը:

Ծովին այս լայնարձակ և ետուն մակերեսովի վե՛ր լուծեան մէջ բարձրացաւ յանկարծ ձայն մը, որ փողի օգնութեամբ աւելի ուժեղցած՝ կարծես զերմարդկային ըլլար. նման էր ինչ որ օդերգակներու ձայնին, որ կը հնչէր արդրէ դիմակներու մէջէն:

Նախապէս Պուապերգըն էր որ կը հտէր:

— Թագաւորի նաւաստիներ, գոչեց ան, սպիտակ դրօշակը մեծ կայմին վրայ բարձրացուցէք, է՛ն, ողջունենք մեր այս վերջին արեւածագը :

Եւ թնդանօթին սոււմբը, որոտալով մարտանաւէն դուրս սրացաւ :

— Կեցցէ՛ թագաւորը, աղալակեց նաւագօրքը :

Այդ վայրկեանին հեռուէն, հորիզոնին խորերէն լսուեցաւ ուրիշ գոռում մը, անվերջ, հեռասօր, թէեւ խառնաշփոթ, սակայն սրոշ :

— Կեցցէ՛ հանրապետութիւնը :

Եւ անմիջապէս յետոյ՝ ուկիրանոսի խորութեան մէջ պայթեցաւ երեք հարիւր կայծակներու միացած անկ որոտումը :


Կռիւր կ'սկսէր :

Կրակը և ծուխը ծածկեցին ծովը. սոււմբերը, լյնալով ծովին մէջ, իրենց առաջացուցած ջուրի ցայտումներով կը ծածկէին արիքները :


Կիւրճօր բոցեր կը ժայթքէր ութ նաւերուն վրայ : Իսկ նաւատորմը, կիսալուսնի ձեւով Կիւրճօր-ի շուրջը շարուած, իր բոլոր մարտկոցներէն կրակ բացած էր : Հորիզոնը կը բոցավառէր. հրաբուխ մըն էր, որ ծովի խորքերէն դուրս կը ժայթքէր. հողմը կը գալարէր այդ ծիրանեզօյն բոցերը, և նաւերը, ուրուականներու նման, կ'երեւային և իսկօյն կ'անյայտանային : Ամէնէն առաջ մարտանաւին սեւ կմախքն էր որ կը ծրագրուէր այս կարմիր Փօսին վրայ, իսկ անոր մեծ կայմին ծայրը կ'երեւէր շուշանակիր սպիտակ դրօշը :

Մակոյկին մէջի մարդիկը լուռ էին :


Մէնկիէի եռանկիւնի ծանծաղուաները, սրոնք տեսակ մը ընդծովեայ թակարդներ են, աւելի ընդարձակ են, քան ամբողջ ձէրսի կղզին. ծովը կը ծածկէ զանոնք : Անոնց ամենաբարձր մասը կը կազմէ





Պատկ. 16.—Կեցցի՛ք քաղաւորը... (էջ 78)



Պատկ. 17.— «Կրեյսոր» բացեր կը ժայրբեր... (Լէ 78)







Պատկ. 18.—Կեցցի՛ հանրայնությունը... (էջ 78)

սարաւանդ մը, որ ջուրէն միշտ վեր կը մնայ, մինչեւ անդամ ամենաբարձր մակընթացութիւններու ժամանակ:

Հիւսիս արեւելեան կողմէն վեց հսկայական ապառաժներ կը բաժնուին անոնցմէ և ուղիղ գծով շարուած կարծես կիսախարսու կհսկայական պատ ըլլան: Միայն ամենաթեթեւ մակոյկները կրնան անցնիլ այն նեղուցը, որ կը գտնուի այս սարաւանդին և վեց ապառաժներուն մէջ: Նեղուցին միւս կողմը ծովը լայն և խոր է:

Նաւաստին, որուն յանձնուած էր մակոյկի փրկութիւնը, թիավարեց ուղիղ դէպ ի նեղուցը, այնպէս որ Յէնկիէի ապառաժը այժմ կը գտնուէր նաւակի և պատերազմող նաւերու մէջտեղը: Ճարպիկութեամբ կը սահեցնէր մակոյկը այդ փոքրիկ ջրանցքին մէջէն, աշխատելով խուսափիլ աջ ու ձախ շարուած ընդ ջրեայ սրածայր խոթերէն: Այժմ ապառաժները կանգնած էին անոր դէմը և թոյլ չէին տայր տեսնելու պատերազմը: Որչափ որ անոնք կը հեռանային, այնքան ալ կը նուազէին հորիզոնին վրայ բոցավառող լոյսերն ու թնդանոթներու կատաղի դղրդիւնը, բայց հարուածներու անընդհատ որսը կը յայտնէր որ մարտանաւը քաջութեամբ կը դիմադրէր և կ'ուզէր ապառել ամբողջ հարիւր իննսուն և մէկ ուսմբերը մինչեւ ամենավերջինը: Բիշմը անցնելէ յետոյ մակոյկը արդէն հասած էր բաց ծովը, ազատ այլ եւս թէ՛ խոթերէն, թէ՛ պատերազմէն և թէ՛ ուսմբերէն:

Ծովի մուայրը հետզհետէ կը պարզուէր. անոր փայլուն երեսը, մինչեւ այժմ ընկղմած մթութեան մէջ, հետզհետէ կը լայննար: Փրփրադէզ ալիքները կը փռւուէին, փրփրալից ցաշտումներով ողողելով իրենց շուրջ. սպիտակ շողերը կ'երեւային կոհակներու մակերեւոյթին վրայ: Ծագեցաւ արեգակը:

Նաւակը ազատ էր թշնամիի հետապնդումէն, բայց ամենադժուար գործը դեռ կը մնար: Մակոյկը փրկուած էր գնդակներէն, բայց ոչ նաւաբեկութենէն. փոքրիկ կճեպ մըն էր այդ, առանց նաւակամուրջի, առանց առազաստի, առանց կայմի, առանց կողմնազոյցի միայնակ ձգուած այեկոծ ծովի վրայ: Ովկիանոսի փոթորիկէն պաշտպանուելու համար ան միայն թիակներ ունէր, խեղճ հիւլէ մը թողուած հսկայի կամայականութեան:

Այն ժամանակ ովկիանոսի այս անհուն լռութեան մէջ նաւի առաջամասին վրայ գտնուող մարդը վեր բարձրացուց իր դէմքը: յղողուած վաղորդեան ազօտ լուսերով, շեշտակի կերպով նայեցաւ նաւին ետեւը նստած մարդուն և ըստ ահոր.

— Ես այն նաւաստիին եղբայրն եմ, զոր դուք հրացանի բռնել տուիք:

Երբ որ իրեն հետ կը խօսէր, մտաւորապէս երեսուն տարեկան կար, ճակատը ծովային հուլմէն խորշումած, իսկ աչքերը տարօրինակ տեսք մը ունէին: Նաւաստիի թափանցող հայեացքը գետեղուած էր գիւղացիին հեզահայեացք բիրբրուն մէջ. ջրուտ ձեռքերով թիերը սեղմած բռունցքին մէջ ան առաջ կը մղէր նաւակը:

Բնաւորութեամբ հեղ էր: Դաշոյն մը, երկու ասրճանակ և համրիչ մը կախուած էին անոր գօտիէն: — Դուք ո՞վ էք, հարցուց ծերունին: — Հիմա՛ ըսի քեզ: — Ինձմէ ի՛նչ կ'ուզէք: Նաւաստիին թիերը թողուց, ձեռքերը խաչաձև երարու վրայ դրաւ և պատասխանեց.

### ԵՐՐՈՐԴ ԳԻՐՔ

## Հ ա լ մ ա լ օ

Ա.

### ԽՕՍՔԸ ՇԱԻԱՍԱՐ Է ԳՈՐԾԻՆ

Ծերունին ծանր ծանր գլուխը վեր բարձրացուց: Մարդը որ իրեն հետ կը խօսէր, մտաւորապէս երեսուն տարեկան կար, ճակատը ծովային հուլմէն խորշումած, իսկ աչքերը տարօրինակ տեսք մը ունէին: Նաւաստիի թափանցող հայեացքը գետեղուած էր գիւղացիին հեզահայեացք բիրբրուն մէջ. ջրուտ ձեռքերով թիերը սեղմած բռունցքին մէջ ան առաջ կը մղէր նաւակը:

Բնաւորութեամբ հեղ էր: Դաշոյն մը, երկու ասրճանակ և համրիչ մը կախուած էին անոր գօտիէն: — Դուք ո՞վ էք, հարցուց ծերունին: — Հիմա՛ ըսի քեզ: — Ինձմէ ի՛նչ կ'ուզէք: Նաւաստիին թիերը թողուց, ձեռքերը խաչաձև երարու վրայ դրաւ և պատասխանեց.

— Կ'ուզեմ սպաննել ձեզ :  
— Ինչպէս որ կ'ուզէք, պատասխանեց ծերուկը :

Մարդը ձայնը բարձրացուց :

— Պատրաստուեցէ՛ք :

— Ինչի՞ :

— Մեռնելու :

— Ինչո՞ւ համար, հարցուց ծերունին :

Բույզ մը լուռթիւն տիրեց. կ'երեւար որ մարդը այս հարցումէն չփոթեցաւ :

— Ես ըսի որ կ'ուզեմ ձեզ սպաննել :

— Իսկ ես կը հարցնեմ թէ ինչո՞ւ համար :

Փայլակ մը ցոլաց նաւաստիին աչքերուն մէջ :

— Որովհետեւ դուք սպաննեցիք իմ եղբայրս :

Ծերունին հանդարտ ձայնով շարունակեց :

— Բայց չէ՞ որ ես նախ անոր կեանքը ազատեցի :

— Այդ ճիշտ է, դուք նախ ազատեցիք, բայց

վերջը սպաննեցիք :

— Ես չեմ զայն սպաննողը :

— Ուրեմն ո՞վ է զայն սպաննողը :

— Իր սխալը :

Նաւաստին, զարմանքէն բերանը բացած, նայեցաւ ծերունիին, բայց շուտով անոր յծնքերը ընդունեցին իրենց կատաղի կիտումը :

— Ի՞նչպէս է ձեր անունը, ըսաւ ծերունին :

— Իմ անունը Հալմալօ է, բայց իմ ձեռքով սպաննուելու համար ի՞նչ պէտք կայ անունս գիտնալու :

Այդ բույզին արեւը ծագեցաւ և ճառագայթներէն մէկը ցոլաց անոր ամբողջ երեսին վրայ, լուսաւորելով այդ վայրենի դէմքը : Իսկ ծերունին ուշի ուշով կը զննէր զայն :

Թնդանօթածգուլթիւնը, որ անընդհատ կը շարունակուէր, այժմ, հոգեվարքի ցնցումներու մէջ, երբեմն կ'ընդհատուէր : Ծուխի լայն շերտերը դէպի հորիզոն կը



Պատկ. 19.—Կ'ուզեմ սպաննել ձեզ... (էջ 82)

խոնարհէին: Թիերն այլևս չէին շարժեր նաւաստիին ձեռքերուն մէջ. մակոյկը ձգուած էր իր կամքին:

Նաւաստին իր աջ ձեռքով բռնեց գօտիէն կախուած ատրճանակը, իսկ ձախովը՝ համրելը:

Ծերունին ոտքի ելաւ:

— Դուն կը հաւտամ Աստուծոյ, հարցոց նաւաստիին:

— Հայր մեր, որ յերկինս ես, պատասխանեց վերջինը և խաչակնքեց երեսը:

— Մայր ունի՞ս:

— Այո՛, ըսաւ ան, և երկրորդ անգամ խաչակնքեց երեսն ու յետոյ յարեց.

— Այդպէս ուրեմն, ես քեզ բոսկէ մը ժամանակ կուտամ, տէր իմ:

— Ինչո՞ւ դուն զիս կ'անուանես «տէր իմ»:

— Որովհետեւ դուք տէր էք. ատիկա կ'երեւայ:

— Իսկ դուն ալ տէր ունի՞ս:

— Այո՛, ունիմ և մեծ տէր, միթէ կարելի է առանց տիրոջ ապրիլ:

— Ո՞ւր է անիկա:

— Չեմ գիտեր, անիկա մեկնած է մեր երկրէն. անոր անունը մարքիզ Լանդընաք է, դերկամս ար Ֆօնդընէ, իշխան Պրըթայնի, Սէն Ֆօրէի տէրն է. ես զայն երբէք տեսած չեմ. թէեւ ատիկա շարգիլեր որ ան իմ տէրս ըլլայ:

— Եւ եթէ դուն զայն տեսնելի, պիտի հնազանդէի՞ր:

— Անշուշտ, ես կռապաշտ մը պիտի ըլլայի, եթէ անոր չհնազանդէի: Ամէն մարդ պարտաւոր է հնազանդիլ նախ Աստուծոյ, յետոյ թագաւորին, որ Աստուծոյ փոխանորդն է, և ապա իր տիրոջը, որ թագաւորին փոխանորդն է: Բայց բանը հող չէ. դուք սպաննած էք իմ եղբայրս, պէտք է որ ես ալ ձեզ սպաննեմ:

— Նախ որ, ես զէջ բան չըրի, ըսաւ ծերունին, երբ քու եղբայրդ սպաննեցի, այդպէս հարկաւոր էր:

Նաւաստին իր բռունցքին մէջ սեղմեց ատրճանակը:

— Է՛հ, ուրեմն պատրաստուէ, ըսաւ ան:

— Շատ լաւ, պատասխանեց ծերունին և վեհ հանգարտութեամբ մը հարցուց.

— Բայց ս՛ւր է քահանան:

Նաւաստին զարմացած նայեցաւ անոր:

— Քահանա՞ն:

— Այո՛, քահանան, ես քու եղբորդ համար քահանայ մը նշանակեցի. դուն պարտաւոր ես այժմ միևնոյնը ինձ չմերժել:

— Ո՞ւրտեղէն գտնեմ, միթէ կարելի՞ է բաց ծովի վրայ քահանայ ճարել:

Կռուի սարսափեցուցիչ սրտուճմներու ձայները կը լսուէին դեռ և հետզհետէ կը մարէին հեռաւորութեան մէջ:


— Անոնք, յարեց ծերունին, որոնք այնտեղ կը մեռնին, քահանայ ունին:

— Այդ ճիշտ է, մրմուռաց նաւաստին, նաւին քահանան անոնց մօտն է:

— Դուն իմ հոգիիս կորուստին պատճառ կը դառնաս, շարունակեց ծերունին, և ադ ծանր մեղք է, զոր դուն կը գործես:

Նաւաստին, մտածկոտ, գլուխը կախեց:

— Եւ իմ հոգին կորսնցնելով, յարեց ծերունին, դուն միեւնոյն ժամանակ կը կորսնցնես նաև քու հոգին: Ես քեզ կը մեղքնամ, ըրէ՛, ինչ որ կ'ուզես, միայն իմացիր, որ ես քիչ մը առաջ իմ պարտքս կատարեցի քու եղբորդ նկատմամբ. նախ անոր կեանքը ազատեցի և ապա այդ միեւնոյն կեանքը անկէ առի: Միեւնոյն պարտքը կը կատարեմ ներկայ ըսպէին, երբ կ'աշխատիմ քու հոգիդ կորուստէն փրկել: Լսէ՛, լաւ



Պատկ. 20.— Շատ լաւ պատասխանեց ծերունին... (Էջ. 84)

մտածէ. ինչ որ կ'ըսեմ, քե՛զ կը վերաբերի. այս վայրկեանիս կը լսե՞ս թնդանօթի ձայները, այնտեղ մարդիկ կը մեռնին, այնտեղ յուսահատուածներ կան, որոնք հոգեվարքի մէջ կը տանջուին. այնտեղ կան ամուսիններ, որոնք այլեւս չեն տեսներ իրենց կիներնին. հայրեր կան, որոնք այլեւս չպիտի տեսնեն իրենց որդիները. եղբայրներ կան, որոնք, ինչպէս դուն, չպիտի տեսնեն այլեւս իրենց եղբայրը, և ո՞վ է մեղաւորը, — մեղաւորն է քու եղբայրդ: Դուն կ'ըսես թէ կը հաւատաս Աստուծոյ, այնպէս չէ՞, է՛ն, լսէ՛ ուրեմն, դուն գիտես, որ քու Աստուածդ այժմ կը չարչարուի: Կը չարչարուի Աստուած, երբ իր որդին՝ մեր Ֆրանսայի ամենաքրիստոնեայ թագաւորը, որ մանուկ է դեռ, ինչպէս մանուկ Յիսուսը, բայց թամբը աշտարակի բանտին մէջ կը հիւժի: Կը չարչարուի Աստուած, երբ իր եկեղեցին Պրոթաների մէջ անտիրական կը մնայ: Կը չարչարուի Աստուած, երբ անոր մայր եկեղեցիները կը սրբապղծուին, երբ անոր աւետարանները կը պատուուին, երբ անոր ազօթատեղիները կը բռնաբարուին: Կը չարչարուի Աստուած, երբ կ'սպաննեն անոր քահաները: Մենք ի՞նչ էինք որչեր ընելու այդ նաւով, որ այս վայրկեանին մահուան և կեանքի յուսահատական կռիւը կը մղէ. — մենք պիտի օգնէինք Աստուծոյ: Եթէ քու եղբայրդ լաւ ծառայէր, եթէ ան, ինչպէս խելացի և օգտակար մարդ, բարեխիղճ կերպով կատարէր իր պարտականութիւնը, այն ժամանակ թնդանօթին դժբաղդութիւնը տեղի չէր ունենար. քօրվէրը աւերմունքի չէր մասնուէր, իր ճամբէն հա չէր մնար և այս կորուստաբեր նաւատորմին ճանկը չէր իյնար: Այժմ մենք Ֆրանսայի ցամաքը ելած կ'ըլլայինք. մենք բոլորս՝ պատերազմի մէջ և ծովի վրայ քաջ հանդիսացած զինուորներս, սուրբ ձեռքերնիս, սպիտակ գրօշակը պարզած, բազմաթիւ, գոհ սրտով, օգնութեան կը հաս-

նէինք Վանդէյցի գիւղացիներուն, որպէսզի փրկէինք ձրանսան, փրկէինք թագաւորը, փրկէինք Աստուած. ահա թէ ի՛նչ էինք որոշեր ընելու և անպատճառ կ'ընէինք. ահա թէ ի՛նչ պիտի կատարեմ այսուհետև ես՝ այսպէս միայնակ մնացած: Բայց դուն ինծի թոյլ չես տար, կը հակառակիս: Այս կռուին մէջ, երբ անզգամները կը մարանչին քահանաներու դէմ, երբ արքայասպանները կը մարտնչին թագաւորին դէմ, երբ սատանան կը մարտնչի Աստուծոյ դէմ, այս կռուին մէջ դուն սատանային կողմը կը բռնես: Քու եղբայրը սատանայի առաջին օգնականը դարձաւ, այժմ դուն երկրորդը կը դառնաս. ան սկսաւ սատանային գործը, այժմ դուն կը վերջացնես: Դուն կ'օգնես արքայասպաններուն՝ գահի դէմ, դուն կ'օգնես անկրօններուն՝ եկեղեցիի դէմ, դուն կը խլես Աստուծոյ ձեռքէն անոր փրկութեան վերջին միջոցը, երբ չես թողուր ինձ — ես՝ որ թագաւորին ներխայցուցիչն եմ, — դուրս գալու այնտեղ, Վանդէ: Գիւղերը պիտի այրուին առաջուան պէս, ընտանիքները պիտի ողբան, քահանաները արիւնաներկ պիտի ըլլան, Պրըթայնը պիտի տանջուի, թագաւորը բանտին մէջ պիտի հիւծի և Յիսուս Քրիստոսի հաւատքը վտանգի պիտի ենթարկուի և ո՞վ պիտի ըլլայ այս բուրքին պատճառը, — դո՛ւն պիտի ըլլաս: Գնա ըրէ՛, ինչ որ կը մտածես, ես կը հաւատայի որ դուն հակառակը պիտի ընես և չարաչար կը սխալէի:

Այո՛, ատ ձիշտ է, դուն իրաւունք ունիս, ես սպաննեցի քու եղբայրդ: Քու եղբայրդ նախ քաջութիւն ցոյց տուաւ, ես վարձատրեցի զայն, յետոյ ան յանցաւոր գտնուեցաւ, ես պատժեցի զայն. անիկա մտուցաւ իր պարտականութիւնը, բայց ես չմոռցայ իմը՝ պատժել պարտազանցը. ինչպէս որ ըրեր եմ, այնպէս ալ պիտի ընեմ: Կ'երդնում մեծ սրբունի Աննա ա՛Օրէի անունով՝ որ այժմ մեզ կը տեսնէ, թէ այսպիսի պա-

րագաներու մէջ ինչպէս հրացանի բռնել տուի քու եղբայրդ, այնպէս ալ անպատճառ հրացանի բռնել կուտայի իմ հարազատ որդիս: Այժմ ոյժը քու ձեռքդ է. ըրէ, ինչ որ կ'ուզես, բայց ես քեզ չեմ կարող չնախտել. երբ դուն նաւապետին տուած խոստումիդ այդպէս ուխտադրուժ կ'ըլլաս: Դուն քրիստոնեայ ես, բայց հաւատք չունիս. դուն Պրըթօն ես, բայց պատիւ չունիս: Ես վստահեցայ քեզ, իբրև պարտաճանաչ մարդու, բայց դուն մատնութեամբ կը վարձատրես այդ վստահութիւնը: Դուն խոստացար պանպանել իմ կեանքս անոնց համար, որոնք անհամբեր կը սպասեն. այժմ իմ կեանքիս տեղ դուն իմ մահս կ'առաջարկես անոնց: Գիտե՛ս այստեղ մեզմէ ո՞րը կը կորսուի, դո՛ւն: Դուն թագաւորին ձեռքէն կը խլես իմ կեանքս, իսկ ատով ինքզինքդ դժոխքի անվերջ տանջանքներուն կը դատապարտես: Գնա՛, գործադրէ այդ քու մտադրած ոճիրներդ. յնաս չունի, որ դուն այնքան աժան գնով կը ծախես քու ապագայ արքայութիւնդ: Եւ քու շնորհիւդ սատանան պիտի յողթանակէ, քու շնորհիւդ եկեղեցիները պիտի կործանին, քու շնորհիւդ անհաւատները պիտի շարունակեն եկեղեցիի զանգակներէն թնդանօթներ ձուլել, և այդ հոգիի փրկութեան կոչնակները, մահաբեր գործիքներու վերածուած, գնդակներ պիտի տեղան մարդոց վրայ: Ներկայ բոլէին, երբ ես այստեղ կը խօսիմ, ուրիշ տեղ մը գուցէ, այն զանգակը, որով քու մկրտութիւնն են աւետած, այսօր այդ զանգակը, թնդանօթ դարձած, կը սպաննէ քու մայրդ: Սակայն դուն գնա օգնութեան հասիր սատանային, երբեք մի՛ վարանիր. նորէն կը կրկնեմ, ես քու եղբայրդ մահուան դատապարտեցի, բայց իմացի՛ր, որ ես գործիք մըն եմ Աստուծոյ ձեռքին մէջ: Օ՛հ, դուն քեզ թոյլ կուտաս քննադատել Աստուծոյ ըրածը, ուրեմն դուն կը համարձակիս դատել այն կայծակը, որ եր-

կինքի մէջ կը թագաւորէ, թշուա՛ռ արարած, չէ՞ որ ան պիտի դատէ քեզ: Զգոյշ եղիր, իմացիր թէ ի՞նչ կ'ընես: Դուն վստա՛հ ես, որ ես այժմ բոլորովին պատրաստ եմ մահուան և կ'արժանանամ Աստուծոյ ներողութեան: Սակայն դուն բոլորովին ազատ ես, կարող ես ինձ և քեզ ալ ինծի հետ դժոխք տանիլ, մեր երկուքիս դատապարտութիւնը այժմ քու ձեռքիդ մէջ է և Աստուծոյ դուն պիտի պատասխան տաս: Անա մենք անդունդին վրայ բոլորովին միայնակ իրարու դէմ կանգնած ենք, շարունակէ, վերջ տուր, ես ձերունի եմ, դուն երիտասարդ, ես անզէն եմ, դու զինուած, սպաննէ՛ զիս:

Երբ ձերունին, ոտքի կանգնած կ'արտասանէր այս խօսքերը այնպիսի բարձր ձայնով, որ կը խլացնէր ալիքներու աղմուկը, կոհակներու օրօրումները զայն երբեմն դէպի ներքև՝ ստուերին տակը կը տանէին, երբեմն դէպի վերև՝ լոյսին մէջ կը հանէին: Նաւաստին կապուտցած էր. քրտինքի մեծ կայլակները կը սահէին անոր ճակատին վրայէն: Տերեւի նման կը դուրար ան և մեքենաբար երբեմն կը համբուրէր իր համրիչը:

Երբ ձերունին խօսքը վերջացուց, ան ատրճանակը մէկդի նետեց և ծունկ չռքեցաւ:

— Ողորմեցէ՛ք, տէր իմ, ներեցէ՛ք ինձ, պոռաց, դուք Աստուծոյ պէս կը կը խօսիք, ես մեղաւոր եմ, եղբայրս ալ նոյն պէս մեղաւոր էր: Ես ամէն բան պատրաստ եմ ընելու, միայն թէ քուեմ անոր մեղքը. իշխեցէ՛ք իմ վրայ, հրամայեցէ՛ք ինծի, ես հնազանդ եմ:

— Ես կը ներեմ քեզ, ըսաւ ձերունին:

Բ.

## ԳԻՒՂԱՅԻՒՆ ՅԻՇՈՂՈՒԹԻՒՆԸ ԶՕՐԱՊԵՏԻՆ ԳԻՏՈՒԹԻՒՆԸ Կ'ԱՐԺԷ

Մակոյկին մէջ դրուած պաշարները գործածուեցան: Երկու փոխստականները ստիպուած ըլլալով ծովին վրայ երկայն դարձուածքներ կատարել, երեսուն և վեց ժամ յետոյ միայն կրցան ծովեզերք հասնիլ: Ամբողջ դիշեր մը անոնք ծովի վրայ անցուցին, բայց այս դիշերը խաղաղ և գեղեցիկ էր թէև պայծառ լուսինը այնքան ցանկալի չէր այդ մարդոց համար, որոնք կ'աշխատէին պահուրտիլ:

Առաջ անոնք ստիպուեցան հեռանալ Ֆրանսայէն և ուղղուելով դէպի շէրսի՝ բաց ծովը ելլել:

Հրաբորբք Քօրվէզին ժայթքած անեղ թնդանօթաձգութիւնը կը հասնէր անոնց ականջին, կարծես անտառին մէջ որսորդներէ սպաննուած առիւծի վերջին մունչիւնը ըլլար: Քիչ յետոյ կատարեալ լուսթիւն թագաւորեց ծովին վրայ:

Լա Կոյեյուօ՝ Քօրվէզը մեռաւ այնպէս, ինչպէս մեռաւ Լը Վանմեոյ զրահաւորը, սակայն առանց փառքի, սրովհետեւ իր հայրենիքին դէմ մարանչօղը երբէք հերոս չէ:

Հալմալօ հիւանալի նաւաստի էր. ճարպիկութեան և հնարագիտութեան հրաշքներ կատարեց: Խուժերու, ալիքներու և թշնամիի մէջէն այդպէս ճամբայ բանալը

արդարեւ արժանի էր ամէն զարմանքի: Հովը իջած էր և ծովը հանդարտած:

Հալմալօ խուսափեցաւ հանդիպելու Քօ տը Մէնկիէ: Ծօսէ օ Բէօի շուրջը շրջան կատարեց և այնտեղ ալ կանգ առաւ որպէսզի քանի մը ժամ հանգիստ ընեն այն փոքրիկ ծովախորշին մէջ, որ կը կազմուի անոր հիւսիսային կողմը, տեղատուութեան ժամանակ: Հանգիստ ընելէ յետոյ դէպի հարաւ թիավարելով՝ այնպիսի հնարքով անցաւ Կրանվիլի և Ծօսէ կղզիներու մէջէն, որ ոչ մէկուն և ոչ միւսին փարօսներէն ոչ ոք չնշմարեց զայն: Յետոյ մակոյկը ուղղեց դէպի Սէն-Միշէլի ծովախորշը: Այս քայլը շատ համարձակ էր, որովհետեւ Սէն-Միշէլ մօտ էր Մանկալին, ուր խարխուսի ձգած էին ֆրանսական յաժանաւերը:

Երկրորդ օրը, իրիկունն, արեւին մայրը մտնելէն ժամ մը առաջ, ան իր ետեւը թողուց Սէն-Միշէլ լեռը և դէպի ցամաք յառաջանալով՝ մօտեցաւ ծովեզերքին այնպիսի մէկ տեղը, որ միշտ ամայի է, որովհետեւ աւազի մէջ խրուելու վտանգ կայ:

Քարերախտաբար մակընթացութիւնը շատ բարձր էր:

Հալմալօ, բոլոր ուժովը, մակոյկը դէպի առաջ՝ եզերքը մղեց, շօշափեց աւազուտ յատակը, հասկցաւ որ հաստատուն է, նաւակը անոր մէջ խրեց և ինքը ծովեզերք գատկեց: Անոր ետեւէն դուրս ելաւ ծերունին ալ ու հետազննեց հորիզոնը:

— Տէր իմ, ըսաւ Հալմալօ, անա մենք կը դրտնուինք Կուէնօն գետաբերնին մօտ: Անա Պօպուարը՝ ձախակողմը, անա Հիւին աջակողմը, իսկ մեր դիմացը բարձրացող զանգակատունը, Արտըլօն է:

Ծերուկը ծռեցաւ դէպի մակոյկը, առաւ չոր հաց մը, դրաւ իր գրպանը և Հալմալօին դառնալով ըսաւ.

— Վերցուր մնացածը:

Հալմալօ հաւաքեց մնացած միսը, չոր հացը լեցուց պարկի մը մէջ, սարկը ուսը առաւ և դառնալով ծերունիին.

— Տէր իմ, ըսաւ, ի՞նչ պէտք է ընեմ այժմ, առաջնորդե՞մ թէ հետեւի՞մ ձեզ:

— Ոչ մէկը, ոչ միւսը:

Հալմալօ ապուշ կտրած նայեցաւ ծերունիին:

— Մենք պէտք է այժմ բաժնուինք, Հալմալօ, մեր երկուքին միասին ըլլալը ազէկ չէ. պէտք է կա՛մ հազար հոգի ըլլալ կամ մէկ հոգի:

Այստեղ ծերունին լռեց և իր գրպանէն կանաչ մետաքսէ գործուած ժապաւէն մը հանեց: Բաւական նման էր քօքարդի և կեղրոնը ասեղնադործուած էր շուշանի սկիւայ ծաղկանկարը:

— Կարգալ գիտե՞ս:

— Ոչ:

— Աւելի լաւ. կարգալ գիտցողը անյարմար կ'ըլլար: Յիշողութիւնդ սո՛ւր է:

— Այո՛:

— Ծատ լաւ, լսէ ուրեմն, Հալմալօ: Դուն դէպի աջ կողմը կը բռնես, իսկ ես դէպի ձախը: Ես կ'երթամ Ծուժէրի կողմէն, իսկ դուն Բազուզի կողմէն: Պահէ այդ պարկը, որ քեզի գիւղացիի կերպարանք կուտայ, ծածկէ զէնքերդ և ցանկապատի հանդիպած ատենդ քեզի համար ձեռնափայտ մը կտրէ: Սողոսկէ բարձրահասակ վարսակներու արտերու մէջէն, սահէ պատերու ետեւէն, ցատկէ ցանկապատերու վրայէն և գնա դաշտերու մէջէն. հեռու կեցիր անցորդներէն, խուսափէ ճամբաներէ և կամուրջներէ, մի՛ մտնիր Բօնաօրսօն. բայց չէ՞ որ դուն պիտի կտրես անցնիս Քէնօն գետը, ի՞նչպէս պիտի ընես:

— Լողալով կ'անցնիմ:

— Շատ լաւ, ասկէ դատ այդ գետին մէջ ծանծա-  
ղուտ մը կայ, գիտն՞ս ո՛ւր կը գտնուի:

— Այո՛, Անտէր և Վիէօ Վիէշի մէջ:

— Այո՛, այդպէս է. ճշմարիտ է որ դուն տեղացի ես:

— Բայց շուտով գիշեր կ'ըլլայ, ո՛ւր պիտի գիշե-  
րէք:

— Իմ մասին թող որ ես մտածեմ, բայց դուն ո՞ր-  
տեղ պիտի գիշերես:

— Ատոր համար մամուռներ կան, ես նաւաստի  
ըլլալէ առաջ գիւղացի եղած եմ:

— Մէկդի նետէ քու այդ նաւաստիի գլխարկդ, որ  
կարող է քեզ մատնել, աւելի լաւ կ'ընես որ գիւղական  
գդակ մը գտնես:

— Օ՛հ, այդպիսի գդակներ ամէն տեղ կարելի է  
ձարել. առաջին հանդիպած ձկնորսէն կարելի է գնել:

— Շատ լաւ, լսէ՛ այժմ, դուն լաւ կը ճանչնաս  
անտառները:

— Բոլորը:

— Ամբողջ երկրին մէջ:

— Այո՛, սկսած Նուարմուտիէէն մինչեւ Լավաշ:

— Գիտն՞ս նոյնպէս անոնց անուաները:

— Գիտեմ թէ՛ անտառները, թէ՛ անոնց անուաները,  
բոլորը գիտեմ:

— Ոչինչ չե՞ս մոռնար:

— Ոչինչ:

— Շատ լաւ, այժմ լսէ՛ ուշադրութեամբ: Օրական  
ո՞րչափ մղոն ճամբայ կրնաս անցնել:

— Տասը, տասը շինգ, տասըութ, եթէ միայն  
պէտք ըլլայ, մինչեւ անգամ քսան մղոն:

— Այո՛, կ'երեւի այդքան ալ պէտք կ'ըլլայ: Բառ  
մը մինչեւ անգամ չմոռնաս այն խօսքերէն, զոր այժմ  
պիտի ըսեմ քեզ: Գուն կ'երթաս Սէնդ-Օպէնի անտառը:

— Որ կը գտնուի Լանսպալի մօտ:

— Ճիշտ այդ, այդտեղ Սէն-Ռիէօլի և Բլէդէլիաքի  
մէջտեղ բացուող ձորակին եզերքը կը գտնուի մեծ շա-  
գանակենի մը, դուն այնտեղ կանգ կ'առնես, բայց ոչ  
զօք չես տեսներ:

— Բայց ատիկա չարգիլեր որ այնտեղ որ և է մէկը  
պահուրտած ըլլայ, ես այդ գիտեմ:

— Գուն ճայնով նշան պիտի տաս. գիտն՞ս ի՞նչ-  
պէս ճայնով նշան կուտան:

Հալմալօ իր թուշերը ուռեցուց, երեսը ծովին կողմը  
դարձուց և բուռի վո՛յվո՛յոցը հնչեցուց: Այդ վո՛յոցը  
այնքան նման էր և այնքան չարագուշակ որ, կարծես  
գիշերային խորութիւններէն դուրս կուգար:

— Շատ լաւ, դուն ատիկա լաւ գիտես. այս ըսե-  
լով ձերունին մետաքսէ ժապաւէնը Հալմալօին երկըն-  
ցուց:

— Ա՛ռ, անա քեզ իմ հրամանատարութեանս նշանը.  
պէտք է որ դեռ ոչ ոք չիմանայ իմ անունս, բայց այս  
ժապաւէնը բաւական է: Այդ շուշանի սսկեայ ծաղկա-  
նկարը հիւսած է թագաւորին աղջիկը Թամբլի բան-  
տին մէջ:

Հալմալօ ծունկը գետին դրաւ և դողդողալով ըն-  
դունեց շուշանանկար ժապաւէնը, մօտեցուց իր շըր-  
թունքներուն, բայց յանկարծ կանգ առաւ, սարսափե-  
լով զայն համբուրելէ:

— Կարո՞ղ եմ համբուրել, հարցուց:

— Կարող ես, չէ՞ որ դուն կը համբուրես խաչը:

— Հալմալօ համբուրեց Շուշանի ծաղկանկարը:

— Վեր ել, ըսաւ ձերունին:

Հալմալօ ելաւ և ժապաւէնը ծրարեց ու ծոցը դրաւ:

— Լսէ՛ ուշադրութեամբ, կրկնեց ձերունին, անա՛  
քեզ իմ հրամանս, որ պիտի յայտնես անոնց. — ապըս-  
տամբեցէ՛ք, մի՛ խնայէք երբէք:

Այսպէս ուրեմն Սէնդ-Օպէնի եղերքէն դուն ձայնով նշան պիտի տաս. երեք անգամ կը կանչես. երրորդ կանչելուդ մարդ մը գեանի տակէն դուրս կուգայ :

— Ես գիտեմ, ան դուրս կուգայ ծակէ մը, որ կը գանուի ծառերու մէջ :

— Այդ մարդուն անունը Պլանշըլօ է, զայն կը կոչեն նաև « Թագաւորի-Սիրտ » (Cœur de Roi). անոր ցոյց տուր այս ժապաւէնը, ան խելոյն կը հասկնայ ամէն բան : Յետոյ քու հնարած ճամբաներով մեկնէ դէպի Ասդիէի անտառը, այնտեղ դուն կը գանես ծած ոտքերով մարդ մը, որուն մականունն է Մուսքոն. ան ոչ ոքի ողորմել չգիտեր. անոր ըսէ՛ որ ես զայն կը սիրեմ և թէ խելոյն շուտափոյթ ոտքի թող հանէ իր բոլոր թեմերու ամբողջ ազգաբնակութիւնը : Յետոյ կը մեկնիս Քէպօնի անտառը, որ Բլօրմէլէն մղոն մը հեռու է. այդ տեղ դուն կը կանչես բուի նման և քու ձայնիդ վրայ մարդ մը ծակէ մը դուրս կուգայ, ադ պարոն Դիւօն է, անդամ եղած է Սահմանադիր Ժողովին, բայց աջակողմեան կուսակցութեան կը պատկանի. լաւ մարդ է, դուն անոր կ'ըսես որ սպառազինէ Քէպօնի ամբողջը, որ այժմ Ֆրանսայէն տարազիր մարքիզ Կիւէրին կը պատկանի : Այդտեղ շատ յարմար է պաշտպանուելու համար, — ամէն քայլափոխին ձորեր, փոքրիկ անտառներ և անհարթ գետին : Իսկ պարոն Դիւօ շատ ուղղամիտ և խելացի մարդ է : Այդտեղէն կը մեկնիս դէպի Սէն-Կիւէնլէ-Դուա և այնտեղ կը հանդիպիս Ժան-Շուանին. Վանտէի համար ես զայն կը համարեմ արժանաւոր առաջնորդ : Յետոյ կը մեկնիս Վիլ-Անկլօսի անտառը և այնտեղ կը տեսնես Կիզդէն. զայն կը կոչեն նոյնպէս Սէն-Մարդէն. անոր ըսէ՛ որ հսկէ Կուլմընիլի վրայ. ան ձերունի Կուբիլ աը Բրէֆէլնի փեսան է և Արժունդանի ժաքօպէններու առաջնորդը : Այս բոլոր ըսածս լաւ յիշէ, ես ոչինչ չեմ գրեր, որովհետև այսպիսի ժամա-





Պատկ. 22.— Ի՛նչ Գեղարխու սևիգան մը ևս... (Էջ 95)

նակ ոչինչ պէտք չէ գրել : Լա Ռուարի միայն թերթ մը բան գրեց, բայց այս թերթը ամէն բան ջուրի տակ տարաւ : Յետոյ դուռն կը մեկնիս դէպի Ռուտըֆէօ անտառը. այնտեղ կը գտնես Միէլէտին, որ երկար ձողերու վրայ յենած ձորերու վրայէն կը թռչի :

— Մենք ատիկա կ'անուանենք ֆերդ (ferte):

— Զայն դործածել զիտե՞ս :

— Ի՞նչպէս կարելի է Պրըթօն ըլլալ, ի՞նչպէս կարելի է գիւղացի ըլլալ և այդ ֆերդը դործածել չգիտնայ. ֆերդը մեր ընկերն է, ան կը մեծցնէ մեր բազուկները և կ'երկարէ մեր սրունքները :

— Ս.յոնքն թէ ան կը փոքրցնէ թշնամին և կը կարճեցնէ ճամբան :

— Իմ ֆերդովս անգամ մը ես զիմադրեցի մաքսատան երեք վերակացուներուն, որոնք զինուած էին սուրերով :

— Ատիկա ե՞րբ եղաւ :

— Տասը տարի առաջ :

— Թագաւորին իշխանութեան ժամանակ :

— Այո՛ :

— Ուրեմն դուռն թագաւորին ժամանակ կուուս՞ծ ես :

— Այո՛ :

— Որո՛ւ դէմ՞ :

— Աստուած վկայ, չգիտեմ թէ որո՛ւ դէմ, ես աղի մաքսանենդ էի :

— Լա, ոչինչ :

— Մեզի համար ատիկա կը նշանակէ կուուիլ աղի մաքսին դէմ. աղի սուրքը, միթէ միեւնոյն բանն է, ինչ որ է թագաւորը :

— Այո՛, բայց ոչ. պէտք չէ որ դուռն ամէն բան հասկնաս :

— Ներողութիւն կը խնդրեմ տիրոջմէս, որ ես անոր այսպիսի անվայել հարցում մը ըրի :

— Շարունակենք, յարեց ծերունին, Դուրկը գիտե՞ս :

— Ի՞նչպէս չգիտնալ Դուրկը, չէ՞ որ ես այնտեղէն եմ:

— Ի՞նչպէս:

— Այո՛, որովհետեւ ես Բաղինիէէն եմ:

— Արդարեւ, Բաղինիէ Դուրկին զբացի է:

— Ե՞ս, չգիտնամ Դուրկը, այն մեծ բոլորակ գրգռեալը, որ մեր տէրերուն տոհմական սեպհականութիւնն է: Երկաթէ մեծ դուռ մը կայ, որ դղեակին նոր մասը հինէն կը բաժնէ. և թնդանօթով անգամ անկարելի է ետ մղել զայն: Անոր նոր շինուած մասին մէջ կը գըտնուի Սուրբ Բարթուղիմէուի մասին գրուած հուշակաւոր գիրքը, զոր հետաքրքիր մարդիկ շարունակ տեսնելու կուգան: Խոտը գորտերով լեցուն է, կը յիշեմ, որ փոքրիկ հասակիս մէջ այդ գորտերուն հետ խաղացած եմ: Իսկ ստորերկրեայ անցքը: Ես գիտեմ թէ որտեղ է ան: Գուցէ ինձմէ զատ ուրիշ մարդ չգիտէ ատիկա:

— Ո՞ր ստորերկրեայ անցքը, չգիտեմ թէ ի՞նչ կ'ուզես ըսել:

— Այդ անցքը շինուած է առաջները: Այն ժամանակները, երբ Դուրկը կը պաշարուէր, ներսի բնակիչները կարող էին ազատիլ այդ ստորերկրեայ անցքի մէջէն, որու ծայրը անտառին մէջ կը բացուէր:

— Ծշմարիտ, այդպիսի ստորերկրեայ անցքեր կը գտնուին նախ Փիւպէյէրի դղեակին, ապա Հիւնօդէի դղեակին և Շամպէրնի աշտարակին տակ, բայց այդպիսի բան Դուրկի մէջ երբէք չկայ:

— Ընդհակառակը, տէր իմ, ես չեմ գիտեր այն ստորերկրեայ անցքերը, որոնց մասին իմ տէրս կը խօսի այժմ. գիտեմ միայն Դուրկի անցքը, որովհետեւ տեղացի եմ: Եւ կարծեմ ինձմէ զատ ոչ ոք չգիտէ այդ անցքը: Արգիլուած էր ատոր մասին խօսիլ, որովհետեւ այս անցքը պարոն սը Ռօանի պատերազմի ժամանակ մեծ ծառայութիւն մատուցած էր: Հայրս գիտէր այս

գաղտնի ճամբան և ինքը ինձի ցոյց տուաւ ներս մտնելու և դուրս ելնելու գաղտնիքը, այնպէս որ ես կարող եմ անտառէն աշտարակը մտնել և աշտարակէն անտառը երթալ, առանց ուրիշէն դիտուելու: Եւ եթէ թշնամին աշտարակը առնէ, մէջը ոչ ոք չի գտնուիր: Ահա թէ ինչպիսի բերդ է այս Դուրկը. օ՛, ես զայն շատ լաւ կը ճանչնամ:

Ծերունին բոպէ մը լուռ մնաց:

— Հաւանական է, որ դուն կը սխալիս. եթէ այդպիսի գաղտնիք մը ըլլար, ես անպատճառ կը գիտնայի:

— Ես բոլորովին վստահ եմ, տէր իմ, այն տեղքար մը կայ, որ մէկդի կ'առնուի և մուտքը կը բացուի:

— Է՛հ, լաւ, դուք գիւղացիներդ կը հաւատաք թէ քարեր կան՝ որոնք այդպէս կը բացուին, քարեր ալ կան՝ որոնք կ'երգեն, մը երրորդ տեսակի քարեր գիշերները կ'երթան մօտակայ առուակէն ջուր խմելու. ալ ի՞նչ ըսեմ. հազար ու մէկ այսպիսի հեքեմքներ:

— Բայց չէ՞ որ ես ինքս անձամբ այդ քարը մէկդի առեր եմ:

— Ծիշտ այնպէս, ինչպէս ուրիշներն ալ անձամբ լսած են քարերուն երգելը: Դուրկը ապահով և անառիկ ամբողջ մըն է. զայն թշնամիին դէմ պաշտպանելը դիւրին է. բայց յոյս դնել ստորերկրեայ անցքի մը վրայ, ատիկա միամտութիւն կ'ըլլար:

— Սակայն, Տէր իմ...

Ծերունին ուսերը թօթվեց:

— Թող որ մեր գործերուն մասին խօսինք, պէտք չէ ժամանակը կորսնցնել: Ծերուկը այնպիսի վճռական շեշտով արտասանեց այս խօսքը, որ կոտրեց Հալմալօի յամառութիւնը:

— Շարունակենք, յարեց ծերունին, Ռուժ-Ֆօէն դուն կ'երթաս Մօնըվրիէ անտառը, ուր կը գտնուի հայր Պէնէտիսիանէ՝ երկու տասնեակներու պետը. ան

լաւ մարդ է, գիտէ « Հայր մեր » ըսել և միեւնոյն ժամանակ հրացանի բռնել տալ իր թշնամիները: Այդպէս ալ պէտք է. պատերազմի ժամանակ պէտք չէ զգալուն դառնալ: Մօնչը վրիէէն դուն կը մեկնիս...

Այստեղ ընդհատեց իր խօսակցութիւնը:

— Քիչ էր մնացեր, որ դրամը մտնայի: Այս ըսելով՝ գրպանէն հանեց քսակ մը և թղթապանակ մը ու Հալմալօի ձեռքը դրաւ:

— Ահա քեզ այդ թղթապանակին մէջ երեսուն հազար Ֆրանքի թղթադրամ, մօտաւորապէս երեք լիրա և տաս սու հնչուն դրամ: Պէտք է խոստովանիլ, որ թղթադրամները կեղծ են, բայց միեւնոյն է. իսկականներն ալ աւելի չեն արժեր: Իսկ այս քսակին մէջ, լսէ՛, հարիւր ոսկի լուի կայ, բոլորը, ինչ որ ունիմ, քեզ կուտամ, որովհետեւ ինձ այստեղ ոչինչ պէտք չէ: Բացի ատկէ, աւելի լաւ է որ իմ վրայ դրամ չգտնուի: Այժմ շարունակենք մեր ընդհատած խօսակցութիւնը: Մօնչը վրիէէն դուն կ'երթաս դէպի Անտրէն, ուր կը տեսնես պարոն տը Ֆրօտտէն. Անտրէնէն կ'երթաս Ժիւպէյիէր և այստեղ կը տեսնես պարոն տը Ռօշըքօղը: Ժիւպէյիէրէն կ'երթաս Նուարիէօ, ուր կը տեսնես Արթա-Բօղուէնը. կարճ էս այս բոլորը յիշել:

— Ինչպէս « Հայր մեր »ը:

— Յետոյ Մէն-Պրիս-ան-Կօզլի մէջ կը տեսնես պարոն Տիւպուա Կիւր, իսկ պարոն տը Թիւրպէնը կը տեսնես Մօրանի մէջ, որ ամբացած բերդաքաղաք մըն է, իսկ իշխան տը Թալմօնը կը տեսնես Շաթօ-Գօնտիէի մէջ:

— Եւ միթէ իշխան մը պիտի զիջանի՞ ինձ հետ խօսիլ:

— Ես ինչպէս քեզի հետ կը խօսիմ:

Հալմալօ գլխարկը հանեց:

— Ամենքը քեզ լա՛ւ պիտի ընդունին, միայն դուն անոնց ցոյց կուտաս այս շուշանի ծաղկանկարը՝ գոր-

ծուած թագաւորի աղջկան մատներով: Մի՛ մոռնար, որ դուն պէտք է երթաս այնպիսի տեղեր, ուր կը գտնուին լեռնականներ և հանրապետական շուներ: Այդպիսի տեղերու մէջ դուն պէտք է ծպտուած ճամբորդես: Ատիկա շատ դիւրին է. այս հանրապետականները այնպիսի յիմար անասուններ են, որ բաւական է միայն հագնիլ կապոյտ շապիկը, գլուխը դնել գլխարկը իր երեք ցցուած եղջիւրներով և ճակտի վրայ փակցնել եռադայն քօքարդը և ամէն տեղ կարելի է մտնել ելնել: Ատոնց մէջ ոչ զօրագունդ մնացած է այլեւս և ոչ համազգեստ. զօրաբաժինները թուահամարներ չունին, ամէն մէկը ուզածը կը հագնի:

— Այդպէս ուրեմն, դուն կը մեկնիս դէպի Սէն-Մէրվէ, այստեղ կը տեսնես Գօլիէն, զոր նոյնպէս կը կոչեն Կրան-Բիէր: Այստեղէն կը մեկնիս Բաթնէի զօրաբանակը, ուր հաւաքուած են երեսները սեւցուցած մարդիկ. անոնք գնդակներու տեղ խճաքարերով լեցուցած են հրացանները և կրկին քանակութեամբ վառօդ կը գործածեն, որպէսզի ալմուկը աւելի ուժգին ըլլայ, և շատ լաւ կ'ընեն: Բայց դուն յատկապէս պատուիրէ սպաննե՛լ, սպաննե՛լ, սպաննե՛լ: Յետոյ դուն կ'երթաս դէպի Վաշ-Նուարի բանակատեղը, որ կը գտնուի բարձր դիրքի մը վրայ Շարնի անտառին կեդրոնին մէջ: Ապա կարգով կ'այցելես Ալուան, Կրան-Բօրդաթ, զոր նոյնպէս կը կոչեն Հօ-աիւ-Բրէ: Այստեղ կը ընտելի այրի մը, որուն աղջիկը ամուսնացած է Պրըթօնի, կամ ինչպէս կը կոչեն դայն, Անգլիացիի մը հետ: Կրան-Բօրդաթը Բէլէնի ծուխին մէկ մասը կը կաղմէ: Յետոյ կ'այցելես Էրինէօ-լը-Շըվրէօյին, Սիէ-լը-Կիւլօմին, Պարամին և վերջապէս այն բոլոր մարդոց, որոնք ցրուած են բոլոր անտառներու մէջ: Ամէն տեղ դուն բարեկամներ կը գտնես և զանոնք կը ճամբես դէպի վերին և Ստորին Մէնի անտառները: Դուն կը տեսնես Ժան-Գրրտօնը,

Վէժի ծուխի մէջ, Ման-Ռըկրէն՝ Պինիօնի մէջ, Շանպօրը՝ Պօնչանի մէջ: Բօրպէն եղբայրները՝ Մէզօնսէլի մէջ և լը Բըթի-Սան-Բէժօնը՝ Սէն-Փան-Սիւր-Էրօլի մէջ. վերջինս նոյնպէս կը կոչուի Պուրտուառօ: Երբ կատարես այս բոլոր յանձնարարութիւնները, երբ հաղորդես իմ հրամանս « ազատմանցէ՛ք, մի՛ խնայէք երբէ՛ք »՝ այն ժամանակ կուգաս կը գտնես մեծ բանակը՝ կաթոլիկ և արքայական բանակը՝ այնտեղ, ուրտեղ այն ժամանակ զետեղուած կ'ըլլան: Գուն կը տեսնես Պ. Պ. աիշլպէն, տը Լէնկիւրը, տը լա Ռօշէ Փաքըլէնը, Եթէ միայն անոնք մինչև ջու տեսնելը կենդանի մնացած ըլլան: Տոյց տուր անոնց իմ հրամանատարական ժապաւէնս, անոնք կը հասկնան բոլորը: Գուն հասարակ նաւաստի մըն ես, բայց ատիկա նշանակութիւն չունի: Բաթըլլինօն ալ նոյնպէս հասարակ կառապան է: Իմ կողմէս անոնց կ'ըրես. « ժամանակ է սկսելու միանգամայն երկու պատերազմ, մեծ և փոքր պատերազմ. առաջինը շատ ազմուկ կը հանէ, երկրորդը շատ նեղութիւն կը պատճառէ: Վանտէի մէջ պատերազմիլը լաւ է, բայց Շվանըրի մէջ աւելի գէշ է. քաղաքային պատերազմի մէջ ամէնէն լաւը միշտ ամէնէն գէշն է, պատերազմի լաւութիւնը կը չափուի միշտ անոր հասցուցած գէշութեան քանակութեամբ:

Այստեղ ծերունին նորէն ընդհատեց իր խօսքը:

— Հայմալօ, ես քեզ ըսի այն ամենը, ինչ որ պէտք էր: Գուցէ չես հասկնար խօսքերուս առանձին իմաստը, բայց կը հասկնաս թէ գործը ի՛նչ է: Այն ճարտարութիւնը, զոր ես տեսայ քու վրայ՝ մակոյկը վարելու ատենդ, ինձ վստահութիւն կը ներշնչէ: Գուն երկրաչափութիւն չես գիտեր, բայց ծովի վրայ զարմանալի շարժումներ կը կատարէիր քու մակոյկովդ: Նաւակի լաւ թիաւարը ապստամբութեան լաւ ղեկավար կարող է ըլլալ: Տեսնելով ծովի կամայականութիւններու գէժ քու ցոյց տուած ճարպիկութիւնդ, ես վստահ

եմ որ դուն նոյն եղանակով կը կատարես իմ բոլոր յանձնարարութիւններս: Բայց դառնանք մեր խնդրին, ինչպէս ըսի քեզ, այնպէս կը յայտնես պետերուն, որչափ որ կրնաս. հոգ չէ թէ քիչ մը կը փոփոխես և քու բառերով կ'արտայայտես, բայց աւելի լաւ է այսպէս ըսես. « Ես անտառներու կռիւները կը նախապատուեմ դաշտայիններէն. ես երբէք չեմ ուզեր հարիւր հազար գիւլացիներ կարգով շարել կապոյտազգեստ զինուորներու գնդակներուն և պարօն Գարնօի թնդանօթներու ուսմբերուն տարափին տակ: Ես կ'ուզեմ որ ամիս մը չանցած հինգ հարիւր հազար պատերազմիկներ անտառներու մէջ դարան մտած ըլլան. այն ժամանակ հանրապետութեան բանակը որս մըն է մեր ձեռքին մէջ բռնուած: Գաղտազողի իր որսին հետամուտ ըլլալ, — այդպէս պիտի ըլլայ մեր պատերազմիլու եղանակը. ես մացառներու պատերազմի ռազմագէտն եմ: Այդպէս ուրեմն... բայց դեռ խօսք մըն ալ, զոր դուն դժուար թէ հասկնաս, բայց միեւնոյնն է. դուն այսքան կը հասկնաս: « Երբէք չխնայել, ամենուրեք թակարդ »: Ես աւելի կը սիրեմ շուանական քան թէ վանտէական պատերազմ: Չմոռնաս ըսել նոյնպէս, որ անգլիացիները մեզ հետ են: Պէտք է հանրապետութիւնը երկու կրակի մէջ առնել: Եւրոպան մեզ կ'օգնէ. ուրեմն մէկ անգամ մէն մաքրենք մեր հաշիւները այս յեղափոխութեան հետ: Թագաւորները՝ ամբողջ պետութիւններ պատերազմի հանած են անոնց դէմ. մենք ալ մեր կողմէն ծուխերը ոտքի հանենք, այսպէս կ'ըսես. այժմ հասկցա՞ր բոլորը: — Այո՛, բոլորը պէտք է կրակով վառել և արիւնով ներկել:

- Ճիշտ այդպէս:
- Երբէք չխնայել:
- Ճիշտ այդպէս, ոչ ոքի:
- Ես պիտի երթամ ամէն կողմ:

— Եւ զգոյշ եղիր, այսպիսի երկրի մը մէջ յանկարծ գնդակահար գետին իյնալը այնքան անսպասելի բան չէ:

— Մահը, — ես անոր համար չեմ մտածեր իսկ, քանի որ մեր ամէն քայլափոխն իր մէջ մահ կը պարունակէ:

— Դուն քաջ մարդ ես:

— Իսկ եթէ ինձ հարցնեն տիրոջս անձնը:

— Ատիկա դեռ կարելի չէ յայտնել: Եթէ հարցնեն, դուն կը պատասխանես որ չգիտեմ, և ճշմարիտ ըսած կ'ըլլաս:

— Ո՞ւր պիտի տեսնեմ նորէն իմ տէրս:

— Ո՞ւր որ ես գտնուիմ:

— Ո՞րտեղէն գիտնամ թէ իմ տէրս ո՞ւր է:

— Բոլորը շուտով կը գիտնան ատիկա... ութ օր չանցած բոլորը պիտի խօսին իմ մասին, ես խտուրթեան և անողորմելիութեան օրինակներ պիտի տամ, մեր թագաւորին և կրօնի վրէժը պիտի հանեմ, և դուն շուտով կը հասկնաս, որ այն մարդը, որու մասին այնքան կը խօսին, ես եմ:

— Հասկցայ:

— Ոչինչ չմոռնաս:

— Ապահով եղէք:

— Այժմ մեկնէիր, թող Աստուած քեզի առաջնորդ ըլլայ, է՛հ, գնա՛:


— Ես պիտի կատարեմ այն բոլորը, ինչ որ այժմ ինձ ըսիք, պիտի երթամ, պիտի խօսիմ, պիտի հնազանդիմ, պիտի հրամայեմ:

— Շատ լաւ:


— Եւ եթէ յաջողութիւն ունենամ:


— Այն ժամանակ քեզ Սէն-Լուիի ասպիս կ'անուանեմ:

— Ինչպէս անուանեցիք իմ եղբայրս. բայց եթէ յաջողութիւն չունենամ՝ դիս հրացանի՞ բռնել կուտաք:



Պատկ. 21. — Այժմ մեկնէիր... (էջ 102)






Պատկ. 23.— Արևելք մարդ մտած էր... (էջ 103)

«ԻՆՆՍՈՒՆ ԵՐԵՒ»

1 Ղրուշ



— Ճիշտ այնպէս, ինչպէս քու եղբօրդ եղաւ :

— Այդպէս ուրեմն, կը հասկնամ տէր իմ :

Ծերունին գլուխը խոնարհեցուց և կարծես ծանր երազի մը մէջ խորատուզուեցաւ : Երբ որ սթափեցաւ և աչքերը վեր բարձրացուց, ինք արդէն մինակ մնացած էր . Հալմալօ արդէն կէտ մը դարձած էր և կ'անյայտանար հորիզոնին ետեւը :

Արեւը մարը մտած էր :

Տարմորորնները և ամառները դէպի իրենց բոյնը կը վերադառնային . ծովը հանդարտած էր, վերջալոյսի ազդարար աղմուկը կը հնչէր տարածութեան մէջ . մացառագորտերը կը կռկռային, ջրաքաղաղները սուլելով կը թռչէին ճահիճներու վրայէն, մոշոշները, ջրագռաւները, ճայերը, սեւաթորերը կը բարձրացնէին իրենց վերջալոյսի աղմուկը և ճռինչը, ծովեզերքի թռչուններու ձայները բռնած էին չորս կողմը :

Քայց չկար մարդու ձայն . միայնութիւնը կատարեալ էր . ծովախորշին մէջ ո՛չ մէկ առազաստ, դաշտին մէջ ո՛չ մէկ գիւղացի : Աչքի չափած տարածութիւնը կատարեալ անասպատ կը ներկայացնէր : Աւազուտի վրայ բուսած չոր փուշերը կը խշխշէին և ամբողջ ծովափը ոլորուած էր վերջալոյսի տժգոյն և սպիտակ լոյսերով : Քիչ մը հեռուն՝ մուսլած դաշտերու մէջի ճահիճները կը նմանէին հսկայական տախտակներու, որոնք հորիզոնական դիրքով դրուած են գետնի վրայ : Քամին կը փչէր ծովէն դէպ ի ցամաք :



## ՉՈՐՈՐԴ ԳԻՐՔ

# ՏԷԼՄԱՐԻ

Ա.


### ԱՒԱԶԱԿՈՅՏԻՆ ԲԱՐՁՈՒՆՔԸ

Ծերունին սպասեց, մինչեւ որ Հալմալօ բոլորովին անյայտացաւ. յետոյ իր ծովային վերարկուին մէջ փաթ-  
թուեցաւ և սկսաւ քալել :

Ան դանդաղ քայլերով և մտածկոտ կ'երթար. ինքը  
կը դիմէր դէպի Հիւսիս, մինչդեռ Հալմալօ ուղղուած  
էր դէպի Պօփուար :

Անոր ետեւը կը բարձրանար Սէն-Միշէլ լերան  
մուտքը, եռանկիւնի հսկայական դանդուածը : Մայր  
եկեղեցին, իբրև թագ, զարդարած էր անոր գլուխը,  
իսկ ամբողջիւնները գրանի նման պատած էին անոր  
մէջքը : Երկու աշտարակներ, մէկը կլոր, միւսը քառա-  
կուսի, որոնք կը բարձրանային արեւելեան կողմը, կար-  
ծես նեցուկներ ըլլան, որոնք կ'օգնեն լերան՝ իր ուսե-  
րուն վրայ տանելու եկեղեցիի և գիւղի ծանրութիւնը :  
Սէն-Միշէլ լեռը նոյնն է Ուլկիանոսի համար, ինչպէս  
Խէօպսի բուրգը՝ եգիպտական անապատին :

Սէն-Միշէլի ծովախորշի աւազները, անընդհատ  
շարժման մէջ ըլլալով, շարունակաբար կը փոխեն իրենց



Պատկ. 24. — Անոր ետեւը կը բարձրանար Սէն-Միշէլ  
լերան . . . (էջ 104)

ձեւը : Այդ ժամանակ Հիւինի և Արարվօնի մէջ շատ բարձր աւազակոյտ մը կար . այսօր անիկա անպայտացած է , արեւադարձային քամին սրբած տարած է զայն : Այս աւազակոյտը առանձին ուշադրութեան արժանի էր անոր համար նախ՝ որ շատ հին էր և ապա անոր գագաթին վրայ կը գտնուէր քարէ կոթող մը , որ դրուած էր ժ.Ֆ. դարուն , իբրև յիշատակ Ավրանչի մէջ կատարուած եկեղեցական ժողովին՝ Սուրբ Թովմաս Քէնթէբըրիի սպաննողները դատելու համար Աւազակոյտի բարձունքէն կը բացուէր ամբողջ երկիրը և կ'որոշուէին ամէն կողմերը :

Ծերունին քայլերը դէպի աւազակոյտը ուղղեց , անոր վրայ բարձրացաւ և երբ հասաւ կատարը , մէջքը կոթողին տուաւ , նայեցաւ անոր պատուանդանի չորս անկիւններէն մէկին վրայ և սկսաւ քննել այդ տեսակ մը աշխարհագրական քարտէսը , որ կը պարզուէր անոր ոտքերուն տակ . կարծես ճամբայ մը կ'որոնէր անիկա այդ երկրին մէջ , որ իրեն անծանօթ չէր :

Այս ընդարձակ դաշտանկարը , վերջալոյսի մութերու տակ , անորոշ գիծերու խառնուրդ կը ներկայացնէր : Կ'որոշուէր միայն հորիզոնը՝ սեւ շրջանակի նման փակուած սպիտակ երկինքին :

Բարձունքէն կ'երեւային տասնը մէկ աւաններու և գլուղերու տանիքներու շարուած կոյտերը : Ծովեզերեայ գծի վրայ . քանի մը մզոն տարածութեան մէջ , կ'որոշուէին բոլոր զանգակատունները , որոնք շատ բարձր շինուած են , որովհետեւ հարկաւոր բոպէին ծովուն վրայ գտնուող մարդոց համար անոնք իբր փարոս կը ծառայեն :


Ծերունին կը շարունակէր հետազօտել . քանի մը բոպէէն յետոյ կարծես անիկա իր վնտուածը գտաւ այս բացօթոջ մթութեան մէջ : Իր հայեացքը յառեց դէպի ծառերու , պատերու և կտուրներու շրջանակի մը վրայ ,

որ, զետեղուած դաշտի և անտառի մէջտեղը, հազիւ կը նշմարուէր. ագարակ մըն էր ան: Գոհ և ուրախ արտա-  
յայտութեամբ ցնցեց իր գլուխը և ինքն իրեն ըսաւ.  
«Այդ է»: Եւ սկսաւ մատներով տարածութեան մէջ  
գծել այն ճամբան՝ մշակուած արտերու և ցանկապա-  
տերու մէջէն, ուր տեղէն ինքը պիտի անցնէր: Երբեմն  
երբեմն անիկա աչքերով կը զննէր անձեւ և անտաշ  
առարկայ մը, որ կը շարժէր աղարակի ամենաբարձր  
տանիքի վրայ և ինքնաբերաբար կը հարցնէր իրեն.  
— արդեօք սա ի՞նչ կարող է ըլլալ: Վերջալոյսի պատ-  
ճառով կարելի չէր որոշել ոչ անոր դոյնը և ոչ  
տեսակը. միայն կարելի էր ըսել, որ ատիկա տանիքի  
հողմացոյց չէր, քանի որ կը ծածանէր, բայց միեւնոյն  
ժամանակ տեղի չկար ենթադրելու, որ ատիկա կարող  
էր դրօշակ ըլլալ:

Ծերունին յոգնած էր և սիրով կը շարունակէր այդ-  
պէս նստած մնալ այդ քարին ծայրը. այժմ անիկա կը  
գտնուէր տեսակ մը անորոշ ինքնամոռացութեան մէջ,  
զոր սովորաբար կ'ունենան յոգնած մարդիկ հանգստի  
առաջին րոպէին:

Օրուան մէջ ժամ մը կայ, երբ կարելի էր ըսել, որ  
աղմուկը բոլորովին անյայտացած է. ատիկա խաղա-  
ղացման ժամն է, երեկոյեան ժամը: Ծերունին այժմ  
այսպիսի խաղաղ ժամ մը կը վայելէր. կը նայէր, կը  
լսէր, ի՞նչ, — անշարժ հանդարտութիւնը: Կատաղի դա-  
զանները մինչեւ անգամ ատեն կ'ըլլայ որ բոլորովին կը  
մեղմանան:

Յանկարծ այս հանդարտութիւնը ոչ թէ խանգար-  
ուեցաւ, այլ աւելի սուր կերպարանք ստացաւ: Լքու-  
ուեցաւ անցնող կիներու ու երախաներու ձայներ: Այս-  
պիսի ծածկուած ձայներու ելեւէջները շատ անգամ  
իրենց մէջ կը պարունակեն անսպասելի ուրախութիւն-  
ներ: Մացառները կը ծածկէին այդ անցնող խումբը, որմէ



Պատկ. 25. — Պեռք է վազել, բայց ձեր . . . (Էջ 107)

կուգային ձայները, բայց հնչիւններու ուղղութիւնը ցոյց կուտար որ անոնք՝ կ'անցնէին աւազակոյտի ստորոտէն և կը յառաջանային դէպի դաշտը ու այնտեղէն դէպի անտառը: Այս թարմ ձայները, հնչելով խաղաղ տարածութեան մէջ, կը հասնէին մտածկոտ ծերուկին ականջներուն և այնքան մօտիկէն կուգային, որ ոչ մէկ բառ չէր կորսուեր:

Կանացի ձայն մը կ'ըսէր.

— Աճապարհնք, Ֆլէշար, այս կողմէն պէտք է երթալ:

— Ո՛չ, միւս կողմէն:

Խօսակցութիւնը կը շարունակուէր. ձայներէն մէկը բարձր էր, միւսը մեղմ և ցած:

— Դուք ի՞նչ անուն կուտաք այս ագաբակին, ուր մենք այժմ կը բնակինք:

— Էրբ — Ան-Բէյ:

— Գեո շա՞տ կ'ուզէ, որ մենք այնտեղ հասնինք:

— Ծիշտ քառորդ ժամ մը:

— Աճապարհնք որ երեկոյեան ապուրին հասնինք:

— Մենք քիչ մը ուշացեր ենք:

— Պէտք է վազել, բայց ձեր ձագուկները յոգնած են, մենք միայն երկու ենք, իսկ երկու կին կարող չեն երեք երախայ գրկել: Ֆլէշար, դուք արդէն անոնցմէ մէկը գրկած կը տանիք: Օ՛հ, ինչքան ծանր է, կարծես թէ կապար ըլլայ. այդ շատակեր լակոտը թէեւ ծիծէն կարած էք, բայց միշտ կը գրկէք. լաւ չէ, մի՛ թողուք որ ինքը քալէ. յ՛հ, այն ժամանակ աւելի դէ՛յ, կ'ուշանանք և ապուրը կը պաղի:

— Ի՛նչ պատուական են այս կօշիկները, զոր դուք ինձ տուիք, կարծես յատուկ ինձ համար կարուած ըլլան:

— Ի հարկէ, այդ աւելի լաւ է քան թէ բոսիկ պատիլ:

— Է՛հ, աճապարհնք, Ռընէ ժամ:

— Այս անպիտանը մեզ ուշացուց. անիկա անպատճառ ճամբան պիտի խօսէր հանդիպած ամէն մէկ փոքրիկ գեղջկուհիի հետ. հիմակուքնէ արդէն ցոյց կուտայ թէ ի՞նչ է:

— Տիկին, ասիկա նոր մտած է հինգ տարուան մէջ:

— Հասկա ուրեմն, Ռընէ Ժան, ինչո՞ւ խօսեցար գիւղին մէջ այդ փոքրիկ աղջկան հետ:

Մանկական ձայն մը, որ տղու ձայն էր, պատասխանեց.

— Որովհետեւ ես զայն կը ճանչնամ:

— Ի՞նչպէս, դուն զայն կը ճանչնաս:

— Այո՛, պատասխանեց պզտիկ տղան, որովհետեւ այս առաւօտ անիկա ինծի կը որ հաց տուաւ:

— Ահա թէ ինչպիսի տղայ է, պոռաց կինը, միայն երեք օր է որ կը գտնուինք այստեղ, բայց այս թզաշափ պարոնը իրեն համար սիրուհի ճարեր է:

Չայները հետզհետէ հեռացան և լուռթիւնը կրկին թաղաւորեց:

Ք.

### ԱԿԱՆՉ ՈՒՆԻ, ԲԱՅՑ ԶԻ ԼՍԵՐ

Ծերուսին մնացած էր անշարժ, այլևս չէր մտածեր հողիւ կը թարթափէր երազներու մէջ: Չորս կողմը ամբողջ բնութիւնը հանդարտութիւն, խաղաղութիւն, վստահութիւն և միայնութիւն կը շնչէր: Աւագակոյտի կատարը դեռ լուսաւոր էր մնացած. բայց տափարակը արդէն կիսով չափ պատած էր մռայլով, իսկ անտառ-

ներու մէջ գիշերը կատարեալ էր: Արեւելքէն կը բարձրանար լուսինը: Քանի մը աստղեր կը փայլէին կապոյտ գնդիկի տոգոյն խորութեան մէջէն: Ծերուսին, թէպէտ պաշարուած ճնշող հոգերով, բայց խորասուզուած էր անհունի վեհ և անբացատրելի պարզութեան մէջ: Ան կ'զգար, որ իր մէջ կը ծագէ այն ազօտ արշալոյսը զոր յոյս կը կոչեն, եթէ միայն կարելի է յոյս անունը տալ քաղաքացիական կռիւներու սպասելուն: Վայրկենաբար կը կարծէր, որ բոլոր տանջանքները արդէն անյայտացած էին, քանի որ անգամ մը ցամաք ելած էր այդ ծովէն, որ այնքան անուրում եղած էր դէպի ինքը: Ոչ ոք չէր գիտեր իր անունը. մինակ էր ինքը. թշնամբի համար այլ եւս կորսուած էր առանց իր ետեւէն հետք ձգելու, սրովհետեւ ծովի մակերեսին վրայ ոչ մէկ հետք չի մնար: Կը զգար, որ այդպէս պահուած, մոռցուած, ինքը այժմ դուրս է ամէն կասկածէ: Անբացատրելի վեհ անդորրութիւն մը տիրած էր անոր սրտին. քանի մը բոպէ և անիկա արդէն քնացած էր:

Լուռթիւնը, որ պատած էր երկինքը և երկիրը այդ խաղաղական երեկոյեան ժամին, իր տարօրինակ հրապոյրներով սքանչացուցած էր այդ մարդը, որ դուրսէն և ներսէն շրջապատուած էր այնքան յուզումներով:

Կը լսուէր միայն ծովէն փչող հովի ձայնը. բայց հովը անընդհատ բան մըն է և կարելի չէ զայն աղմուկ կոչել, այնքան սովորական է դարձած:

Յանկարծ ան ստքի ցատկեց:

Արտաքոյ կարգի երեւոյթ մը իսկոյն գրաւեց անոր ուշադրութիւնը: Իր հայեացքը ուղղեց դէպի հորիզոն: Առանձին յամառութեամբ կը դիտէր Քօրմէրէի զանգակատունը, որ տափարակի կեդրոնին մէջ կը ցցուէր իր աչքերուն տուաջ: Իսկապէս արտաքոյ կարգի բան մը տեղի կ'ունենար այս զանգակատան մէջ:

Չանգակատան ուրուագիծը շատ որոշ կերպով կը ծրագրուէր, կ'երեւար անոր աշտարակը, որուն կատարը

կը վերջանար բուրգի նման : Աշտարակի և բուրգի մէջ կ'երեւար զանգակի կախատեղը՝ շինուած քառակուսիի ձեւով , անփեղկ պատուհաններով , այնպէս որ ամէն կողմէ բաց կը տեսնուէր : Պրըթաների մէջ զանգակատունն ներք սովորաբար այսպէս շինուած են : Այժմ այդ զանգակի կախատունը հաւասար ընդմիջումներով յաջորդաբար կը բացուէր և կը գոցուէր : Իր երկայն և մեծ պատուհանը երբեմն կ'երեւար բոլորովին սպիտակ , երբեմն սև . երբեմն անոր մէջէն կ'երեւար երկինքը , երբեմն յանկարծ կը գոցուէր . լոյսին յանկարծ կը յաջորդէր խաւարը . այդ բացուիլը և գոցուիլը կը կատարուէին ակնթարթի մը մէջ և այնպիսի կանոնաւորութեամբ , որ , կարծես , մուրճի հարուածներ ըլլային դարբնոցի սալին վրայ :

Քօրմէրէի զանգակատունը մօտ երկու մղոն հեռու էր ծերունիին կեցած տեղէն : Ծերունիը դէպի աջ կողմը դարձաւ և դիտեց Պակէ-Բիքանի զանգակատունը , որ ուղղաձիգ կը բարձրանար հորիզոնին վրայ . ասոր զանգակներու կախաղանն ալ՝ ինչպէս Քօրմէրինը , կը բացուէր և կը գոցուէր :

Դէպի ձախ դարձաւ և դիտեց Գանիսի զանգակատունը , միեւնոյն երեւոյթը կը նկատուէր նաև այստեղ :

Դիտեց հորիզոնին վրայ կանգնած բոլոր զանգակատունները , մէկը միւսին հետեւէն զննեց Քուրդիլի , Քրէսէի , Քրօլօնի , Քրուա-Ս. վրանչէնի զանգակատունները ձախակողմը , իսկ Ռազ-սիւր-Քուենօնի , Մուատրէի և Բայի զանգակատունները աջակողմը . ուղիղ , հակառակ կողմը Բօնդօրօնի զանգակատունը : Այս բոլոր զանգակատուններուն սենեակները կը դառնան փոփոխակի մերթ սև , մերթ սպիտակ :

Ի՞նչ կրնար նշանակել այս :

Կը նշանակէր որ բոլոր զանգերը կը հնչեցնէին :

Անոնց երեւալն և անյայտանալը կարելի էր բացատրել միայն անով որ զանոնք ուժգնօրէն կը ճօճէին :

Ի՞նչ կրնար ըլլալ այս :

Անկասկած սարսափի կուտային :

Սարսափի կուտային , կը հնչեցնէին , կը զանգահարէին կատաղաբար և ամէն տեղ , բոլոր զանգակատուններու , բոլոր ծխամասերու և բոլոր գիւղերու մէջ , մինչդեռ ոչ մէկ ձայն չէր լսուեր :

Այդ բանին պատճառն էր հեռաւորութիւնը , որ ձայներուն այստեղ հասնիլը կ'արգիլէր , և ծովային քամին , որ կը փչէր հակառակ կողմէն և աղմուկը կը տանէր հեռու , հորիզոնէն անդին :

Չէր կարելի երեւակայել աւելի եւս չարագուշակ բան մը , քան այս բոլոր մտեգնած զանգերը , որոնք կը կոչուէին ամէն կողմերէն , և միաժամանակ թագաւորող լուսութիւնը : Ծերունին կը դիտէր և ականջ կը դնէր :

Անիկա չէր լսեր սարսափի տրուիլը , բայց կը տեսնէր : Տեսնել ահազանգը , տարօրինակ դգացում է : Ի՞նչ կ'ուզէին բսել այդ զանգերը , որո՞ւ դէմ կը հնչեցնէին իրենց ահագանգը :

Ք

ԽՈՇՈՐ ԳԻՐԵՐՈՒՆ ՕԳՈՒՏԸ

Անկասկած մէկուն հետեւէն ինկած էին : Բայց որո՞ւ :

Այս մարդը , որ սողպատէ շինուած էր , ցնցուեցաւ :

Այդ ինքը չէր կարող ըլլալ : Անմտութիւն կ'ըլլար կարծել , որ Քօփէնդի պատգամաւորները արդէն կարող էին իրազեկ եղած ըլլալ . չէ՞ որ տակաւին հիմա միայն ափ իջաւ . չէ՞ որ անկասկած էր , որ մարտանաւը խորա-

սուզուեցաւ և ոչ մէկ մարդ անկէ չփրկուեցաւ : Եւ մարտանաւի մէջ ալ ոչ ոք չգլխէր անոր անունը , բացի Պուապերդըրլօէն և Լա-Վիէօվիլէն :

Զանգակատուները կը շարունակէին իրենց կատաղի խաղը : Ծերուկը մեքենայօրէն կը համարէր զանգակներու ճոճումները , և անոր բոբոքած երեւակայութիւնը մէկ ենթադրութենէն դէպի միւսը կը թռչէր :

Ան որ բոպէ մը առաջ ինքզինքը կատարեալ ապահովութեան մէջ կը կարծէր , այժմ փոխուած սոսկալի անորոշ դրութեան մը , կը տարուբերէր անվճռականութեան մէջ : Սակայն խոշոր ենթադրութիւններէ յետոյ մտածեց , որ անաղանդին ուրիշ շատ պատճառներ կրնար ըլլալ , և վերջը իրեն քիչ մը յոյս ներշնչեց իր մաքին մէջ կրկնելով «ինչ ալ որ ըլլայ , միայն ոչ ոք չգլխէ ո՛չ իմ այստեղ հասնիլս և ո՛չ իմ անունս» :

Քանի մը բոպէէ ի վեր թեթեւ խշխշոց մը կը լսուէր իր գլխի վրայէն և ետեւէն : Այդ կը նմանէր ծառի տերեւներու սօսափունին : Նախ ծերունին ուշադրութիւն չի դարձուց ատոր վրայ , բայց տեսնելով որ խշխշոցը յամառութեամբ կը շարունակուէր , երեսը այն կողմ դարձուց : Արդարեւ թուղթի թերթ մըն էր , որ կ'արտադրէր այդ խշխշոցը : Հովը սկսած էր շարժել իր գլխի վրայ գտնուած լայն յայտարարութիւնը , զոր փակցուցած էին քարէ կոթողին վրայ : Այդ յայտարարութիւնը նոր փակցուցած էին , որովհետեւ դեռ չորցած չէր , և այդ էր պատճառը որ հովը յաջողած էր անոր մէջ մտնել և խաղալով անոր հետ կ'աշխատէր փրցնել :

Ծերունին հակառակ կողմէն բարձրացած էր դէպի աւազակոյտը և ատոր համար մինչեւ այժմ չէր նկատած միւս կողմ փակցուած յայտարարութիւնը : Վերելաւ , կայնեցաւ կոթողի անկիւնաքարին վրայ , ուր առաջ նստած էր , ձեռքը դրաւ յայտարարութեան փրփրուած եզրին վրայ , որ քամիէն վեր վեր կը բարձրանար :



Պատկ. 26. — Ծերուկը կարդաց հետեւեալը... (Էջ 113)

Երկինքը պարզ էր, որովհետեւ Յունիսին վերջապետեալ  
երկար կը տեւէր: Աւագակոյտին ներքեւի մասը ծած-  
կուած էր մթութեան մէջ, իսկ վերի մասը ընդհակա-  
ռակը գեռ լուսաւոր էր մնացած: Յայտարարութեան  
մէջ մասը տպագրուած էր մեծ տառերով և զայն կար-  
գալու շափ լոյս կար: Ծերուկը կարդաց հետեւեալը.

« Յրանասկսն Հանրապետքիսն՝ մի եւ անբաժանելի.

« Մենք, Մարնի Բրիէօր ազգային երեսփոխան, յա-  
տուկ յանձնարարութեամբ նշանակուած Քօղ-տը-Շէր-  
պուրկի բանակին մէջ, կը հրամայենք: — Նախկին մար-  
քիզ Լանդընաք, դերկոմս Մօնդընէի, Պրըթմաների Ինք-  
նակոչ իշխանը, որ գաղտագողի Յրանասայի ցամաքն է  
ելած, օրէնքի պաշտպանութենէն դուրս հռչակուած է:  
— Անոր դուխը աճուրդի է հանուած: Ո՛վ որ զայն մե-  
ռած կամ կենդանի բերէ, կը ստանայ վաթսուն հազար  
ոսկի: Այս գումարը պիտի վճարուի անոր ո՛չ թէ թըլ-  
թաղրամով, այլ հնչուն ոսկի դրամով: Քօղ-տը-Շէր-  
պուրկի բանակէն վաշտ մը իսկոյն պիտի մեկնի խուզար-  
կելու և փնտռելու նախկին մարքիզ Լանդընաքը: Գիւ-  
ղական համայնքները պարտաւոր են եռանդուն աջակ-  
ցութիւն ցոյց տալ անոր:

« Գրուած կրանվիլի համայնական տան մէջ 1792  
թուականի յունիս 2-ին.

« Ստրուգրուած

« ՄԱՐՆԻ ԲՐԻԷՕՐ »

Այս անունին տակ կար նոյնպէս ուրիշ ստորագ-  
րութիւն մը, որ գրուած էր շատ աւելի մանր տառե-  
րով, այնպէս որ ազօտ լոյսին օգնութեամբ անկարելի  
էր կարդալ:

Ծերունին գդակը իջեցուց աչքերուն վրայ, մինչև  
ճնօտը ծածկուեցաւ իր ծովային վերարկուին մէջ և

աճապարեց աւազակոյտէն վար իջնել : Պարզ էր որ այդ լուսաւորուած բարձունքին վրայ կենալը լաւ բան մը չէր խոստանար :

Արդէն բաւական ժամանակ էր որ անիկա նստած էր այնտեղ : Ամբողջ դաշտանկարին մէջ աւազակոյտին կատարը միակ կէտն էր, որ մթութեան մէջ կը նշմարուէր :

Ծերուկը միայն այն ժամանակ իր քայլերը մեղմացուց, երբ աւազակոյտին ստորտը նասաւ և մթութեան մէջ ծածկուեցաւ : Այստեղ անիկա բռնեց այն ճամբան, զոր առաջ իր մտաներով գծած էր դէպի ագարակը : Հաւանական է որ պատճառներ ունէր այդ կողմը աւելի ապահով համարելու :

Կատարեալ ամայութիւն կը տիրէր ամէն տեղ. դիչերային այսպիսի ուշ ժամուն ճամբորդներ չեն ըլլար :

Մացառի մը ետեւ ան կանգ առաւ, հանեց իր վերարկուն, իր բաճկոնակը դարձուց, մորթոտ երեսը դուրս հանեց, նորէն իր վիզը փաթթեց իր հին քրքրուած վերարկուն, պարանով կապեց մէջքին ու ճամբայ ինկաւ :

Լուսնակը կը լուսաւորէր :

Ծերունին նասաւ տեղ մը, ուր անկուած էր քարէ հին խաչ մը և ճամբան երկուքի կը ճիւղաւորուէր. խաչի պատուանդանին վրայ կ'ուրուագծուէր սպիտակ քառանկիւն մը, կ'երեւար որ ատիկա ալ միւսին պէս յայտարարութիւն մըն էր. ծերուկը մտնեցաւ :

— Ո՛ւր կ'երթաք, գոչեց ձայն մը :

Ծերունին դարձաւ :

Հոն, ցանկապատին մէջ մարդ մը կանգնած էր, իրեն պէս բարձրահասակ, իրեն պէս ծերունի, իրեն պէս ալեւոր, միայն իրենէն աւելի պատառատուն ցնցոտիներու մէջ, կարծես իր զոյգը ըլլար, յենած էր երկար գաւազանի մը վրայ :



Պատկ. 27.— Ո՞ր կ'երթաք, գոչեց ձայն մը... (էջ 113)

— Ես ձեզ կը հարցնեմ թէ, ո՞ւր կ'երթաք, կրկնեց ան :

— Իսկ դուք այն ըսէք, թէ ես ո՞ւր կը գտնուիմ այժմ, հարցուց իր կողմէն ձերունին, մեղմ, բայց տեսակ մը խորիստ ձայնով :

— Դուք կը գտնուիք Թանխի կալուածներուն մէջ, պատասխանեց մարդը. ես այստեղի մուրացկանն եմ, իսկ դուք տէրը :

— Ն՞ս :

— Այո՛, դուք, պարոն մարքիզ Լանդընաք :

## Ք Է Մ Ա Ն

Մարքիզ Լանդընաք, այսուհետեւ մենք զայն պիտի կոչենք իր իսկական անունով, ծանրութեամբ պատասխանեց.

— Թող այդպէս ըլլայ, ես Լանդընաքն եմ. բռնեցէ՛ք, յանձնեցէ՛ք զիս :

— Մենք երկուքս ալ այստեղ կը գտնուինք մեր տունը. դուք ձեր դղեակին մէջ. իսկ ես իմ թուփիս տակ :

— Է՛հ, վե՛րջ տանք. սկսեցէ՛ք. բռնեցէ՛ք, յանձնեցէ՛ք զիս, ըսաւ մարքիզը :

— Դուք կ'երթաք դէպի Էրպ-ան-Բայ ագարակը, այնպէս չէ՞ :

— Այո՛ :

— Մի երթաք, երբէ՛ք :

— Ինչո՞ւ համար :

— Կապոյտները այնտեղ են :

— Քանի՞ օր է :

— Երեք օր :

— Եւ մի՞թէ ագարակին ու գիւղին բնակիչները չգիտա՞նք :

— Ո՛չ, ընդհակառակն՝ բոլոր դուռները բացին անոնց առջեւ :

— Ա՛խ, հառաչեց մարքիզը :

Մուրացիկը մատով ցոյց տուաւ ագարակին տանիքը, որ բաւական հեռաւորութեամբ ծառերուն վրայէն կ'երեւար :

— Կը տեսնէ՞ք այդ կտուրը, պարոն մարքիզ :

— Այո :

— Իսկ անոր վրայ կը տեսնէ՞ք :

— Ինչ որ կը ծածանուի :

— Այո՛ :

— Ատիկա դրօշակ մըն է :

— Այո՛, եռագոյն դրօշակ, յարեց մուրացիկը :

Ատիկա այն սուարկան էր, որ արդէն գրաւած էր մարքիզին ուշադրութիւնը դեռ այն ժամանակ, երբ կը գտնուէր աւազակոյտին բարձունքը :

— Կարծեմ ահագանգ կար, այնպէս չէ՞ :

— Այո՛ :

— Ինչո՞ւ համար :

— Պարզ է որ ձեզի համար :

— Բայց ես չեմ լսեր անոր ձայնը :

— Որովհետեւ քամին կը խանգարէ :

Մուրացիկը շարունակեց .

— Տեսա՞՞ծ էք ձեր յայտարարութիւնը :

— Այո՛ :

— Ձեզ կը փնտռեն :

Մուրացիկը ակնարկ մը ձգեց ագարակին կողմը և շարունակեց .

— Այնտեղ կէս վաշտ զօրք կայ :

— Հանրապետականներո՞ւ :

— Բարիզցիներու :

— Լա՛ւ, ըսաւ մարքիզը . քալե՛նք :

Եւ քայլերը ուղղեց դէպի ագարակը :

Մուրացիկը բռնեց անոր ձեռքէն :

— Մի՛ երթաք :

— Ապա տ՞ր երթամ :

— Իմ տունս :

Մարքիզը նայեցաւ մուրացիանին :

— Լսեցէ՛ք, պարոն մարքիզ . իմ տունս չկայ յարմարութիւն, բայց ապահովութիւն կայ : Իմ խրճիթս նկուղէ աւելի ցած է, ծովամամուռի անկողինը յատակի տեղ կը ծառայէ, իսկ ճիւղերէ և խոտերէ հիւսուած տանիքը առաստաղի տեղ կը բռնէ : Եկէք, ագարակին մէջ ձեզ շրացանի կը բռնեն : Դուք իմ տունս կը քնանաք, որովհետեւ դուք պէտք է շատ յոգնած ըլլաք : Առտուն կանուխ Կապոյտները կը մեկնին, և դուք կրնաք այն ժամանակ ձեր ուզած տեղը երթալ :

Մարքիզը կը շարունակէր աչքերով զննել մուրացիկը :

— Դուք ո՞ր կուսակցութեան կը պատկանիք . հանրապետական թէ արքայական :

— Ես աղքատ մըն եմ :

— Ոչ հանրապետական և ոչ արքայական :

— Իրօք չեմ գիտեր :

— Դուք թագաւորին կողմնակից թէ հակառակ էք :

— Ես անոր համար ժամանակ չունիմ :

— Ի՞նչ է ձեր կարծիքը այս անցած դարձած դէպքերու մասին :

— Իմ կարծիքս այն է, որ ես ապրելու միջոց չունիմ :

— Բայց չէ՞ որ դուք ինձ օգնութեան կը հասնիք :

— Ես տեսայ որ դուք օրէնքի պաշտպանութենէն դուրս էք հրատարակուած : Ի՞նչ բան է այս օրէնքը .

կարելի՞ է արդեօք անկէ դուրս ըլլալ, ատոնք ինձ համար իսկապէս անհասկնալի բաներ են: Գալով ինձ, չգիտեմ ճիշտը. օրէնքէ դժուրս թէ օրէնքի մէջ կը գըտնուիմ. անօթութենէ կը մեռնիմ, միթէ ատիկա օրէնքի մէջ ըլլա՞լ կը նշանակէ:

— Ո՞ր ժամանակէն սկսած դուք անօթութենէ կը մեռնիք:

— Իմ ամբողջ կեանքիս մէջ:

— Եւ այդ վիճակով դեռ զիս ազատե՞լ կ'ուզէք:

— Այո՛:

— Ինչո՞ւ համար:

— Որովհետեւ ես մտածեցի և ըսի. «Ահա մարդ մը, որ ինձմէ աւելի թշուառ է. գոնէ ես օդ չնչկու իրաւունք ունիմ, իսկ ան ատ ալ չունի»:

— Ատիկա ճիշտ է. բայց դուք կ'ուզէ՞ք փրկել զիս:

— Անտարակոյս, տէր իմ. մենք այժմ վիճակակից եղբայրներ ենք. ես հաց կ'ուզեմ, դուք կեանք կ'ուզէք. երկուքս ալ մուրացկաններ ենք:

— Բայց զիտէ՞ք, որ իմ գլուխս աճուրդի հանուած է:

— Այո՛:

— Ո՞ւրտեղէն զիտէք:

— Յայտարարութիւնը կարդացած եմ:

— Կարդալ զիտէ՞ք:

— Ոչ միայն կարդալ, գրել ալ գիտեմ. ամօթ չէ՞ անասունի նման տգէտ ըլլալ:

— Արդ, դուք կարդալ զիտէք և կարդացած էք յայտարարութիւնը: Դուք զիտէք, ո՞վ որ զիս գտնէ ու յանձնէ, կը ստանայ վաթսուն հազար ֆրանք:

— Գիտեմ:

— Բայց ոչ թղթադրամ:

— Ո՛չ, գիտեմ, հնչիւն ոսկեգրամով:

— Գիտէ՞ք որ վաթսուն հազար ֆրանքը՝ ամբողջ հարստութիւն մըն է:

— Այո՛:

— Գիտէ՞ք որ զիս գտնող-յանձնողը յանկարծ այդպէս հարուստ կը դառնայ:

— Լա՛ւ, յետո՞յ:

— Յետոյ հարստութիւն:

— Ես ալ ճիշտ այդպէս կը մտածեմ: Երբ ձեզ տեսայ, մտքէս ըսի. «Երբ գիտեմ, որ այս մարդը գտնող յանձնողը վաթսուն հազար ֆրանք պիտի ստանայ և այդպէս հարուստ պիտի դառնայ, աճապարենք ուրեմն պահել զայն»:

Մարքիզը գնաց մուրացիկին ետեւէն:

Մտան մացառին մէջ, ուր կը գտնուէր մուրացիկին որջը: Տեսակ մը սենեակ էր, փորուած՝ կաղնի ծառի արմատներու տակ և պատուած անոր ճիւղերով: Ծառը պատուարան էր դարձած թշուառին, թէեւ մութ, ցած, թագնուած, անտեսանելի պատուարան մը: Երկուքին համար տեղ կար:

— Ես նախատեսած էի, ըսաւ մուրացիկը, որ հիւրեր կարող են պատահիլ, ատոր համար ընդարձակ շինած եմ:

Այսպիսի գետնայարկ բնակարաններ, որոնք Պրըթաների մէջ այնքան հազուադէպ չեն, որչափ կը կարծուի, տեղական բարբառով կը կոչուին «քարնիշօ». այս անունով կը կոչուին նոյնպէս հաստ պատերու մէջ փորուած գաղտնի պահարանները:

Մուրացիկանին բնակարանի կան կառասիքը կը կազմէին քանի մը ամաններ, մահճակալ՝ շինուած յարդէ կամ չորցած ծովային մամուռներէ, կոշտ կերպասէ կարուած մեծ վերմակ, ճրագի քանի մը պատրոյգներ և հրահան մը՝ կրակ հանելու համար և փունջ մը մախ, որ լուցկիի տեղ կը ծառայէր:

Անոնք ծոնցան և քիչ մը սողալով մտան սենեակը, ուր ծառին մեծ արմատները զանազան այլանդակ բա-

ժանու մներ ըրած էին: Նայեցան ծովային մամուռի կոյտի մը վրայ, որ կը ծառայէր անկողնի տեղ: Աղօտ լոյս մը ներս կը թափանցէր երկու արմատներու մէջտեղ գտնուող մուտքէն, զոր դրան տեղ կը ծառայէր: Կատարեալ գիշեր էր արդէն, բայց տեսութիւնը միշտ կը յարմարի լոյսի քանակութեան, այնպէս որ մթութեան մէջ միշտ քիչ մը լոյս կը գտնուի առարկաները որոշելու համար: Լուսնի ճառագայթներու արտացոլումը անորոշ սպիտակութեան մը մէջ լուսաւորած էր մուտքը:

Սենեակին մէկ անկիւնը դրուած էին ջուրի սափորը, սեւ ցորենէ պատրաստուած գալէթա և շագանակներ:

— Ընթրենք, ըսաւ մուրացիկանը:

Շագանակները իրենց մէջ բաժնեցին. մարքիզն ալ իր կողմէ մակոյկէն բերած չորահացը դուրս հանեց. երկուքն ալ իրարու ետեւէ կրծեցին միեւնոյն կլորահացը, երկուքն ալ խմեցին միեւնոյն սափորէն:

Ընթրելէ յետոյ սկսան խօսակցիլ:

Մարքիզը սկսաւ հարցաքննել մուրացիկանը:

— Ուրեմն ինչ որ պատահի չպատահի՝ ձեզ համար միեւնոյն է:

— Գրեթէ միեւնոյն է. տէրերը դուք էք. ատիկա ձեզ՝ տէրերուդ կը վերաբերի:

— Բայց ի՞նչպէս, գիտէ՞ք թէ ինչեր կը կատարուին:

— Բայց ասոնք կը կատարուին այնտեղ, վերը. ըսաւ մուրացիկը շարունակելով. ատիկա դեռ բոլորը չէ. կան բաներ, որոնք կը կատարուին աւելի բարձր. օրինակ, արեւը՝ որ կը ծագի, լուսինը՝ որ կը մեծնայ կամ կը պղտիկնայ. ա՜հ ես ասոնցմով կը հետաքրքրուիմ:

Այստեղ սափորէն ու մօզ մը ջուր խմեց:

— Լաւ, պաղ ջուր է:

Յետոյ դառնալով մարքիզին.

— Իսկ դուք, տէր իմ, կը հաւնի՞ք այս ջուրին:

— Ի՞նչպէս է ձեր անունը, հարցուց մարքիզը:

— Իմ անունս Տելմարք է, բայց զիս կը կոչեն Քէման:

— Կը հասկնամ, Քէման՝ երկրի անունն է:

— Այսինքն կ'ուզեն ըսել՝ մուրացիկան: Ինծի ուրիշ մականունն ալ դրած են՝ «Ծերուկ»:

Յետոյ շարունակեց.

— Քառասուն տարի է որ զիս «Ծերուկ» կը կոչեն:

— Քառասուն տարի, բայց այն ժամանակ գուր երիտասարդ պէտք էր ըլլայիք:

— Ես երբէք երիտասարդ չեմ եղած. մշտական երիտասարդը՝ դուք էք, դո՛ւք, պարոն մարքիզ. դուք քսան տարեկան երիտասարդ՝ թեթեւ սրունքներ ունիք, դուք կը մագլցիք դէպի մեծ աւազակոյտին բարձունքը, իսկ ես արդէն սկսած եմ քալելու մէջ դժուարանալ. հազիւ քառորդ մղոն մը կ'երթամ, արդէն յոգնած կ'իյնամ: Սակայն մենք միեւնոյն տարիքը ունինք. բայց հարուստները մեր վրայ առաւելութիւն մը ունին. անոնք ամէն օր կ'ուտեն, ուտելը կը պահէ մարդը:

Մուրացիկը բոպէ մը լռեց, յետոյ շարունակեց:

— Հարուստները, աղքատները... ատիկա շատ այրող խնդիր է. բոլոր աղէտներու պատճառը. գոնէ ես այդպէս համոզուած եմ: Աղքատները կ'ուզեն հարուստ ըլլալ, բայց հարուստները չեն ուզեր աղքատ ըլլալ. ես կը կարծեմ որ ասոր մէջ կը կայանայ այդ այրող խնդրի էությունը: Ես այդ բաներուն չեմ խառնուիր. այդ անցած դարձած բաները իրենց տեղ, ես իմ տեղ: Ես ոչ պարտատէրի կողմը կը բռնեմ և ոչ պարտապանի. միայն այսքանը գիտեմ, թէ պարտքեր կան և թէ պէտք է անպատճառ վճարել, ուրիշ ոչինչ: Ես շատ աւելի գո՛ն կ'ըլլայի, եթէ չսպաննէին թագաւորը, բայց եթէ հարցրնէին «ինչո՞ւ համար», դժուարաւ պիտի կարենայի պատասխանել ատոր: Բայց ասոր փոխարէն ինծի կը պատասխանեն. չէ՞ որ առաջ, առանց պատճառի, մարդիկը

կախադան կը բարձրացնէին : Ես ինքս անձամբ տեսայ , որ կախել տուին մարդ մը , որ կին մը և եօթը զաւակներ ունէր . և զիտէ՞ք ինչու համար . որովհետեւ հրացան արձակած էր թագաւորին այծեամբին վրայ : Երկու կողմերն ալ իրենց ըսելիքը ունին :

Կրկին լուեց մուրացիկը , յետոյ շարունակեց .

— Դուք ի հարկէ զիտէք . կ'երթան կուգան , բաներ կ'անցնին կը դառնան : Ես չեմ զիտեր , թէ ի՞նչ կը կատարուի , ես կ'ապրիմ միայնակ աստղերու տակ :

Տէլմարք նորէն ընդհատեց և խորասուզուեցաւ մտածութեան մէջ , յետոյ կրկին վերսկսաւ .

— Ես քիչ մը կը հասկնամ ոսկորներ տեղը դնելէ , քիչ մըն ալ բժշկութենէ . կը ճանչնամ խտերու յատկութիւնները , նոյնպէս գիտեմ բոյսերէն օգտակար դեղեր պատրաստել : Գիւղացիները կը տեսնեն , որ ես ամէն ինչին բանի վրայ ուշադրութիւն կը դարձնեմ . ատոր համար զիս վճուկի տեղ դրած են : Երբ կը մտածեմ բոյսերու վրայ , անոնք կը կարծեն որ ամէն բան գիտեմ :

— Դուք տեղացի՞ էք , հարցուց մարքիզը :

— Ես այստեղէն երբէք դուրս չեմ ելած :

— Զիս կը ճանչնա՞ք :

— Անտարակոյս . վերջին անգամ ես ձեզ տեսայ ասկէ երկու տարի առաջ , երբ դուք կ'ուղեւորէիք Անգլիա : Այդպէս ալ այժմ . կը տեսնեմ , որ աւազակոյտի վրայ մարդ մը կանգնած է . բարձրահասակ մարդ մը , որովհետեւ բարձրահասակ մարդիկ այստեղ հազուադիւտ են . Պրըթաներ կարճերու աչխար՝ է , նորէն ուշադրութեամբ կը նայի . յայտարարութիւնը կարդացած էի . մտքէս կ'ըսեմ՝ «տե՛ս , չըլլայ թէ ան է» . երբ դուք վար իջաք լուսնակի լոյսով , ես ձեզ արդէն ճանչցայ :

— Իսկ ես ձեզ չեմ ճանչնար :

— Դուք զիս տեսած էք , բայց չէք զիտած . իսկ ես ձեզ թէ՛ տեսած և թէ՛ զիտած եմ : Մուրացիկը

և անցորդը իրարու վրայ միեւնոյն աչքերով չեն նայիր :

— Միթէ առաջները ես ձեզի հանդիպած եմ :

— Շատ անգամ հանդիպած էք , որովհետեւ ես ձեր մուրացիկն էի , նստած՝ ձեր զղեակին ներքեւի ճամբուն վրայ , ես ողորմութիւն կը խնդրէի : Անգամ մը դուք պատահած ժամանակ ինծի ողորմութիւն տուած էք . բայց ով որ կուտայ , ատիկա չի նայիր . ստացողն է որ գննելով կը զիտէ : Մուրացիկանը , ինքնստինքեան լրտես մըն է . բայց ես երբէք չեմ ուզեր անազնիւ դառնալ , լրտես ըլլալ , թէեւ շատ անգամ անօթութենէ տանջուած եմ : Ես ձեռքս կ'երկնցնէի դէպի ձեզ . դուք միայն ձեռքը կը տեսնէիք և այնտեղ կը ձգէիք ողորմութիւնը , որուն ես այնքան պէտք ունէի առտուն , որպէս զի անօթութենէ չմեռնիմ իրիկունը : Քանի անգամ ամբողջ օրը ոչինչ չեմ կերած , չատ է պատահած , որ սու մը կեանքս փրկած է : Ես ձեզ պարտաւոր եմ կեանքս . ահա կը վերադարձնեմ իմ այդ պարտքը :

— Իրաւ դուք կը փրկէք իմ կեանքս :

— Այո՛ , ես կը փրկեմ , տէր իմ :

Այստեղ Տէլմարքի ձայնը լուրջ արտայայտութիւն մը ստացաւ :

— Բայց միայն պայմանով մը :

— Ի՞նչ պայմանով :

— Դուք որ եկած էք այստեղ , չարիք չպիտի ընէք :

— Ընդհակառակը ես եկած եմ բարիք ընելու , պատասխանեց մարքիզը :

— Քնանա՛նք , ըսաւ մուրացիկը :

Պառկեցան քով քովի , ծովային մամուռէ անկողնի վրայ : Մուրացիկը իսկոյն քնացաւ , իսկ մարքիզը թէեւ շատ յոգնած , բայց խորասուզուած էր մտածութիւններու մէջ , յետոյ անիկա դարձաւ , այս մթութեան մէջ նայեցաւ մուրացիկին և պառկեցաւ : Պառկիլ այս ան-

կողմին վրայ՝ կը նշանակէ պառկիլ գետնի վրայ : Անիկա օգուտ քաղեց այս հանգամանքէն և իր ականջը գետնին վրայ դրաւ և սկսաւ մտիկ ընել : Գետնին տակէն խուշ չչնչիւն մը կուգար , որովհետեւ ձայն կը տարածուէր գետնին խոր խաւերուն մէջ : Զանգակներու աղմուկն էր , որ կը հասնէր իր ականջին :

Դեռ ահազանգը կը շարունակուէր :

Մարքիզը քնացաւ :

Ե.

### Կ՝ Ս Տ Ո Ր Ա Գ Ր Ե Մ՝ Ք Օ Վ Է Ն

Երբ մարքիզը արթնցաւ , արեւը արդէն ծագած էր : Մուրացիկը ստքի ելած էր , բայց ոչ թէ այդ որջին մէջ , — որովհետեւ այնտեղ կարելի չէր շիտակ կանգնիլ — այլ դուրսը , սեմին վրայ միայնակ՝ յենած իր գաւազանին վրայ : Արեւը կը լուսաւորէր անոր դէմքը :

— Տէր իմ , ըսաւ Տէլմարք դառնալով մարքիզին . Թանխի գանգակատան վերեւէն ժամը չորս զարկաւ . ես լսեցի անոր չորս հարուածները : Ուրեմն հովի ուղղութիւնը փոխուած է , այժմ կը փչէ ցամաքէն դէպի ծովը . աղմուկները չեն լսուիր այլ եւս . ուրեմն ահազանգը դադարած է : Երբ-ան-Բայի ազարակին և գիւղին մէջ հանգարտութիւն կը աւիրէ . ուրեմն Կապոյտները կամ քնացած են , կամ մեկնած են : Ամենամեծ վտանգը արդէն անցած է , լաւ կ'ըլլար որ մենք բաժնուէինք : Արդէն ժամանակ է որ ես երթամ :

Այս ըսելով՝ հորիզոնին վրայ մատով կէտ մը ցոյց տուաւ :

— Ես այն կողմը կ'երթամ :

Յետոյ դէպի հակառակ կողմը դառնալով՝ մատով ցոյց տուաւ և ըսաւ .

— Իսկ դուք այս կողմը գացէ՛ք :

Մուրացիկը ձեռքով մարքիզին ծանր բարեւ մը տուաւ և մատով ցոյց տալով երեկոյեան ընթրիքէն մնացածները՝ ըսաւ .

— Եթէ անօթի էք , ձեզ հետ տարէք շագանակները :

Վայրկեան մը յետոյ՝ երկուքն ալ արդէն անյայտացած էին ծառերու ետեւը :

Մարքիզը գնաց Տէլմարքի ցոյց տուած կողմը :

Այժմ առտուան այն սքանչելի ժամն էր , զոր հին նորմանտական գեղջուկ լեզուն կը կոչէ «Օրուան նուագը» : Ծնճղուկները ցանկապատերու վրայ կը ճրուռուղէին : Մարքիզը կ'երթար այն ճամբէն՝ որով նախընթաց երեկոյ եկած էր : Թուփերու մէջէն դուրս գալով , անիկա նորէն հասաւ ճամբաներու ճիւղաւորման անդը , անիկա նշան կանգնեցուցած էին քարէ խաչը : Յայտարարութիւնը այդ քարին վրայ կը մնար դեռ , բոլորովին սպիտակ , կարծես կը ժպտէր նորածագ արեգակին շողերուն տակ : Մարքիզը այժմ յիշեց , որ յայտարարութեան տակը կը գտնուէր բան մը , զոր ինքը նախընթաց իրիկուն չէր կրցած կարգալ , որովհետեւ տառերը մանր իրիկուն չէր կրցած կարգալ , որովհետեւ տառերը մանր էին և լոյսը քիչ էր . քայլերը ուղղեց դէպի խաչի պատուանդանը . արդարեւ Մարնի Բրիէօրի ստորագրութեան տակ դեռ կար մանրատառ գիրերով երկու տող , որով կը վերջանար յայտարարութիւնը : Ահա՛ .

« Մարքիզ Լանդընակի անձնաւորութիւնը ստուգուելէ յետոյ , անմիջապէս հրացանի պիտի բռնուի :

« Կը ստորագրեմ

« Վանտէ ուղարկուած գունդին հրամանատար՝ ՔՕՎԷՆ »

— Գօվէն, ըսաւ մարքիզը և կանգ առաւ, ընկըզմած՝ խոր մտածմունքի մէջ և աչքերը յայտարարութեան վրայ յառած:

— Գօվէն, կրկնեց և քայլերը դէպի առաջ շարժեց, բայց դուրսը դարձուց, նայեցաւ քարէ խաչին, նորէն ետ եկաւ և անգամ մըն ալ կարդաց յայտարարութիւնը:

Յետոյ ծանր քայլերով հեռացաւ: Եթէ անոր մօտ մարդ մը ըլլար, անպատճառ կը լսէր, թէ ի՞նչպէս մարքիզը կրտսածայն կը մրմնար «Գօվէն»:

Սորտուբորտ ճամբաներով առաջ կ'երթար: Ագաւրակին տանիքները, զորս ձախ կողմը թողած էր, արդէն անյայտացած էին. կ'երթար դառնիվայր սարաւանդի մը ստորոտէն, որ բոլորովին ծածկուած էր ծաղկազարդ թուփերով:

Սարաւանդին կատարը սրածայր ձև մը ունէր, որ տեղական բարբառով «հլւր» կը կոչուէր: Բարձրաւանդակի ստորոտը, նայուածքը իսկոյն կը կորսուէր ծառերու մէջ, որոնց տերեւները սսկեզօծուած էին արեգակի ճառագայթներով: Ամբողջ բնութիւնը կը խայտար կայտառ առաւօտեան գիւրկին մէջ:

Բայց այս գեղեցիկ տեսարանը յանկարծ սարսափելի կերպարանք ստացաւ: Ական մըն էր ատ, որ յանկարծ պայթեցաւ, կարծես թախտաւ մը, բազկացած՝ վայրենի աղաղակներէ և հրացաններու ճայթիւններէ, հարուածեց այդ դաշտերը, այդ անտառները, որոնք ողողուած էին ճառագայթներով:

Ագարակին կողմէն կը բարձրանար թանձր ծուխ. ծուխին մէջ կը գալարուէին հրեղէն լեզուներ. ագարակը և գիւղը յարդի պէս կը վառէին: Անսպասելի և դժընդակ էր այդ փոփոխութիւնը: Կատարեալ հանդարտութիւն և ակնթարթի մը մէջ այսպիսի յանկարծական կատարութիւն, առաւօտեան արշալոյս և յանկարծ այսպիսի դժոխային կրակ ու հրդեհ, անսպասելի սոսկում առանց

կողմնակի պատճառի: Էրբ-ան-Բայր կողմը կը կռուէին: Մարքիզը կանգ առաւ:

Անոնք որ իրենց կեանքին մէջ ունեցած են այսպիսի բազմեք, անձնական փորձով գիտեն որ հետաքրքրութիւնը այդ վայրկեանին մէջ աւելի զօրաւոր է, քան թէ վախը. կ'ուզես անպատճառ տեսնել, հոգ չէ թէ կրնաս կորսուիլ: Մարքիզը բարձրացաւ այն սարաւանդին վրայ, որուն ստորոտէն կ'անցնէր այդ խորտուբորտ ճամբան. այդտեղէն անիկա կը տեսնուէր, բայց հոգ չէ. քանի որ ինքն ալ կը տեսնէր: Քանի մը բոլոր մնաց «հլւրի» վրայ և նայեցաւ:

Արդարեւ, հրացանաձգութիւնը և հրդեհը բռնած էին այն կողմը, կը լսուէին աղաղակներ, կը տեսնուէր բոց: Ագարակը աննկարագրելի աղէտի մը կեդրոնը կը կազմէր: Ի՞նչ էր ատ. էրբ-ան-Բայր ագարակը յարձակման ենթարկուած էր. բայց ո՞վ էր յարձակողը. կոխուտեղի կ'ունենար, կամ գուցէ զինուորական պատիժներ կը գործադրուէին: Կապոյտները յաճախ այդպէս կրակով կը պատժէին սպասամբ ագարակներ կամ գիւղեր. ատիկա անոնց արտօնուած էր յեղափոխութեան հրովարտակով մը. օրինակի համար, կ'այրէին ամբողջ ագարակը կամ ամբողջ գիւղը. անոր համար որ գիւղացիները չէին կտրած անտառներու ծառերը՝ ինչ որ պատուիրուած էր օրէնքով, որպէսզի ապստամբները չկրնան անոնք մէջ սպաստան գտնել. կամ անոր համար որ անոնք անտառներու մէջ չէին բացած ճամբաներ, ուրկէ հանրապետութեան հեծելազօրքը կարենար անցնիլ: Այսպէս՝ մօտիկ օրերը առանձին խստութեամբ պատժած էին Պուրկօների ծուխը, որ կը գտնուի Էրնէի մօտը: Եւ միթէ էրբ-ան-Բայր միեւնոյն ճակատագրի մասնուած էր: Թանիսի և էրբ-ան-Բայր շրջակաները և անտառներու մէջ ո՛չ մէկ տեղ չէին տեսնուէր այդ պատերազմական անցքերը և բացուածքները, որ հրամայուած էր

հրովարտակով: Գուցէ այս էր պատճառը, որ կը պատ-  
 ժէին. գուցէ առաջապահ զօրքը, որ գրաւած էր ագա-  
 րակը, նոր հրամաններ ստացած էր: Եւ այդ առաջա-  
 պահ զօրքը կը պատկանէր Վանտէ զրկուած այն գուն-  
 դին, որուն «Դժոխային գունդ» մականունը տուած  
 էին: Այդ բարձրութիւնը, որուն վրայ մարքիզը կանգ-  
 նած կը դիտէր, շրջապատուած էր շատ խիտ և շատ  
 չիկազոյն թաւուտով: Այդ թաւուտը թէեւ կը կոչուէր  
 էրբ-ան-Յայր պուրակ, բայց ամբողջ անտառի մը մե-  
 ծութիւնն ունէր, մինչեւ ազարակ կ'երկարածգուէր և  
 Պրըթաների բոլոր միւս անտառներուն նման իր մէջ կը  
 ծածկէր ձորակներու, խորտուբորտ ճամբաներու և շա-  
 ւիղներու ամբողջ ցանց մը, տեսակ մը լարիւրինթոս,  
 ուր հանրապետութեան բանակները կը կորսուէին:

Պատիժը, — եթէ միայն ճիշտ էր այս ենթադրու-  
 թիւնը, — կատաղի պիտի ըլլար, սրովհետեւ շատ կարճ  
 տեւեց: Սա, ինչպէս առհասարակ ամէն վայրագ դոր-  
 ծոյութիւն, կատարուեցաւ խսկոյն և եթէ: Քաղաքական  
 պատերազմներուն յատուկ անգթութիւնը ներողամիտ  
 աչքով կը նայի այսպիսի վայրենութիւններուն: Երբ մար-  
 քիզը տարուբերուած էր հազար ու մէկ ենթադրութիւն-  
 ներու մէջ, երբ շուարած չգիտէր ինչ ընէր, իջնէր թէ  
 մնար, երբ անշարժ կանգնած կը լսէր ու կը զննէր,  
 այդ աւերիչ դժբաղդը դադրեցաւ, կամ, աւելի ճիշտ,  
 ցրուեցաւ: Մարքիզը հասկցաւ, որ կատաղի և ուրախ  
 խումբ մը ցրուեցաւ անտառին մէջ և մըջիւններու նման  
 սկսաւ զեռալ ծառերու տակ: Ատոնք ազարակէն կու-  
 կային անտառին մէջ: Կը լսուէին թմբուկի ձայներ,  
 որոնք կը հրաւիրէին ցրուածները հաւաքուիլ: Հրացանի  
 հարուածները այլեւս չէին կրկնուեր. այլեւս կռիւ չէր,  
 այլ որոնում, կարծես կը խուզարկէին, կը հետազննէին,  
 կը հետապնդէին բան մը. պարզ էր որ մէկը կը փնտ-  
 ուէին: Խլացուցիչ ազմուկ մը կը բարձրանար, բարկութեան

խօսքեր և յաղթանակի ձայներ իրար կը խառնուէին:  
 Աղաղակներու աննկարագրելի ժխոր մըն էր այդ, որմէ  
 ոչինչ կարելի չէր հասկնալ: Բայց յանկարծ, ինչպէս  
 ծուխի մէջ կ'երեւան որոշ դիմազծեր, այնպէս ալ աղ-  
 մուկի մէջ բառ մը որոշ կերպով կը հնչէր. ատիկա ա-  
 նուն մըն էր, զոր հազար բերաններ կը կրկնէին: Մար-  
 քիզը յատակ կերպով լսեց այս ազաղակը.

— Լանդընա՛ք, Լանդընա՛ք, մարքիզ Լանդընա՛ք:  
 Զինքը կը փնտուէին:

Ե.

### ՊԱՏԵՐԱԶՄԻ ԱՆԱԿՆԿԱԼ ՓՈՓՈԽՈՒԹԻՒՆՆԵՐԸ

Յանկարծ մարքիզի շուրջը ամբողջն թաւուտը չորս  
 կողմէն միաժամանակ լեցուեցաւ հրացաններով և սուխ-  
 ներով: Եռագոյն դրօշակը բարձրացաւ կիսատուերին  
 մէջ. «Լանդընաք» ազաղակը հնչեց իր ականջին, իսկ  
 իր ոտքերուն տակ մացառներու, ճիւղերու մէջտեղէն  
 երեւցան կատղած դէմքեր:

Մարքիզը միայնակ կանգնած մնացած էր այդ բար-  
 ձրութեան վրայ, ուր ամէն կողմէ կը տեսնուէր: Անիկա  
 հաղիւ կը տեսնէր զանոնք, որոնք իր անունը կ'աղա-  
 ղակէին, բայց բոլորը զինքը որոշ կը տեսնէին: Եթէ  
 անտառէն հազար հրացաններ ուղղուած ըլլային, ան  
 այդտեղ անոնց իբրեւ նշանակէտ կը ծառայէր: Կը տես-  
 նէր այդ վառուած աչքերը թուփերու մէջէն իր վրայ  
 ուղղուած:

Հանեց իր գդակը, եղերքները վեր դարձուց, փր-  
 ցուց երկար փուշ մը, գրպանէն հանեց սպիտակ քօ-

քարդ մը և փուշով ամրացուց վեր դարձուցած գդակին եզերքին և այնպէս գլխարկի փոխելով՝ կրկին գլուխը դրաւ : Գլխարկի դարձուած եզրը վեր բարձրացած ըլլալով, թէ՛ իր ճակատը և թէ՛ քօքարդը միանգամայն կ'երևային : Մարքիդը ուժգին ձայնով մը իր խօսքը ուղղելով միանգամայն բոլոր անտառին ըսաւ .

— Ես եմ ձեր փնտռած մարդը, ես եմ մարքիդ ար Լանդընաք, դերկումս տը Թօնդընէ, Պրըթաների իշխանը և արքայական բանակներու հրամանատարի օգնականը . է՛ն, վերջացուցէք իմ գործս, նշան առէք, սպաննեցէ՛ք, կրակ :


Եւ իր ձեռքերով պատռելով այծի մորթէ բաճկոնակը՝ մերկ կուրծքը անոնց առջիւ բացաւ, աչքերը խոնարհեցուց՝ տեսնելու համար իր վրայ ուղղուած իրացանները, բայց հրացաններու փոխարէն շրջապատուեցաւ ծնրադիր մարդերով :

Որոտաց անհուն աղաղակ մը. «Կեցցէ Լանդընաք, կեցցէ մեր տէրը, կեցցէ զօրավարը» :

Միեւնոյն ժամանակ գլխարկները օղին մէջ կը թռչէին, սուրերը ուրախ ուրախ կը փայլէին : Թուփերու մէջ վեր ցցուեցան ձեռնափայտեր, որոնց վրայ կը ճօճէին գորշագոյն գդակներ :

Մարքիդը շրջապատուած էր վանտէցի խուճբով, որ զայն տեսնելուն պէս ծունկի եկած էր :

Աւանդութիւնը կը սլաւաբանէ որ Տիւրին-Կէնի հինաւուրց անտառներուն մէջ կը բնակէին տարօրինակ արարածներ, հսկաներու ցեղ մը, որ քիչ թէ շատ մարդու կը նմանէին. Հուովմայեցիները զանոնք կը համարէին ա՛նաւոր գաղաններ, իսկ Գերմանները աստուածներու մարմնացում. այդ արարածները կարող էին միեւնոյն ժամանակ պաշտուելու կամ ոչնչացուելու առարկայ ըլլալ, նայելով թէ ո՞վ կը հանդիպէր անոնց, հոսմայեցի՞ թէ գերմանացի :



Պատկ. 28.— Ես եմ ձեր փնտռած... (էջ 130)

Այժմ մարքիզը կը գգար այն, ինչ որ պիտի գգար այդ արարածներէն մէկը, որ յանկարծ կը պաշտուի իբրև աստուած. երբ ինք կը սպասէր ոչնչանալ իբրև հրէշ:

Բոլոր այս աչքերը իրենց մոլեգին փայլով յառած էին մարքիզին վրայ արտայայտելով տեսակ մը վայրենի սէր:

Այս ամբոխը զինուած էր հրացաններով, սուրերով, մանգաղներով, ձողերով, մահակներով, բոլորն ալ իրենց գլուխը դրած էին թաղիքէ գլակներ կամ թէ գորշագոյն գլխարկներ, վրան ամրացուած սպիտակ քօքարդներ համրիչներն ու բժժանքները կը փայլէին առատութեամբ: Հագած էին լայն տափասներ՝ որոնք մինչև ծունկերնին կը հասնէր. մորթէ շինուած լայնաթեւ կրկողներ, կաշիէ օտնամաններ, սրունքները բաց, մազերը երկայն, մէկ քանին կատաղի դէմքով, մնացած բոլորը միամիտ արտայայտութեամբ:

Գեղեցկադէմ երիտասարդ մը ծնրադիր մարդոց մէջէն առաջ անցաւ և մեծ քայլերով վեր՝ դէպի մարքիզը բարձրացաւ: Ան, ինչպէս և միւս գիւղացիները, գլուխը դրած էր եզրերը վեր դարձած թաղիքէ մեծ գլխարկ մը՝ սպիտակ քօքարդը վրան և հագած էր լորթէ լայնաթեւ վերարկու մը. մրայն սնոր ձեռքերը սպիտակ էին, և շապիկը նուրբ կերպասէ կարուած, իր կրկնողին վրայ կապած էր մետաքսէ սպիտակ գօտի, ուրկէ կախուած էր ոսկեգօծ կոթով սպիտակ սուրը:

Երբ հասաւ «հիւր»ին քով, գլխարկը հանեց մէկդի նետեց, իր գօտին քակեց, գետին նստաւ մէկ ծունկի վրայ, մարքիզին ներկայացուց գօտին ու սուրը և ըսաւ.

— Իսկպէս մենք ձեզ կը փնտռէինք և գտանք վերջապէս. ահա հրամանատարութեան սուրը, այս մարդիկը այժմ ձեզ կը պատկանին, մինչև ցարդ՝ ես էի

անոնց հրամանատարը, բայց այժմ ես աւելի բարձր զինուորական աստիճան կը ստանամ, ձեր զինուորը կը դառնամ: Ընդունեցէք մեր ծառայութիւնը, տէր իմ, հրամայեցէք, զօրավար:

Այս ըսելով նշան մը ըրաւ և եռագոյն զբոշակ կրողները անտառէն դուրս եկան և մինչեւ մարքիզը բարձրանալով դբոշակը անոր ոտքին տակ դրին. ատիկա այն դբոշակն էր, որուն ծածանիլը քիչ մը առաջ տեսած էր ծառերուն մէջէն:

— Զօրավար, յարեց երիտասարդը՝ որ անոր ներկայացուցած էր սուրն ու գօտին, այս այն դբոշակն է, զոր մենք խլած ենք Էրբ-ան-Պայ ագարակը գլուխուղ կապոյտներէն: Տէր իմ, իմ անունս կավար է, ես կը գտնուիմ Ռուարիի մարքիզին հրամանատարութեան տակ:

— Շատ լաւ, ըսաւ մարքիզը:

Ապա վեհ հանդարտութեամբ մը կապեց գօտին, յետոյ հանեց սուրը, մերկացուց և իր գլխին վրայ ճօճեց գոչելով.

— Ոտքի՛, կեցցէ՛ թագաւորը:

Բոլորը ոտքի ելան, և խլացուցիչ յայթական աղաղակ մը թնդաց անտառին խորութեան մէջ. «կեցցէ՛ թագաւորը, կեցցէ՛ մարքիզը, կեցցէ՛ Լանդընաք»:

Մարքիզը կավարին դարձաւ և հարցուց.

— Ուրեմն դուք քանի՞ հոգի էք:

— Եօթը հազար:

Եւ երբ մարքիզը բարձունքէն վար կ'իջնէր, երբ գիւղացիները փուշերն ու մացառները կը մաքրէին՝ անոր առջեւ ճամբայ բանալու համար, կավարը կը շարունակէր.

— Տէր իմ, ատիկա զարմանալի չէ, այդ բոլորը կարելի է բացատրել բառով մը միայն՝ ամէնքը կը սպասէին կայծի մը: Հանրապետութեան յայտարարութիւնը

ծանուցանելով ձեր ներկայութիւնը, պատճառ դարձաւ, որ բոլոր երկիրը ապստամբի և թագաւորին համար ոտքի ելնէ: Ասկէ զատ, կրանվիլի քաղաքապետը, որ մերիններէն է, իսկոյն մեզ իմաց տուած էր: Ատ միեւնոյն մարդն է որ մերժած էր արքայ Օլիվիէն: Այս գիշեր անազանք հնչեցուցած էին:

— Որո՞ւ համար:

— Զեզլի համար:

— Օ՛հ, բացազանչեց մարքիզը:

— Ահա մենք բոլորս:

— Եւ բոլորդ եօթը հազար էք:

— Այո՛, բայց այսօր միայն. առտուն մենք կ'ըլլանք տասնըփնիք հազար: Այս պիտի պտուղ մըն է մեր երկիրը: Երբպարոն Հանրի տը Լա-Ռօշէժաքըլէն կը պատրաստուէր միանալ կաթոլիկ բանակին, այն ժամանակ ալ զանգահարեցին և մէկ գիշերուան մէջ միայն վեց ծուխերէ՝ Իզէրնէէն, Քարկէօյէն, Էշօպրուանէն, Օպիէէն, Սէնդ-Օպէէն և Նիւէլէն տասը հազար զինուոր հաւաքուեցան: Ռազմամթերք չկար, միայն որմնադիր մը վաթսուն ֆունտ ականի վառօղ ճաւղեց: Ռօշէժաքըլէն առաւ այդ զինուորները և վառօղը ու մեկնեցաւ դէպի բանակը: Մենք աներկբայ էինք որ դուք կը գտնուիք այս անտառին մէջ և ձեզ կը փնտռէինք:

— Եւ դուք Էրբ-ան-Պայ ագարակին մէջ յարձակեցա՞ք կապոյտներուն վրայ:

— Հովը թոյլ չէր տար որ անոնք լսէին անազանքը, իսկ իրենք երբէք չէին զգուշանար, որովհետեւ գիւղին մարդիկը, որոնք կատարեալ ապուշներ են, լաւ ընդունելութիւն ցոյց տուած էին անոնց: Այս առաւօտ մենք պաշարեցինք ագարակը. երբ կապոյտները քնացած էին, և ձեռքի շարժումով մը անոնց գործը վերջա-

ցուցինք: Զի մը ունիմ, արդեօք կը բարեհաճի՞ք ընդունիլ, տէր զօրավար:

— Այո՛:

Գիւղացիներէն մէկը մօտեցուց զինուորական սարքով սպիտակ ձի մը. մարքիզը առանց կողմնակի օգնութեան հեծաւ ձին, թէեւ Կավար պատրաստ կեցած էր օգնելու, ասպանդակը բռնելով:

— Հուրրա՛, գոչեցին գիւղացիները:

Անգլիներէն բացազանչութիւնները շատ գործածական են Պրըթաների և Նօրմանտիայի անփերուն վրայ, որոնք անընդհատ յարարերութիւններու մէջ են Մանի կղզիներուն հետ:

Կավար զինուորական բարեւ տուաւ մարքիզին և հարցուց.

— Ո՞ւր կ'ուզէք հաստատել ձեր ընդհանուր բանակավայրը, տէր իմ:

— Առաջին անգամ Ֆուժէրի անտառին մէջ:

— Ատիկա ձեզ պատկանող եօթը անտառներէն մէկն է պարոն մարքիզ:

— Քահանայ մը պէտք է:

— Մենք ունինք:

— Ո՞վ է:

— Շարէլ-էրպէի վիճակային տեղապահ:

— Կը ճանչնամ, անիկա ճամբորդած է ձերսէջ:

— Այո՛, և երեք անգամ, գոչեց քահանայ մը, դուրս գալով մարդոց շարքերէն:

Մարքիզը գլուխը դէպի անոր դարձուց.

— Բարեւ ձեզ, պարոն տեղապահ, դուք շատ բան ունիք ընելու:

— Որքան շատ, այնքան լաւ, Պ. մարքիզ:

— Դուք պիտի խոստովանցնէք, բայց միայն անոնք որ կ'ուզեն, առանց ստիպելու:

— Պ. Մարքիզ, ըսաւ քահանան, կէմէնէի մէջ Կասթօն՝ հանրապետականները բռնի խոստովանցնելու տայ:

— Կասթօն սփրիչ մըն է, ըսաւ մարքիզը. պէտք է թողուլ մարդոց մեռնիլ այնպէս, ինչպէս իրենք կ'ուզեն:

Կավար, որ հեռացած էր քանի մը կարգադրութիւններ ընելու, ետ դարձաւ և մարքիզին ուղղելով խօսքը.

— Տէր զօրավար, ըսաւ, կը սպասեմ ձեր հրամաններուն:

— Ժամադրութեան տեղը այժմ Ֆուժէրի անտառը թող ըլլայ. հիմա թող ցրուին և այնտեղ հաւաքուին:

— Այո՛, տէր զօրավար:

— Իսկ դուք այրեցի՞ք այդ ագարակը:

— Այո՛:

— Գիւղն ալ այրեցի՞ք:

— Ո՛չ:

— Այրեցէ՛ք:

— Կապոյտները փորձեցին պաշտպանուիլ, բայց ի զուր: Անոնք հարիւր յիսուն էին, իսկ մենք եօթը հազար:

— Այդ ի՞նչ կապոյտներ էին:

— Սանդերի զօրքերէն:

— Այն Սանդերի, որ թագաւորին գլուխը կտրած ժամանակ հրամայած էր թմբկահարել. ուրեմն ատոնք Բարիզի վաշտերէն են:

— Այո՛, կէս վաշտ:

— Ի՞նչպէս կը կոչուի այդ վաշտը:

— Տէր զօրավար, դրօշակին վրայ արձանագրուած է «Կարմիր-Գղակի վաշտ»:

— Այն անգամ գազաններ:

— Վիրաւորուածները ի՞նչ պէտք է ընել:

— Վերջացուցէք բոլորն ալ:

- Իսկ գերինները :
- Հրացանի բռնեցէ՛ք :
- Բայց անոնք մօտաւորապէս ութսուն հոգի են :
- Բո՛լորն ալ հրացանի բռնեցէ՛ք :
- Երկու կին ալ կայ անոնց մէջ :
- Նո՛յնպէս :
- Երեք երախաներ կան :
- Անոնք ձեզի հետ առէք, տեսնենք, վերջը ի՞նչ

կ'ըլայ :

Եւ մարքիզը իր ձին առաջ քշեց :

է՞

**ԵՐԲԵՔ ԶԻՂՃԱԼ** (Քօմմիւնի հրաման)

**ԵՐԲԵՔ ԶԻՆԱՅԵԼ** (Իշխաններու հրաման)

Երբ Տանիսի կողմերը այս դէպքերը կը կատարուէին, մուրացիկը այդ ժամանակ գացած էր Քրօլօնի կողմերը, անցած էր ձորակները՝ ծառերու լայն և լուռ տերեւներու տակէն, անհետաքրքիր դէպի շրջապատը և հետաքրքիր միայն դէպի չնչին բաներ, այնպէս ինչպէս ինքը ըսած էր. աւելի կ'երեւակայէր՝ քան թէ կը մտածէր, որովհետեւ մտածողը նպատակ մը ունի. մինչդեռ երեւակայողը զուրկ է նպատակէն :

Քայլամուր կ'երթար ան, կանգ կ'առնէր, կը քաղէր այտեղ այնտեղ բուսած վայրի թրթնձուկները և կ'ուտէր, աղբիւրներու ջուրերէն կը խմէր, երբեմն գլուխը կը տնկէր և ականջները կը լարէր, երբ կը լսէր դղրդոցի հեռաւոր ձայներ, յետոյ կրկին կը խորասուզ-

ուէր պայծառ բնութեան շլացուցիչ հրապոյրներուն մէջ, իր ցնցոտիները կը բռնէր և կը պարզէր արեւուն առջև, թերեւս կը լսէր մարդոց ձայները, բայց աւելի հրապուրուած էր թռչուններուն երգերով :

Ծերունի էր այն և ծանրաքայլ. ինչպէս մարքիզ Լանդընաքին ըսած էր, հեռուն չէր կրնար երթալ. քառորդ մղոնի մը ճամբան ալ զայն կը յոգնեցնէր : Փոքրիկ շրջան մը կատարեց դէպի Քրուա-Ավրանչէն և երբ երեկոյ եղաւ՝ ետ դարձաւ :

Մարտէէն քիչ մը անդին, անկա բռնեց ճամբայ մը, սր զայն առաջնորդեց բարձրութեան մը. հոն չկային ծառեր և ամբողջ հորիզոնը՝ արեւմուտքէն մինչեւ ծովը՝ կը բացուէր անոր առջև և կ'ընդգրկէր լայն տարածութիւն :

Ծուխ մը գրաւեց անոր ուշադրութիւնը :

Չկայ բան մը, որ այնքան քաղցր ըլլայ, քան ծուխը. բայց չկայ նոյնպէս բան մը, որ անոր չափ սարսափելի ըլլայ : Կան խաղաղ ծուխեր, բայց կան և չաբազուշակ ծուխեր : Ծուխը կամ աւելի ճիշտ, ծուխի թանձրութիւնը և գոյնը՝ ամբողջ տարբերութիւն մըն է, տարբերութիւն խաղաղութեան և պատերազմի մէջ, եղբայրութեան և ատելութեան մէջ. հիւրասիրութեան և գերեզմանի մէջ, կեանքի և մահուան մէջ : Ծուխը, որ գալարուելով կը բարձրանայ ծառի ճիւղերու մէջէն, կարող է նշանակել նաև այն, ինչ որ ամենազմայլելին է երկրի վրայ — ընտանեկան օճախը, միեւնոյն ժամանակ և այն, ինչ որ ամենասարսափելին է — հրդեհը. այդ անօտը չերտերը, որոնք հովէն բաժան բաժան կ'ըլլան, իրենց մէջ կը բովանդակեն մարդուն ամբողջ ճակատագիրը իր բոլոր երջանկութեամբ և կամ իր բոլոր դժբախտութեամբ միասին :

Տէլմարքի տեսած ծուխը կասկածելի էր :

Սեւ էր ան, բայց յանկարծ կը փայլէր կարմիր բոցերով. կարծես այն վառարանը, ուրտեղէն անիկա դուրս կը ժայթքէր, կը վառէր առկայծեալ կրակով: Ամբողջ էրբ-ան-Պայը անով պատուած էր:


Տէլմարք քայտերը արագացուց և ծուխին կողմը գնաց. անիկա շատ յոգնած էր, բայց անպատճառ կ'ուզէր նստիկալ, թէ ի՞նչ է ան:

Հասաւ բլուրի մը ստորտը և բարձրացաւ անոր վրայ: Գիւղն ու ագարակը կը գտնուէին այդ բլուրին լանջքերուն վրայ:

Ոչ ագարակ կար այլ եւս և ոչ գիւղ. խրճիթներու դէզ մը կ'այրէր. էրբ-ան-Պայն էր ան:

Կան բաներ, որոնց այրուելը տեսնելը աւելի մեծ կակիծ կը պատճառէ, քան պալատի մը հրդեհը: Ատիկա խրճիթի հրդեհն է: Խրճիթը կրակի մէջ — ատիկա ողբալի տեսարան մըն է, երբ աւերումը կը բռնէ թշուառութեան կոկորդէն, երբ գիշատիչ անգղը կը նետուի գեանի վրայ սողոսկող խեղճ որդին վրայ: Այստեղ հակաբնական բան մը կայ, որ կը ճմլէ սիրտը:

Եթէ նաւատանք Սուրբ Գրքի մէկ աւանդութեանը, հրդեհը իրեն նայող մարդկային արարածը քարէ արձանի կը փոխէ: Տէլմարքն այ րոպէ մը այսպիսի արձան դարձաւ. անիկա քար կտրեցաւ իր առջեւ բացուած տեսարանէն: Աւերը կը կատարուէր լռութեան մէջ. ոչ մէկ ձայն չէր բարձրանար, ոչ մէկ մարդկային յառաջ չէր խառնուեր այդ ծուխին հետ. բոլորովին անձայն կը գործէր այդ հնոցը և արդէն կուլ տուած էր գիւղը. կը լսուէին միայն տախտակներու ճարճատիւնը և յարգով պատուած կտուրներու ճռճոցը: Երբեմն մուխը կը պատուէր և տապալուած կտուրներու տակէն կ'երեւային բաց սենեակները: Հնոցը կը շողար իր գոհարներու բոլոր գոյներով. ծիրանեզոյն դարձած կապերտները:



Պատկ. 29.— Տեղևարք մտնեցաւ և սկսուաւ... (էջ 139)

հին, աղքատիկ կան կարասիքը լեցուցած էին անոր շիկացած ներսը: Աւերը իր աղէտալի հրապոյրներուն մէջ կաշկանդած էր Տէլմարքը:

Տան կլց քանի մը շագանակենիներ կրակ առած էին և բոցերուն մէջ կը պլպլային:

Մութացիկը սրած էր իր ականջները, աշխատելով լսել ձայն մը, աղաղակ մը, գոչիւն մը. բայց ամէն ինչ անշարժ էր. հրդեհը միայն ձայն կը հանէր: Միթէ բուրբ փախած էին. սուր էր էրբ-ան-Պայի շնչուն և շարժուն համայնքը. ի՞նչ էր պատահած այս փոքրիկ հասարակութեան:

Տէլմարք բլրակէն վար իջաւ:

Չարագուշակ հանելուկ մը կը տանջէր զայն:

Կը մտնենար մութացիկը յամբաքայլ, բայց աչքերը առաջ յառած. ստուեր մըն էր, որ դանդաղաքայլ կ'առաջանար դէպի աւերակը. ինքն ալ կը զգար որ տեսակ մը ուրուական էր այս լուռ գերեզմանին մէջ:

Հասաւ այնտեղ, ուր առաջ կը գտնուէր ագարակին դուռը, և նայեցաւ բակը, որ այժմ պատեր չունէր և լսանուած էր իր շրջապատող գիւղին հետ:

Ինչ որ տեսած էր դեռ բլրակին լրայէն, ատիկա ոչինչ էր. ան սարսափելին միայն տեսած էր. իսկ այժմ այստեղ կը տեսնէր քսամենիին:

Բակին կեդրոնը կը գտնուէր սեւ դէզ մը, տարտամ կերպով լուսաւորուած մէկ կողմէ բոցերով, միւս կողմէ լուսնի շողերով. ատիկա մեռած մարդոց դիակներու դէզն էր:

Կայտին շուրջը կազմուած էր ամբողջ լճակ մը, որ դեռ կը միտար և իր մէջ կը ցոլացնէր հրդեհը: Կարմիր էր այդ լճակը, բայց ոչ կրակէ՛ կարմիր, որովհետեւ արիւն էր:

Տէլմարք մտնեցաւ և սկսաւ իրարու ետեւէ մի առ մի զննել այդ թաւալգլոր դիակները:

Լուսինը կը լուսաւորէր, ինչպէս նաև հրդեհը:

Այդ դիակները զինուորներ էին. մերկ էին անոնց բոլորին սոքերը, որովհետեւ անոնց կոշիկները հանած էին. վերցուցած էին նոյնպէս անոնց զէնքերը. կը մնար միայն անոնց համազգեստը, որ կապոյտ գոյն ունէր: Մարմիններու, գլուխներու և անդամներու այս անկանոն կոյտին մէջ չուս ու չուն կ'երեւային ծածկուած քօքարգաւոր գլխարկներ: Ատոնք հանրապետականներ էին, Բարիզցիներ՝ որոնք դեռ նախորդ երեկոյ կենդանի էին այնտեղ՝ Էրբ-ան-Պայ ագարակին մէջ ամրացած կը պահանէին: Համաչափ ինկած դիակները ցոյց կուտային, որ անոնք մահացած էին, տեղն ու տեղը և մեծ խնամքով զնդակահար եղած էին: Բոլորը մեռած էին, ոչ մէկ չչուկ չէր բարձրանար ամբողջ զէզին մէջէն:

Տէլմարք զննեց առանց բացառութեան բոլոր դիակները. ամէնքն ալ ծածկուած էին գնդակներով:

Գնդակահար ընողները, հաւական է որ աճապարած էին ուրիշ տեղ երթալ և ժամանակ չէին ունեցած զանոնք թաղելու:

Երբ մուրացիկը կը պատրաստուէր հեռանալ, բակը գտնուած ցած պատ մը անոր ուշադրութիւնը գրաւեց. տեսաւ չորս սոքեր, որոնք պատի անկիւնին հետեւէն դուրս ցցուած էին, անոնց վրայ կոշիկներ կային և համեմատաբար միւսներուն հետ այդ սոքերը փոքր կ'երեւային. Տէլմարք մօտեցաւ, ատոնք կոնացի սոքեր էին:

Պատին հետեւ երկու կին, նոյնպէս զնդակահար, ինկած էին իրարու քով:

Տէլմարք անոնց վրայ ծռեցաւ: Կիներէն մէկը հագած էր տեսակ մը համազգեստ. անոր մօտ կը գտնուէր կոտորած և պարպուած ջրաման մը. բանակին վաճառունին պիտի ըլլար: Չորս գնդակներ մտած էին անոր գլխուն մէջ և այժմ անիկա անշունչ պառկած էր:

Տէլմարք նայեցաւ միւսին. գեղջկուհի մըն էր



Պատկ. 30.— Միրէ այստեղ ոչ ոք չկա՞յ... (էջ 141)

տժգոյն դէմքով, բերանը բաց, բայց աչքերը փակած. գլխուն վրայ վերք մը չէր տեսնուեր: Անոր զգեստները որոնք անտարակոյս մաշելէն ցնցոտիներու փոխուած էին, իր ինկած բոպէին բացուեր էին և իրենց ծալքերուն մէջէն դուրս չաներ էին անոր կիսամերկ իրանը: Տէլմարք զգեստը բոլորովին բացաւ և մէկ ուսին վրայ տեսաւ գնդակի կտոր վերքը: Ուսուկը խորտակուած էր: Մուրացիկը նայեցաւ այդ կապուտցած կուրծքին:

— Մ'այր և ստնտու մումուաց և ձեռքը դպցուց անոր մարմնին:

Մարմնը սառած չէր:

Խորտակուած ուսուկէն և ուսի վերքէն զատ անոր վրայ ուրիշ վերքեր չկային:

Մուրացիկը ձեռքը դրաւ անոր սրտին և զգաց որ սիրտը թոյլ կերպով կը բարախէր. ուրեմն կինը մեռած չէր.

Տէլմարք ոտքի ելաւ և սարսափելի ուժգին ձայնով մը գոռաց.

— Միրէ այստեղ ոչ ոք չկա՞յ:

— Դո՞ւն ես կէման, պատասխանեց մարդ մը այնպիսի ցած ձայնով, որ մուրացիկը չազիւ լսեց. և նոյն բոպէին աւերակի ծակին մէջէն գլուխ մը դուրս ելաւ, յետոյ միւս խրճիթէն ուրիշ գլուխ մըն ալ երեւաց:

Ատոնք պահուրտած երկու գիւղացիներ էին, միակ ազատուածները:

Կէմանի ծանօթ ձայնը անոնց վստահութիւն ներշնչած էր իրենց կծկուած անկիւններէն դուրս գալու:

Անոնք յառաջացան դէպի Տէլմարք և դեռ կը շարունակէին դողալ:

Իսկ Տէլմարք միայն կրցած էր աղաղակել, բայց չէր կրնար խօսիլ. այսպէս կ'ազդեն խոր յուզումները: Մատով ցոյց տուաւ իր ոտքերուն տակ պարզուած կինը:

— Ան դեռ կենդանի՞ է, հարցուց գիւղացիներէն մէկը:

Տէլմարք գլխով հաստատական նշան ըրաւ :

— Իսկ մըւս կինը . ա՞ն ալ կենդանի է :

Տէլմարք բացասական նշան մը ըրաւ :

Առաջին անգամ գլուխը դուրս հանող գիւղացին յարեց .

— Բոլոր մնացածները մեռած են , այնպէս չէ՞ . ես տեսայ , այն ժամանակ նկուղին մէջ պահոււրտած էի : Այսպիսի բողոքներուն Աստուծոյ ո՛րչափ շնորհակալ պիտի ըլլան անոնք , որ բնատնիք չունին : Իմ տունս կ'այրէր . Տէր Աստուած : Բոլորն անխնայ սպաննեցին : Այս կինը երեք որդի ունէր . բոլորն ալ փոքր . որդիները կ'աղաղակէին՝ «մայրի՛կ» . մայրը կ'աղաղակէր «որդեակնե՛րս» : Մայրը սպաննեցին , իսկ որդիները տարին : Ես այդ ամէնը տեսայ , Աստուած իմ , Աստուած իմ , Աստուած իմ : Իսկ անոնք բոլորը ջարդելէ յետոյ մեկնեցան : Անոնք շատ դո՛ւ կ'երեւային որ մայրը սպաննեցին , իսկ որդիները տարին . բայց կինը մեռած չէ , այնպէս չէ՞ . մեռած չէ : Է՛ն , ըսէ ուրեմն , կէման , դուն յոյս ունի՞ս որ կրնաս զայն փրկել . կ'ուզե՞ս որ քեզ օգնենք՝ զայն տեղափոխելու համար քու որջդ :

Տէլմարք գլխով համամտութեան նշան մը ըրաւ :

Անտառը կը հասնէր մինչեւ ագարակը : Անոնք ծառերու ձիւղերէն և խոտերէն իսկոյն պատգարակ մը շինեցին , կնոջ անկենդան մարմինը անոր վրայ դրին ու յառաջացան անտառին խորը . երկու գիւղացիները՝ մէկը գլխէն ,միւսը սոքերուն կողմէն բռնած՝ կը տանէին պատգարակը , իսկ Տէլմարք բռնած էր կնոջ ձեռքը և կը քննէր զարկերակը :

Գիւղացիները կը քալէին և միեւնոյն ժամանակ կը խօսէին . և նայելով արիւնաշաղախ կնոջ , որուն տոգոյն երեսը լուսաւորուած էր լուսնի շողերով , անոնք ավշած կը բացազանչէին փոփոխակի .

— Բոլորը սպաննե՛լ :

— Ամէն ինչ այրե՛լ :

— Օ՛հ , Տէր Աստուած , միթէ այսուհետեւ միշտ այսպէ՞ս պիտի ըլլայ :

— Այն մեծ մարդն է այս բոլորը ընողը :

— Այո՛ , ան հրամայեց :

— Բայց ես զայն չտեսայ , երբ զնդակահար կ'ընէին այն ժամանակ այնտե՞ղ էր ան :

— Ո՛չ , այն ժամանակ մեկնած էր . բայց միեւնոյնն է . ամէն բան կատարուեցաւ անոր հրամանով :

— Այն ժամանակ ան ըրած է այս ամէնը :

— Այո՛ , ան ըսած էր՝ «սպաննեցէ՛ք , այրեցէ՛ք , երբեք մի՛ խնայէք» :

— Ան մարքիդ է :

— Այո՛ , մե՛ր մարքիդն է :

— Ի՞նչ է անոր անունը :

— Պարոն տը Լանդընաք :

Տէլմարք աչքերը վեր բարձացուց և իր ակռաները կրճատելով մըմուսաց .

— Ախ , եթէ ես գիտնայի՛ :

Վ Ե Ր Ջ Ա Ռ Ա Ջ Ի Ն Մ Ա Ս Ի Ն



ԵՖ 1

2p

ՅՈՍ 0

Քիչ օրէն պիտի սկսինք հրատարակել անմահն թՕԼՍԹՈՅԻ Պատերազմ և Խաղաղութիւն անուն հոշակաւոր գործը, որ Եւրոպայի բովանդակ գրական աշխարհը սարսաձ է իր իմաստասիրական ցնցող տեսութիւններովը: ԹՕԼՍԹՕ այն հուժկու միտքերէն մէկն է, որ լնատուր ձիրքը ունի ամբողջ սերունդ մը ցնցելու և արմատացած գաղափարներ ու տեսութիւններ հիմնայտակ քանդելու իր գրաւիչ ու աշխոյժ ոճին և մանաւանդ իր գաղափարներուն սարսեցուցիչ զօրութեանը չնորհիւ: Աւելորդ կը համարինք խօսիլ իր վրայ, քանի որ ամբողջ աշխարհ կը ճանչնայ զինքը: Պատերազմ և Խաղաղութիւնը մեծ ընդունելութիւն գտած է քաղաքակիրթ երկիրներու մէջ, ուր ծաւալած է բազմաթիւ լեզուներու, մինչև իսկ չինարէնի թարգմանուած ըլլալուն համար: «Կիւթէմպէրկ» Մատենաշարի հրատարակիչները կը կարծեն թէ օգտակար ծառայութիւն մը կը մատուցանեն հայերէնի վերածելով դարուս ամէնէն ՀՍԿԱՅ ԽՈՐՀՈՂԻՆ՝ անմահն թՕԼՍԹՈՅԻ այս հոյակապ վէպը՝ Պատերազմ և Խաղաղութիւնը, որ պրակ առ պրակ պիտի հրատարակուի քիչ օրէն պատկերազարդ և փայլուն տպագրութեամբ՝ պրակը 10 փր.ի: Պատկերները միասին պիտի տպագրուին շատ խնամքով: Այս հոյակապ գործին թարգմանութիւնը՝ որ ուղղակի ուսերէնէ կը թարգմանուի, յանձնուած է կարող թարգմանչի մը՝ Եղուարդ Ամատունիի, որ Պոլսահայերէնի վերածած է սահուն ոճով մը:

Հրատարակիչ-Տպարանատէր

«ԿԻՒԹԷՄՊԷՐԿ», ՄԱՏԵՆԱՇԱՐԻ  
ԵՐՈՒԱՆԴ ՄՈՐԼԵԱՆ-ԳԱՐԻԷԼ ՅՈՎՀԱՆՆԷՍԵԱՆ



« Ազգային գրադարան



NL0318156

6501